


BILIBALDVS PIRCKHEYMER
sorori suæ Clare apud diuam Claram
Norembergæ Moniali S. D.


CVM Reuerendus, & nunquã sine hono-
ris præfatione mihi nominandus Domi-
nus Iacobus Bannisus, Cæsariæ maiestati
consilijs & secretis, Decanus Tridentinus
gnissimus, codicem peruetustũ, qui è misera
da Grecia elapsus, captiuitatis iugum euaserat
per communem amicum Ioannẽ Stabiũ, Im-
perialem Historiographũ, & Mathematicũ
signẽ, ad me misisset, egoq; leui trãscursu
delibassem, sorte quadã in beatissimi patris Ni-
coli episcopi et martyris Christi, sentẽtiosa inci-
dicta. Quæ cũ non minũs bona fruge referta,
tanto authore digna uisa fuissent, ea in latinũ
uertẽdi cupido subiit. Cõmodũ etenim rede-
ptoris nostri salutifera instabãt natalia, mihiq;
aliquantisper à ciuilibus curis interuixisse uide-
bar. Ideo quatrduanũ illud tempus, qd diuini
superabundaturum erat obsequijs, huic tã pa-
operi impendendũ esse censui: nec uoto euen-
tus defuit. negociũ enim aggressus, intrã præ-
scriptũ tempus, non tã elegantix, quã ueritas
studens, absolui. Ne igitur mea suauissima C
ra, sem


ra, semper matri Abbatisse, & communi sorori
nostræ charitati optimæ (probato illi Hesiodi
emulationis genere) inuideres, hæc tibi destina-
re uolui xenia, non qualia cæca gentilitas, Sa-
turnalibus mittere consueuit diebus, sed quæ
Christianæ pietati ob uerbum incarnatum ad-
modũ conuenirent. Accipe igitur adama-
tor, munus existimatione mea haud con-
temnendum, non secus ex uera & Theolo-
gica philosophia, quã aurum, thus, myr-
ra ex sacris magorum thesauris olim de-
promptum: quumq; sis uirginalis chori in-
stitutrix, tam præsentaneum contra uicia re-
medium, teneris adhuc mentibus instilla. Id
si feceris, senties profectò, tam generosum se-
men fructum debitum suo tempore produ-
cturum. Vale iucunda mea Clara: ita-
que filias instrue nostras, ut charita-
tem, si minũs nomine, attamen
re ipsa quãdoq; adipiscan-
tur. Ex ædibus nostris
quarto Calend.
Ianuarij.

A 2 SEN-









FABVLA

RVM QVAE HOC LIBRO

continentur, Interpretes atq; Autores
Guilelmus Goudanus. (sunt hi.

Hadrianus Barlandus

Erasmus Roterodamus

Aulus Gellius. Laurentius Valla.

Angelus Politianus. Petrus Crixitus.

Ioannes Antonius Campanus

Plinius secundus Nonocomensis.

Anianus. Guilelmus Hermannus.

Nicolaus Gerbellius Phorcensis.

Laurentius Abstemius.

Rimicius iam denuo additus.

Aesopi uita ex Max. Planude ex-
cerpta, et aucta.

Indicem Fabularū in uestibulo reperies.

ÆSOPI VI

TABREVISSIME EX MA-
XIMO PLANVDE.



ESOPVS GENVS
traxit ex Ammorio oppido Ph-
rygiae cognomento magna, sed
fortuna fuit seruus, Verum ser-
uitus non potuit animum eius li-
berum corrumpere. Fuit autem
non solum seruus, sed et defor-
mosissimus omnium suae ætatis hominum. Nam acuto
capite fuit, præsis naribus, depresso collo, prominenti-
bus labris, niger, unde et nomen adeptus, uentrosus, ual-
gus et incuruus, et quod erat omnium pessimum, tardi-
loquentia cum obscura simul et inauriculata uoce, quæ
omnia seruitutem ei parasse uideri possunt. Sed cum
tali esset tamque deformi corpore, animo tamen fuit
natura solertissimo, fœlicissimoq; ad omne commentum.
Homo igitur tam deformis ad fodiendum agrum ab he-
ro suo emittitur, quò digressus, alacriter operi incum-
bebat. Cumq; eius domino ficus agricola quidam dono
dedisset,



2734:1920

dedisset, eas dominus seruo cuidam Agathopodi domum ferendas commisit. Quid Agathopus consilium inijt eum conseruo, ut ipsi ficus illatas deuorarent, causarenturq; postea Aesopum eas furto ablatas comedissee. Hero domum redeunte, accusatur Aesopus, parantur flagra, procumbit ad heri pedes miser, dilationem petit, qua impetrata, aquam calidam affert, cuius partem ebibit, reliquam propinat conseruis, Aesopus praeter aquam nihil euomit, serui una cum humore et ficus in terram eijciunt. Nudi Nebulones flagro misere conciduntur, laudato mirifice ingenio Aesopi. Cum Sacerdotes Dianae conuenissent Aesopum, rogassentq; uiam ut illis monstraret, quae in urbem ducebat, is prius frugali coena refocillatos, in uiam dux ipse ducit. Ob quam hospitalitatem Sacerdotes precibus orant Dianam, ut ipsa gratiam referat homini tam bene de ipsis merito. Quo facto reuersus Aesopus, in somnum lapsus, uisus est fortunam astare sibi, soluentem eius linguam, atq; Fabularum largientem doctrinam. Quare mirifice letatus Aesopus expergiscitur, beneficium hoc in hospitalitatis obseruationem reijcit. Non enim amplius loquendo tardus erat, sed lingua soluta, expedite loquebatur. Quod cum Zenas quidam agri praefectus intellexisset, timens nequando iniquitatis apud dominum ab Aesopo accusaretur, hominem praue nit, atq; grauisima accusatione in odium domini induxit, adeo, ut eidem*

præfecto ab hero Aesopus traderetur. Cumq; iam in potestate Zenæ foret Aesopus, conuenit Zenam Mercator quispian rogans, num iumentum aliquod uelit diuendere. Respondit Zenas iumentorum se potestatem non habere, uerum Aesopum monstrat, an hunc uelit, adesse quidem. Quem cum uidisset Mercator, unde hæc tibi Olla, inquit, an ne truncus est uel homo? Ni uocem emitteret, utrem inflatum arbitrarer, atque indignatus abiit. Aesopus ipsum sequens, mane inquit. Ille uero conuersus, abi, inquit, sordidissime Canis. At Aesopus ait, eme me Mercator, non inutile tibi sum futurus mancipium. Nam si tibi domi sunt mali pueri & sine otio flentes, his me præfice pedagogum, omnino eis ero pro larua. Ridens igitur Mercator ad Zenam dicit, Quanti uas hoc malum uendis? Ille tribus ait obolis. Mercator tres obolos exponens, nihil emi (inquit) nihil exposui. Mercator ille cum Ephesi reliqua uendidisset mancipia, tria remanserunt illi. Grammaticus, Cantor, & Aesopus. Quos cum ille nequiret diuendere Sanum petijt, atq; ibi expositis his tribus Grammatico & Cantore egregie ornatis, Aesopo uero in medio sordidissimo stante, uenit Philosophus Xanthus, atq; hos tres probe contuens Mercatoris commentum miratus est, Cur nam inter duos bellissimos iuuenes tam sordidum statuisset homuntionem. Xanthus igitur percontatur Cantorem cuius sit, Respondit Cappadox sum. Quid sciret. Respondit, omnia. Quo dicto risit Aesopus. Quæsiui & a Grammatico

Xanthus

Xanthus, cuius esset, dixit se Lydum esse. Quid facere
sciret rogante Xantho, omnia inquit Grammaticus, at=
q; iterum Aesopus risit. Discedente Xantho rogant di=
scipuli ut Aesopum emat, nam reliquos duos nimis ma=
gno pretio aestimarat Mercator. Veniens ad Aesopum
Xanthus rogat unde sit, nigrum se esse respondit. Ille
uero non hoc uolebam ait, sed unde natus sis. Ait Aeso=
pus, ex uentre matris meae. Non hoc dico Xanthus in=
quit, sed in quo loco natus sis. Aesopus ait, matrem non
renuniasse sibi, an in sublimi uel humili loco eum genuc=
rit. Xanthus quid facere sciat percunctatur, & ille,
nihil. Quomodo? Dixit Xanthus. Quoniam hi duo se
omnia nosse professi sunt, mihi uero nihil reliquerunt.
Laudatus est multis modis Aesopus à Scolaſticiſ ob hoc
reſponſum, quoniam nullus ſit uſp̄iam inter mortales cui
cognita, explorataq; ſint omnia. Xanthus empturus
Aesopum, dixit, Si emero te, an ne es fugiturus? Cui
Aesopus reſpondit, hoc ſi facere uoluerò, haud quaquam
te utar conſultore. Quae cum maxime placuiſſent Xan=
tho ſubintulit, Sed deformis es. Atq; ille reſpondit, O
Philoſophe non faciem, ſed mentem oportet inſpicere.
Xanthus ſoluto ab Scolaſticiſ pretio, Aesopum accepit.
Inter deambulandum igitur cum ſol eſſet ardentis ſimus.
Xanthus meiebat nihilominus iter peragens. Id ani=
maduertens Aesopus, dixit ſe conſeſtim fugiturum.
Xantho, cur nam id facere uellet, exquirente, Quoni=
am, inquit, ſi tu cum herus ſis, natura nõ potes morem

gerere, quid seruo mihi faciendum? Nam si ad ministerium aliquod mitterer, nam inter uolandum cacare deberem? Post hæc accidit Xanthum die quodam amicos ad conuiuium inuitasse. Quibus rem gratam facturum, Aesopo mandat ut lentem coquat. Qua commode parata, et cocta, Xanthus eam iubet afferri. Aesopus iussa exequitur. Xanthus lente accepta, probaturus an ne cocta foret satis, digitis eam attriuit, multas adhuc superesse putans, quas iubens Aesopum afferre, præterquam is nihil asportauit. Xantho grauiter indignante, cur non lentes apponeret mensæ. Respondit se ueluti iussisset, non lentes, sed lentem coxisse. Referuntur sententiæ aliquot Aesopi elegantissime, hæ uidelicet, Deum ante omnia cole. Regem honora. Bene agentibus ne inuide. Lingue continens esto. Mulieri nunquam credas secreta. Ne pudeat te semper discere meliora. Fac que te non mœstificent. Bonum esse non te pœniteat. Aesopus cum apud Samios ageret, libertate donatus est, missusq; Cræso Regi, bellum cum Samijs agenti, id sua cum prudentia, tum urbanitate effecit, ut Samijs placatus Rex conciliaretur. Samij multis honoribus redeuntem Aesopum exceperunt. Qui discedens ex Insula, orbem peragravit, cui maximam familiaritatem fuisse memorant cum Lijcero Rege, a quo statua aurea Aesopo iussa erigi. Deinde peragrata Græcia, Delphos peruenit. A quibus nullo affectus honore est, sed ab ipsis post multa salutaria Præcepta, è rupe præceps deuolutus, mortuus est.

tuus est. Cuius mors graui Pestilentia ulta iniusti occisi
Aesopi iudicium Delphis exhibuit.

EXPHILO

STRATIIMAGINIBVS.



ABVLAE SE AD AEsopum, sua in eum beneuolentia
conferunt, quod satagat sui. Fa-
bula quippe et Homero et He-
siodo, nec non et Archilocho in
Lycamben cura fuit, sed ab Aesopum
humana omnia ad Fabel-
las redacta sunt, sermone Brutis non temere imperti-
to. Nam et cupiditatem tollit, et libidinem insecta-
tur, et fraudem. Atque haec ei LEO quissiam agit, et
Vulpes, et per IOVEM, Equus, nec testudo muta.
Ex quibus Pueri discunt, quae in uita gerantur. Ha-
bentur igitur in precio Fabulae propter Aesopum.
Accedunt ad ianuam docti huius, uittis eum deuincturae,
coronaq; oleagina coronatura. Hic, ut puto, Fa-
bulam aliquam textit, risus enim faciei, et oculi in ter-
ram defixi, id praese ferunt. Pictorem, Fabularum curas
remisore animo indigere, non latuit. Philosophatur au-
tem pictura et fabularum corpora. Bruta enim cum hoibus
A 4 confesa

conferens, coetum circa Aesopum statuit, ex illius scœna confictum. Chori dux Vulpes depicta est, utitur enim ea Aesopus ministra argumentorum plurium ceu Daue Comedia.

MARTINVS DORPIVS IOANNI
ni Leupe, Iacobo Papæ & Ioanni Niniui
tæ eruditissimis in Flandria Lu-
dimagistris. S.



QVIDEMINEA ET sum, & fui semper sententia, uiri ornatisimi, quam mutare nullus queam, Sed nec uelim ut impendio plus nutantibus literis consultum putem ab eruditis aliquot nostra memoria uiris, qui classicos autores castigate ædiderunt, quam à quibusdam gloriole aucupibus (nam alios taceo) qui Commentariorum latifundijs omnia occuparunt. Ecquis enim non eo nomine Aldum Romanum suspicit, amat, prædicat? Hæc mecum identidem reputans ausus sum & ipse quiddam minus (penè dixerim) minimo, nempe Fabellas Aesopicas rursus emittere, non carmine quidem illas subrustice conscriptas, sed prosa oratione nimis quàm lepide concinnatas, utpote à Guilhelmo Goudano, tanto uiro, ut ab Erasmo meo literatorum quasi Phœnice, serio sit laudatus. Eam opellam uobis ingeniose Flandorum iuuentutis

tutis Præceptoribus nuncupatim dedico, eo utiq; spe-
ctans, ut Scolastici uestri hoc leuigatorio omnem tenel-
larum linguarum sribiliginem prius abradant, quàm ad
Lilium nostrum uetus atq; adeo primum apud Louani-
enses politioris literaturæ domicilium profecti, Philoso-
phiæ intuentur. Adieci paucula ex Gellio, Politiano, Pe-
tro Crinito, sed selecta. Quod si genio quopiam aspiran-
te leuis hæc Alea foeliciter ceciderit, plusculum aliquan-
do audebo, & quædam meæ ipsius foeturæ quæ interim
parturio pariam Dialogos, carmina, Prologos in actio-
nes Plautinas, complementum Aululariæ atq; id genus
alia Cur enim (quæso) non ausim? Quo nam absterrear
auxilio uidelicet fretus Thesei quondam uestri, nunc &
mei Nicolai Buscoducensis uiri (qd' uel tacente me ipsi
probe noctis) exquisite docti, siue Philosophicas famili-
as requiratis, siue uenustioris dictionis lauticias, quin &
amici candidi, synceri humani, qui curam huius ædii iun-
culæ in se omnem deriuauit. In reliquis idem (quæ est ho-
minis uigilantia) lubens obituros. Rideri interim ab istis
a musis sinistra Minerua natis hoc uero mihi pal-
marum, quando sui similes, & omnes, & solos
in cælum ferre obstinauerint. Valet
Louanij, ex nominatissimo Lilia-
norum Gymnasio, ad X. Ka-
len. Decemb.

A 5 Index

INDEX FABVLARVM OMNI
um quæ hoc Libello continentur, se-
cundum ordinem Alphabeti.

A.

A Biete et Dumo.	54
Accipitre Columbam insequente	87
Accipitribus inter se inimicis quos Columbe pacauerant.	130
Adolescente et Cato.	28
Adolescente ex coitu infirmo et Lupo.	127
Adolescente in funere matris canente.	113
Adolescente quodam et Hirundine.	184
Adolescentibus et Coquo	142, et 167
Aegroto et Medico.	40. et 145. et 184
Agno et Lupo.	28. et 171
Agricola et filijs.	165
Agricola et Canibus	33. et 140. et 165
Agricola et Gruibus	35
Agricola et Poëta	119
Agricola et Pelargo	171
Agricola Militiam et Mercaturam affectante.	110
Agricola sæuiente in filios	140
¶ Alite et pullis eius	55
¶ Amne suum fontem conuitijs laceffente	121
¶ Anguilla conquerente quod magis quàm Serpens in- festaretur,	92
Anfere	

Anfere.	59.
Anseribus.	43
Anu & Ancillis.	41.
Anu Demonem accusante	99.
¶ Ape & Ioue.	183.
Apro & Asino.	4
Apro & Rustico.	58.
Aquila & Cornicula.	6
Aquila & Coruo	36. & 152.
Aquila & homine,	159.
Aquila & Pica.	96
Aquila & Scabrone	152
Aquila & Vulpe.	151
Aquila filios Cuniculi rapiente	122
¶ Aranea & Hirundine.	87
Aranea & Podagra,	76.
Arboribus pulchris & deformi	90
Ariete cum Tauro pugnante.	121
Arione & Delphino.	73
Artubus humanis & Ventre	85.
Arundine & Olea.	142
¶ Asino.	41. & 48. & 65.
Asino egrotante & Lupus uisitantibus.	114.
Asino & Equo.	42. & 186.
Asino & Ioue.	185.
Asino & Lupo.	146. et 187
Asino et Scurra.	110.
	Asino

Asino & Viatoribus.	64
Asino & Vitulo.	88
Asino laborum finem non inueniente.	115.
Asino qui hero ingrato seruiert.	116.
Asino, Simia, & Talpa.	92
Asino tubicine & Lepore tabellario.	129
¶ Auaro & Inuido.	55
Aucupe.	174
Aucupe & Fringilla.	102
Aucupe & Merula.	146
Aucupe & Palumbo.	31
Aucupe & Vipera.	143
Auibus.	40
Auibus & Noctua.	70
Auibus & quadrupedibus.	20
Auibus plures Reges eligere uolentibus	112
Auibus Scarabeos timentibus.	101
Auicula casitæ nido.	68
Auriga & rota currus stridente.	124

B.

B oue & Iuueno.	60
¶ Buccinatore.	31.

C.

C alamo & Oliua.	168
Camelo.	49.
Caluo crimes externos gerente pro natiuis.	149
Canceris matre & filio.	47

Cane

<i>Cane ad coenam uocato.</i>	158
<i>Cane carnes portante.</i>	177
<i>Cane et Asino.</i>	8.
<i>Cane et hero.</i>	108
<i>Cane et Lanio.</i>	27
<i>Cane et Lanione.</i>	144
<i>Cane et Leone.</i>	61
<i>Cane et Lupo.</i>	176
<i>Cane et Oue.</i>	28
<i>Cane et umbra.</i>	2.
<i>Cane inuido et Boue.</i>	36
<i>Cane mordaci.</i>	49
<i>Cane Oues domini sui occidente.</i>	120
<i>Cane Venatico.</i>	13
<i>Canibus urbanis uillaticum insequentibus.</i>	99
<i>Caponibus pinguibus et macro.</i>	89
<i>Carbonario et Fullone.</i>	30. et 136
<i>Carbonario et Lotore</i>	160
<i>Carduele et Pueru</i>	104
<i>Castore</i>	175
<i>Castore uirilia sibi amputante</i>	144
<i>Cato et Gallo</i>	154
<i>Cata in Foeminam mutata</i>	163
<i>¶ Cera duritiem appetente</i>	109
<i>Ceruo</i>	21
<i>Ceruo et Bobus</i>	23
<i>Ceruo et Leone.</i>	170.
	<i>Ceruo</i>

Cernis et Lupo	14
¶ Cicada et Formica	60
Cochlea petente à IOVE ut suam domum secum ferre posset	117
Columbis et Miluo	11
Columba et Pica	88
Coriario eimentè pellem Vrſi à Venatore nondum ca- pti	107
Cornice et Oue	37
Cornice et Vrna	56
Coruo agrotante	176
Coruo et Lupis	72
Coruo et Vulpe	175
Coruo et Vulpecula	6.
¶ Cuculo et Accipitre	88
Cucurbita ad Pinum ſata	71
Culice cibum et hospitium ab ape petente	129
¶ Cygno in morte canente reprehento à Ciconia	91

D

D iuite quodam & Seruo.	98
Duabus Ollis.	50
Duobus adoleſcentibus	27
Duobus amicis & Vrſo	49. & 141
Duobus amicis & Vrſa	167
Duobus Gallis intra ſeſe certantibus	181
Duobus inimicis	168
	Equite

E.

E Quite caluo.	50.
Equo & Asino.	19. & 138.
Equo & Ceruo.	26. & 84
Equo & Leone.	18
Equo inculto sed ueloci et ceteris eū irradientibus.	126
¶ Erinatio Viperam hospitem eijciente.	118

F.

F Abro & Cane.	172
Fele in Fœminam mutata.	139
Filio cuiusdam senis & Leone.	148
¶ Formica.	39
Formica & Cicada.	45. & 196
Formica & Columba.	182
¶ Fure et Cane.	12

G.

G ALLINA & Vulpe.	189
Gallis et Perdice	135. & 157
Gallo & Cato.	35.
Gallo gallinaceo.	1.
¶ Gliribus Quercum erucere uolentibus.	100.
Graculo.	19.

H.

H Eremita & Milite.	108.
Heremita uirgine egrotante.	96
Hero Rustici malum ad se transferente.	38.
Hirundini	

Hirundinibus.	10.
¶ Hædo & Lupo.	14. & 41
Homine à Cane morso.	166.
Homine & ligneo deo	158
Homine quem Canis momorderat	141

I.

I Oue.	195
Ioue & Coruo.	172
Ioue & Simia,	43
Iuvene senis curuitatem irridente.	95

L.

L Eena et Vulpe.	180
Legato auaro tubicines decipiente.	94
Leone, et Asino et Vulpe.	178
Leone cuiusdam Rustici filiam amante.	179
Leone et alijs.	40
Leone et Capella.	56
Leone et Capra.	42
Leone et homine.	189
Leone et Mure.	8. et 109.
Leone et quibusdam alijs	3
Leone et Rana.	39. et 177
Leone et Tauro,	46. et 178
Leone et Venatore.	56.
Leone et Vulpecula	24
Leone porcum sibi socium eligente.	129
Leone sene.	177

Leone

Leone senectute confecto.	7.
Lepore calliditatem & Vulpe celeritatem à Ioue pe- tentibus	125.
Lepore & Testudine	191
Lepore sese Vulpi præferente ob pedum uelocita.	118.
Leporibus & Ranis.	14. & 186.
¶ Lignatore quodam.	184
Lupis & Agnis	22
Lupo & Agno.	1. & 180
Lupo & Cane.	32
Lupo & capite picto	16
Lupo & Grue	3. & 180
Lupo & Succula	12
Lupo & Vulpe	20
Lupo Ouis pelle induto, qui gregem deuorabat	119.
Lupo Pisce fluuij maris regnum affectante.	123
Lupo suadente Histrici ut tela deponeret.	117
Luscinia cantum Accipitri pro uita pollicente	128

M,

M Edico quodam	174
Membris & Ventre	22 & 73.
Milite & Equo	103
Miluo ægroto	96
¶ Mula quadam.	173
Muliere amatoris discessum flente.	91
Muliere & Gallina	141. & 166. & 187
Muliere & Medico.	164

B Muliere

Muliere ignem in mariti domum ferente.	130	
Muliere quæ pro Viro mori se uelle dicebat.	112	
Muliere Virum morientem flente.	91	
Mulo & Equo	106	
Mure in cista nato.	86	
Mure liberante Miluum	117	
Mure qui cum Fele amicitiam contrahere uolebat.	116	
Mure urbano & Rustico.	5.	
Muribus & Cato.	169	
Musca. 183	Muribus & Ranis	2
Musca & Formica.	17	
Musca quæ quadrigis insidens puluerem se excitasse dicebat.	92	
Mustela senicula & Muribus.	37	

N.

N Autis sanctorum auxilium implorantibus	93
Nuci, Asino, & mulieri profunt uerbera.	114
Nutrice & Lupo	46

O.

O Ve pastori conuiciante	123
Opilione & Agricolis.	

P.

P Ardo & Vulpecula	62
Partu montium	12
Partu terre	73
Pastore artem nauticam exercente.	148
Pastore & mari.	193

Patre

Patre & filijs.	19
Patre filium ad uirtutes frustra hortante.	120
Pauone & Grue.	52
Pauone & Luscinia.	37
¶ Philomena & Accipitre.	153
¶ Piscatore.	137
Piscatore & pisciculo.	45. & 54.
Piscatore & Smaride Pisciculo.	156
Piscatore quodam.	161
Piscatoribus quibusdam.	64. & 161. & 162.
Piscibus.	61
Piscibus è sartagine in prunas desilientibus.	93
¶ Porco & Equo.	106
¶ Prætoꝛe repetundarum damnato.	131
Puero & fortuna.	169
Puero & Fure.	57
Puero & Matre.	147
Puero & Scorpione.	190
Puero Oues pascente.	175
Puero quodam fure.	192
Pulice.	195
Pulice & homine	196
• Punica & malo arboribus	193

Q. ^{Q.}
Quadrupedibus societatem aduersus aues cum
piscibus ineuntibus 94^{et}
Quercu & Arundine. 44. & 52.
B 2 Rana

R.

R ana & Boue.	18
Rana & Vulpe	48. & 188
Ranis & earum rege	10
Ranis regem petentibus	163.
Rege & Simijs	63
Rustico annem transituro	87
Rustico & angui	15.
Rustico & Colubro.	4
Rustico & Equo	30
Rustico & Fortuna	51
Rustico & Hercule	59
Rustico & Iuueno	57
Rustico & Mure	96
Rustico impetrante ut Triticum absq; aristis nascere- tur.	86
Rustico per uocem Hædi ad iuriconsultū admissō.	126

S

S acerdote & Pyris	105
Salice & securi	192
Satyro & Rustico	67
Satyro & Viatore	57
Scarabeo & Aquila	65
Scurra & Episcopo	104
Sene Iuuenem Poma surripientem satis deijciente.	127
Sene mortem differre uolente	131
Sene	

Sene mortem uocante.	164.
Sene ob impotentiam libidinem carnis relinquere.	119
Sene puellam in uxorem accipiente.	95
Serpente & Agricola.	188
¶ Simia.	195
Simia & duobus eius natis.	60
Simia & eius prole.	52
Simia & Vulpe.	170.
Simia & Vulpecula.	23
Simijs & Pardale,	66
¶ Sole & Aquilone	47
¶ Sue & Cane.	103
Sylua & Rustico.	22

T.

T Alpa & matre.	194
Tauro & Capro.	51.
Tauro & Mure	58
Tauris & Leone	53
¶ Testudine & Aquila.	47
Testudine & Ranis.	100
¶ Tigride & Vulpe.	53
¶ Trabe boum pigrítiam increpante.	103
Trabe & Bobus eam trahentibus.	90
¶ Tubicine.	143. & 172.
Turdo amicitiam cum Hirundine ineunte.	96
¶ Thyno & Delphino	144. & 173

V.

V Ate quodam.	145. & 181.
Venatore & Perdice.	191
Vespis, Perdicibus & Agricola.	194.
Viatore.	189.
Viatore & Pera inuenta.	147
Vidua & Asino uiridi	121
Vidua uirum petente.	98
Vipera & Lima.	21
Viro Agricola.	159
Viro amicos experiri uolente.	124
Viro Apollinem tentante.	137
Viro auaro sacculum nummorum alloquente	132
Viro clysteria recusante.	114
Viro & Satyro.	138.
Viro & Vxore bigamis.	108
Viro & uxoribus.	197
Viro iactabundo.	136
Viro inope & infirmo.	161
Viro maligno & Demone.	111
Viro Cardinali nuper creato gratulatur.	94
Viro zelotypo qui uxorem dederat custodiendam.	113
Vitula & Boue.	168 ^r
Vitulo & Cerua.	182
¶ Vlmo & Silere.	109
¶ Vpupa indigne honorata.	105
¶ Vrso & Apibus.	102
¶ Vulpecula & Ciconia.	15
	Vulpecula

Vulpecula & Mustela.	25.
Vulpecula & Pardale.	62
Vulpe carnem Leporis cani laudantes.	125.
Vulpe & Erinatio.	83
Vulpe & Aquila	34.
Vulpe & Fcfe,	63
Vulpe esuriente.	160
Vulpe & capite reperto.	136
Vulpe & Capro.	134
Vulpe & Crocodilo.	156
Vulpe & Larua.	158.
Vulpe & Leone.	34. & 135. & 154
Vulpe & Mulieribus Gallinam edentibus.	89
Vulpe & Pardo	139. & 162.
Vulpe & Rubo.	156.
Vulpe & Trago.	153
Vulpe & Venatoribus	157
Vulpe quadam	190
Vulpe sine cauda.	155
Vulture alijsq; auibus.	43

175	Vallis de ...
176	Vallis de ...
177	Vallis de ...
178	Vallis de ...
179	Vallis de ...
180	Vallis de ...
181	Vallis de ...
182	Vallis de ...
183	Vallis de ...
184	Vallis de ...
185	Vallis de ...
186	Vallis de ...
187	Vallis de ...
188	Vallis de ...
189	Vallis de ...
190	Vallis de ...
191	Vallis de ...
192	Vallis de ...
193	Vallis de ...
194	Vallis de ...
195	Vallis de ...
196	Vallis de ...
197	Vallis de ...
198	Vallis de ...
199	Vallis de ...
200	Vallis de ...

U

AESOPi FABVLAE. I.
DE GALLO GALLINACEO.



Allus Gallinaceus dum uertit ster-
corarium, offendit gemmam.

Quid (inquiens) rem sic nitidam
reperio? Si gemmarius reperis-
set, nihil esset eo letius, ut qui præ-
tium sciret. Mihi quidem nulli est
usui, nec magni æstimo, imo equi-

dem omnibus gemmis granum hordei malim.

MORALE.

☞ Per gemmam artem, sapientiamq; intellige, per
Gallum hominem stolidum & uoluptarium. Nec stolidi
artes liberales amant, cum usum earum nesciant, nec uo-
luptarius, quippe cui una placeat uoluptas.

¶ DE LVPO & AGNO.

LVpus ad caput fontis bibens, uidet agnum pro-
cul infra bibentem. Accurrit, agnum increpat,
quod turbarit fontem. Trepidare Agnus, suppli-
care, ut parcat innocenti, Se, quando longe infra bibe-
rit, potum Lupi ne potuisse quidem turbare, nedum uo-
luisse. Lupus contra intonat, nihil agis sacrilega, semper
obes. Pater, Mater, omne tuum inuisum genus, sedulo
mihi aduersatur. Tu mihi dabis hodie poenas.

MORALE.


☞ Vetus dictum est, ut Canem cædas, facile inueniri
B & baculum

*baculum. Potens, si libet nocere, facile capit nocendæ
causam. Satis peccauit, qui resistere non potuit.*

DE MURIBUS & RANIS.

B Ellum gerebat Mus cum Rana, De paludis certa
batur imperio. Pugna erat uehemens, & anceps.
Mus callidus sub herbis latitans, ex insidijs Ra-
nam adoritur, Rana uiribus melior, pectore, & insultu
ualens, aperto Marte hostem lacescit. Hasta utriq; erat
iuncea. Quo certamine procul uiso Miluus adproperat,
neuter: dumq; præ studio pugne Venter sibi cauet, utrunq; bel-
latorum Miluus rapit, ac laniat.

MORALE.


 Itidem euenire solet factiosis ciuibus, qui accensi libi-
dine dominandi, cum inter se certant fieri Magistratus,
opes suas, plerunq; etiam uitam in periculo ponunt.

DE CANE ET VMBRA.

C Anis tranans fluuium, rictu uehebat carnem.
Splendente Sole, ita ut sit, umbra carnis lucebat
in aquis. Quam ille uisam auide captans, quod
in faucibus erat, perdidit. Itaq; tum rei, tum spei iactura
perculsus, primum stupuit, deinde animum recipiens, sic
elatrauit, Miser, deerat cupiditati tuæ modus. Satis su-
perq; erat ni desipuisses. Iam per tuam stultitiam minus

MORALE.

(nihil tibi est.

 Monemur hac Fabella modestiæ, monemur pruden-
tiæ, ut et cupiditati sit modus, ne certa pro incertis amit-

tamus

tamus, Astute certe Terentianus ille Sannio, Ego, inquit
spem pretio non emo.

¶ DE Leone & Quibusdam alijs.

CUm Oue quibusdamq; alijs pepigerat Leo, Vena-
tionem fore communem. Itur uenatum, capitur
Ceruus, partiuntur, singulas singulis partes, tol-
lere, ut conuenerat incipientibus, Leo irrugijt, Vna in-
quiens pars mea est, quia sum dignissimus. Altera item
mea est, quia uiribus præstantissimus. Porrò quia in ca-
piundo Ceruo plus sudauerim, uendico tertiã. Quartam
deniq; partem ni concesseritis, actum est de amicitia, So-
cij hoc audito, discedunt uacui & taciti, non ausi mutire

MORALE. (contra Leonem.)

¶ Rara semper fuit fides, apud hoc seculum rarior
est, apud potentes & est, & fuit semper rarissima. Quo
circa satius est, ut uiuus cum pari. Qui enim cum poten-
tiore uiuit, necesse habet sæpe de suo iure concedere,
cum æquali æquale tibi ius erit.

¶ DE LVPO ET GRUE.

LVpo uoranti Ouem, forte ossa hæserè in gula.
Ambit, orat opem, opitulatur nemo. Omnes dicti
tant tulisse eũ pretium uoracitatis. Tandẽ blandi-
cijs multis, pluribusq; promissis Gruem inducit, ut collo
longissimo in gulam inserto, os infixum eximeret. Peten-
ti autem præmium illuſit, inepta, inquit, abi. Non sat
habes quod uiuis, uitam debes mihi. Si libuisset, licuit
præmordere

pre mordere collum tuum, MORALE,

¶ Tritum est, Perire quod facis ingrato,

¶ DERUSTICO ET COLVBRO,

RUSTICUS repertum in niue Colubrum frigore prope enectum, domum tulit, abiecit ad focum. Coluber ab igne uim uirusq; recipiens, deinde flammam non ferens, omne tugurium sibilando infecit. Accurrit Rusticus, correpta sude, uerbis, uerberibusq; cum eo iniuriam expostulat. Num hanc referat gratiam? Num uitam erepturus sit illi, qui uitam ipsi dedit.

MORALE.

(rit.

¶ Fit interdum ut ob sint tibi, quibus tu profueris, & male de te mereantur ij, de quibus tu bene sis meritus.

¶ DE APRO & ASINO.

DVM iners Asinus irrideret Aprum, ille indignans frendebat, Malum quidem ignauissime fueras meritus, sed etiam si tu poena fueras dignus, tamen ego indignus, qui à te poenas sumam. Irride tutus, impune tibi licet, tutus enim es ob inertiam.

MORALE.

¶ Demus operam, ut cum indigna nobis audimus, aut patimur, ne indigna nobis dicamus aut faciamus. Mali enim & perditii plerunq; gaudent si quispiam bonorum eis resistat. Magni pendunt haberi se dignos ultione. Imitemur Equos & magnas bestias, qui oblatrantes caniculos cum contemptu praetercunt.

DE

DE Mure Urbano & Mure Rustico.

Libitum est urbano Muri deambulare Rus. Vidit hunc Mus Rusticus, inuitat, apparatus, itur coenatum. Depromit Rusticus quicquid posuerat in Hyemem & exhaurit omne penu ut tanti hospitis expleat lautitiam. Urbanus tamen frontem corrugans, ruris damnat inopiam, urbis subinde laudat copiam, Remeans ducit secum in urbem Rusticum, ut quæ uerbis iactitauerat, recomprobaret. Incunt conuiuium, quod urbanus splendide compararat. Inter epulandum auditur in sera murmur clavis, trepidare illi, & fugitare fugitando.

Rusticus & insuetus, & loci ignarus, ægre se tueri. Discedente famulo redit urbanus ad mensam, uocat Rusticum. Ille uix tandem metu deposito prorepit. Inuitantem ad pocula urbanum percunctatur, num hoc periculum crebrum sit? Respondet ille quotidianum esse, oportere contemni. Tum Rusticus, Quotidianum inquit? Me Hercule, istæ dapes plus fellis quam mellis sapiunt, Equidem malo cum securitate meam inopiam, quam cum tali anxietate istam copiam.

MORALE.

Diuitiæ præ se ferunt quidem uoluptatem, sed si introspicias, habent pericula et amaritudinem. Eutraperes quidam fuit, qui cum inimicis suis quam maxime nocere uellet, diuites eos faciebat, dictitans ita se eos ulcisci, quippe accepturos cū diuitijs ingentem sarcinā curarū.

De Aquilâ

¶ DE AQUILA ET CORNICULA.

Aquila nacta Cochleam, non ut arte quivit
 eruere piscem. Accedens Cornicula dat consili-
 um, Suadet subuolare, & è sublimis Cochleam
 in saxa præcipitare, sic enim fore, ut Concha franga-
 tur. Humi manet Cornicula, ut præstoletur casum, præ-
 cipitat Aquila, frangitur testa, subripitur Piscis à Cor-
 nicula, dolet elusa Aquila.

MORALE.

*In cygnis
 iudicat*

¶ Noli quibusuis habere fidem, & consilium quod ab
 alijs acceperis, fac inspicias, Multi enim consulti,
 non suis consultoribus, sed sibi consulunt.

¶ DE CORVO ET VULPECULA.

Predam nactus strepitat in ramis Coruus. Videt
 Vulpecula gestientem, accurrit. Coruum, inquit,
 plurima salute impertit Vulpes. Sæpenumero au-
 dieram famã esse mendacem, iam re ipsa experior. Nam
 ut hac forte iam prætereo, suspiciens te in arbore, aduo-
 lo culpans famam. Fama enim est, te nigriorem pice esse
 & uideo candidiorem Niue. Meo sane iudicio, Cygnos
 uincis, & hedera formosior alba es. Quod si ut plumis,
 ita & uoce excellis, omnium auium equidem te dixerim
 reginam. Hac assentatiuncula illectus Coruus, ad canen-
 dum apparat, apparanti uero è rostro excidit Caseus,
 quo correpto, Vulpecula cachinnum tollit. Tum demum
 miserum Coruum pudet, pigetq; sui. Et iactura rei mi-

xta

ata pudore dolet

MORALE.

☞ Nonnulli sic auidi laudis sunt, ut cum suo probro et damno ament assentatorem. Eiusmodi homuntiones præde sunt Parasitis. Quod si uitaueris iactantiam, facile assentatorum pestiferum genus uitaueris. Si tu uoles esse Thraso, nusquam deerit Gnato,

¶ DE Leone Senectute confecto.

Leo qui in iuuentute complures sua ferocitate fecerat inimicos, in senectute exoluit pœnas. Reddunt talionem bestie. Dente Aper, cornu petit Taurus. In primis Asellus uetus ignauie nomen cupiens abolere, uerbis & calcibus strennue insultat. Tum gemebundus Leo, Hi quibus olim nocui, iam uicissim nocent, & merito. Sed hi quibus aliquando profui, iam uicissim non profunt, immo etiam immerito obsunt. Stultus fui, qui multos fecerim inimicos, stultior, qui falsis amicis confisus fuerim.

MORALE.

☞ In secundis rebus non efferaris, non sis ferox. Nam si uultum mutarit fortuna, ulciscuntur quos læsisti. Eo inter amicos fac habeas discrimen. Sunt enim quidam amici, non tui, sed mensæ tuæ, sed fortunæ tuæ. Quæ quidem fortuna simul ac mutata erit, & illi mutabuntur. Et bene tecum actum erit, si non inimici fuerint. Merito queritur Ouidius. En ego non paucis quondam munitus amicis, Dum flauit uelis aura secunda meis.

Laud. i. p. h.


ut fortuna

Vt fera nymboſo tumuerunt æquora uento. In medijs
lacera puppe relinquor aquis.

DE CANE & ASINO.

DVM blandiretur Canis hero & familia, herus
& familia Canem demulcent. Afellus id uidens
altius gemit, cœpit eum pigere ſuæ ſortis, ini-
que putat comparatum, Canem gratum eſſe cunctis, pa-
ſci de menſa herili, idq; ocio ludoq; conſequi, Seſe contra
portare cilitelas, cædi flagello, nunquam otioſum eſſe,
& cunctis tamen odioſum. Si hæc fiant blandicijs, eam
artem, quæ tam utilis ſit, ſtatuit ſectari. Igitur quodam
tempore redeunti domum hero, rem tentaturus, procur-
rit obuiam, ſuſſilit, pulſat unguis, exclamante hero ac-
currere ſerui, & ineptus Afellus, qui ſe urbanum credi-

MORALE. (dit, fuſte uapulât.


 Non omnia poſſumus omnes (ut ait Virgilius in
Buccolicis) Nec omnes omnia decent. Id quiſq; uelit, id
tentet, quod poſſit. Non ſimus id, quod Græce ſignifi-
cantius dicitur, ὄν & λύρας, Id eſt, Aſinus lyrarum uel
lyræ. Sic autem Boetius, Aſinus ad lyram poſitus Re-
pugnante natura irritatus labor. Tu nihil inuita facies
dice ſue Minerua, Teſte Horatio.

DE LEONE & MVRO.

LEo æſtu, curſuq; deſeſſus, ſub umbra fronde ſu-
per uiridi quieſcebat. Murum autem grege ter-
gum eius percurrente, experrectus, unū e multis
compre-

comprehendit. Supplicat captiuus, indignum se esse cui
 Leo irascatur, clamitat. Reputans ille in nece tantillæ
 bestiæ nihil esse laudis, captiuum dimittit. Nec uero ita
 multo post, Leo forte dum per saltum currit, incidit in
 plagas. Rugire licet, exire non licet. Rugientem misera-
 biliter Leonem Mus audit, uocem agnoscit, repit in cuni-
 culos, laqueorum quærit nodos, quæritos inuenit, inuen-


MORALE. (tos corrodit, Leo è plagis euadit.

 Hæc Fabella suadet potentibus clementiã. Etenim
 ut sunt res hũanæ instabiles, egent interdum ipsi poten-
 tes ope humillimorũ. Quare uir prudens, et si potest, ti-
 mebit uel ulli hominũ nocere. Qui autem non timet no-
 cere alteri, ualde desipit. Quid ita? Quia & si iam po-
 tentia fretus neminem metuis, forsã olim erit ut metuas
 Constat enim euenisse claris, magnisq; regibus, ut uilium
 hominũ, uel gratia indiguerint, uel iram metuerint

¶ DE MILVO AEGROTO.

Lecto decumbebat Miluus. iam fermè moriens, ma-
 trem orat, precatum ire deos. Mater respondet,
 nil opus illi sperandum à dijs, quorum sacra &
 aras rapinis toties uiolasset.

MORALE.

 Decet uenerari superos. Illi enim pios iuuant, im-
 pios auersantur, in foelicitate neglecti, in miseria non
 exaudient. Quare in secundis rebus sis eorum memor, ut
 in aduersis rebus presentes sint, uocati.

C DE

¶ DE HIRVNDINIBVS.

CVM primum coeptum est seri Linum, Hirundo suadet auiculis impedire sementem, dictitans, sibi fieri insidias. Irrident illæ, stultam uatem Hirundinem uocant. Surgente iam Lino & uirescente, rursus monet euellere sata. Iterum irrident. Maturescit Linum, hortatur populari segetem. Cum ne tunc quidem consulentem audirent, Hirundo auium coetu relicto, hominis sibi conciliat amicitiam. Init cum eo foedus, cohabitatur, cantu demulcet. Ceteris auibus è Lino fiunt retia.

MORALE.

(& laquei.

Multi nec ipsi consulere sibi norunt, nec recte consulentem audiunt. Sed cum in periculis sunt, & damnis, tum demum sapere incipiunt, & suam dammare socordiam. Tum sat superq; consilij est, hoc, inquit, & illud factum oportuit. Sed præstat esse Prometheus, quam Epimetheus. Fuere hi fratres, nomina sunt Græca, Alteri consilium ante rem fuit, alteri post rem. Quod declarat interpretatio nominum.

¶ DE Ranis & earum Rege.

GENS Ranarum cum esset libera, Ioui supplicabat dari Regem. Ridere Iuppiter uota Ranarum, illæ tamen iterum atq; iterum instare, donec ipsum perpellerent. Deiecit ille trabem, ea moles ingenti fragore quassat fluuium. Territe silent Ranae, Regem uenerantur. Accedunt pedetentim propius, tandem abiecto metu,

metu insultant, & desultant. Iners Rex lusui est, & contemptui. Lacesunt rursus Iouem, orant Regem dari, qui strenuus sit. Dat Iuppiter Ciconiam. Is prestrenue perambulans paludem quicquid Ranarum obuiam sit, uorat. De huius igitur seuitia Ranæ frustra quæstæ sunt. Iuppiter non audit, nam et hodie adhuc quærentur. Vesperi enim Ciconia cubitum eunte, ex antris egressæ rano ululatu murmurant, sed surdo canunt. Vult enim Iuppiter, ut quæ Regem clementem sint deprecatae, iam se-

MORALE. (rant inclementem.

Perinde atq; Ranis, euenire solet plebi, quæ si Regem paulo mansuetiorem habet, ignauum, inertem esse causatur, optat aliquando contingere sibi uirum. Contra si quando nacta est Regem strenuum, huius seuitiam damnat, prioris laudat clementiam. Siue quod semper presentium nos poenitet, siue quod uerum est uerbum. Noua ueteribus non esse potiora.

¶ DE COLUMBIS ET MILVIS.

Columbæ olim bellum gessere cum Miluo, quem ut expugnarent, delegerunt Regem Accipitrem. Ille Rex factus, hostem agit non Regem. Non segnius ac Miluus, rapit ac laniat, Poenitet Columbas incepti, satius fuisse putantes, pati bella Milui, quàm Tyrannidem Accipitris.

MORALE,

¶ Neminem suæ sortis nimium pigeat. Nihil est (testo
C 2 Flacco)

Flacco) ab omni parte beatum. Equidem meam sortem, modo tolerabilis sit, mutari non optem. Multi noua sorte quesita, ueterem rursus optarunt. Itaq; pleriq; ingenio sumus omnes, nosmet nostri poenitet.

¶ DE Fure ET Cane.

Furi aliquando panem (ut sileat) porrigenti, respondit Canis, Insidias tuas noui, panem das, quod desinam latrare. Sed ego tuum munus odi, quippe si ego tulero panem, tu ex his tectis cuncta asportabis.

MORALE.

☞ Caue parui commodi causa amittas magnum, caue cuius homini fidem habeas. Sunt enim qui dolo non tantum benigne dicunt, sed & benigne faciunt.

¶ DE Lupo ET Sucula.

Parturiebat Sucula, pollicetur lupo se custodiens fore foetus. Rñdet puerpera Lupi obsequio se nõ egere. Si uelit pius haberi, si cupiat gratũ facere, longius abeat. Lupi enim officium constare non presen-

MORALE. (tia, sed absentia.

☞ Non sunt cuncta credenda cunctis. Multi suam operam pollicentur, non tui amore, sed sui, suum querentes commodum, non tuum.


¶ DE Partu Montium.

Olim rumor erat parturire montes, homines accurrunt, circũsistunt, monstri quippiam non sine pauore expectantes. Pariunt tandem montes

exit

exit Mus. Tum omnes risu emori.


MORALE.

 Hanc Fabellam tangit Horati. Parturiunt montes (inquit) nascetur ridiculus Mus. Notat autem iactantiam. Iactabundi enim cum magna profitentur, & ostentant, uix parua faciunt. Quapropter Thrasones illi iure sunt materia ioci, & scommatum. Vetat enim hæc Fabella inanes timores Plerunq; enim grauior periculo est periculi metus, immo ridiculum est quod metuimus.

¶ DE Cane Venatico.

C Anem uenaticum, qui iam senuerat, instigat herus, frustra hortatur, tarsi sunt pedes, nõ prope rat. Prehenderat feram, fera edentulo clabitur. Increpitat herus uerberere, & uerbo. Canis respondet, debere sibi iure ignosci, iam senuisse, at iuuenem fuisse strenuum. Sed ut uideo, inquit, nil placet sine fructu. Iuuenem amasti, senem odisti. Amasti prædabundum, odisti tardum edentulum. Sed si gratus esses, quem olim iuuenem frugis caussa dilexisti, senem fructuosæ iuuentutis

MORALE. (gratia diligeres.)

 Recte canis. Nam teste Nasone, Nil nisi quod prodest, charum est, en detrabe menti Spem fructus auideæ, nemo petendus erit. Præteriti commodi nulla est memoria, futuri autem gratia non magna, præsentis commodi summa. Turpe quidem dictu, sed si modo uera fatemur. Vulgus amicitias utilitate probat.

¶ DE Leporibus ET Ranis.

Sylua insolito mugiente turbine, trepidi Lepores rapide occipiunt fugere. Fugientes, cum obsisteret palus, stetero anxij, utrinq; comprehensi periculis. Quoq; maioris esset incitamentum timoris, uident in palude mergi Ranas. Tum ex Leporibus unus prudentior ceteris, ac disertior, Quid, inquit, inaniter timeamus? Animo opus est. Corporum quidem agilitas nobis est, sed animus deest. Hoc periculum turbine non fugiendum est, sed est contemnendum.

MORALE.

☞ **O**mnis in re opus est animo. Iacet uirtus sine confidentia. Confidentia enim dux & regina uirtutis est.

¶ DE HOEDO & LVPO.

CApra cum esset pastum itura, Hædum domi concludit, monens aperire nemini, dum redeat ipsa. Lupus, qui id procul audierat, post matris discessum pulsat fores, uoce caprisat, iubens recludi. Hædus dolos presentiens, non aperio inquit. Nam & si uox caprisat, Tamen equidem per rimulas Lupum uideo.

MORALE.

☞ **O**baudire parenti filios ipsis est uile & iuuenem seni decet auscultare.

¶ DE CERVO ET LVPO.

Ceruus coram Lupo Ouem ream facit, modium tritici debere clamitans. Ouis debiti quidem erat inscia,

scia, tamen ob Lupi praesentiam spondet se daturam. Dicitur solutioni dies. Dies adest, monet Ceruus Ouem, illa it inficias. Quod enim promiserit, excusat factum id metu, & praesentia Lupi. Votum extortum non esse ser-

MORALE.

(uandum.

☞ Sententia iuris est, Vim ut repellere licet. Ex hac Fabella noua quaedam nascitur, Fraudem fraude refellere licet.

¶ DERUSTICO & ANGV. I.

Rusticus quidam nutrierat Anguem. Iratus aliquando, bestiam petit securi. Euadit illa non sine uulnere. Postea Rusticus deueniens ad paupertatem, ratus est, id infortunij propter Anguis iniuriam sibi accidere, igitur supplicat Angui ut redeat. Ille ait ignoscere se, sed redire nolle. Neq; enim fore securum, cum Rustico tanta sit domi securis. Liuorem uulneris desijisse, superesse tamen memoriam.

MORALE.

☞ Ei, qui semel fidem soluit, iterum habere fidem, uix est tutum. Iniuriam quidem donare, id sane misericordia est, cauere autem sibi & decet & prudentiae est.

¶ DE VULPECULA ET CICONIA.

Vulpecula uocarat Ciconiam ad coenam. Obsonium in mensam effundit, quod cum liquidum esset: Ciconia frustra rostro tentante, Vulpecula lingit. Abiit elusa auis, pudetq; pigetq; iniuriae. Post

C 4 pluscu-

plusculam dierum redit, inuitat Vulpeculam. Vitreum uas situm erat plenum belli obsonij. Quod quidem uas cum esset arcti gutturis, Vulpeculæ obsonium licuit uideri & esurire, gustare non licuit. Ciconia rostro facit

MORALE. (le exhaustit.)

☞ *Risus risum, iocus iocum, dolus dolum, fraus meretur fraudem.*

¶ DE Lupo ET Capite picto.

Lupus in Officina sculptoris caput humanum re-
pertum uersat, miratur, sentiens (id quod erat)
nihil habere sensus. O pulchrum, inquit, caput,
est in te artis multum, sed sensus nihil.

MORALE.

☞ *Extrema pulchritudo, si adsit, grata est, sin alteru-
tra carendum est, præstat externa quàm interna careas.
carcas. Illa enim sine hac interdum incurrit odi-
um, ut stolidus sit eo odiosior, quo odiosior.*

¶ DE Graculo.

Graculus ornauit se plumis Pauonis. Deinde pul-
chellus sibi uisus, fastidito genere suo, contulit se
ad Pauonum genus. Illi tandem intellecta frau-
de stolidam auem coloribus nudarunt, & plagis affecc-
runt. Horatius hanc Fabellam primo Epistolarum Li-
bro narrat de Cornicula. Ait eam olim adornatam col-
lectis, quæ auibus exciderant, plumis, post ubi unaquæq;
auium suam plumam decerpfit, ridiculam fuisse.

Ne si

Ne si forte suas repetitum uenerit olim,
 Grex auium plumas, moueat Cornicula risum,
 Furtiuis nudata coloribus. MORALE.

¶ Notat hæc Figura eos qui se gerunt equo sublimius,
 qui cum his uiuunt, qui & ditiores sunt & magis nobi-
 les. Quare sæpe inopes fiunt, & sunt ludibrio. Probe lu-
 uenalis monet. Ε cœlo descendit γωῶδι σεαυτὸν,

Hoc est, Nosce teipsum.

¶ DE Musca ET Formica.

Musca altercabatur cum Formica, se nobilem,
 illam ignobilem, se uolitare, illam repere, se
 uersari in tectis Regum, illam cauernis latere,
 segetem roderè, aquam bibere, se splendide epulari iacti-
 tabat, & hæc tamen otio nancisci. E regione Formica
 se non ignobilem esse, sed suis natalibus contentam, Mu-
 scam uagam esse, se stabilem, sapere Formicæ grana &
 fluenta, quod Muscæ pastilli & Vina. Atq; hæc se non
 segni otio at strenua opera nancisci, Porro Formicam le-
 tam esse & tutam, charam omnibus, Exemplar deniq;
 laboris, Muscam anxiam cum periculo esse, cunctis infe-
 stam, cunctis inuisam, Exemplar deniq; segnitiei. Formi-
 cam Hyemis memorem, alimenta reponere, Muscam in
 diem uiuere, Hyeme aut esurituram, aut certe moritu-

MORALE.

(ram.

¶ Qui pergit quæ uult dicere, quæ non uult audiet,
 Musca si bene dixisset, bene audisset. Assentior autem

C 5 Formicæ

Formicæ, Videtur enim optabilior uita obscura cum securitate, quàm cum periculo splendida,

¶ DE RANA ET BOUE,

Rana cupida æquandi Bouem, se distendebat, Filius hortabatur matrem cœpto desistere, Nihil enim esse Ranam ad Bouem, Illa secundum intumuit, clamitat natus, Crepes licet mater, Bouem nunquã uinces. Tertium autem cum intumisset, crepuit.

MORALE.

¶ Cuiq; sua dos est. Hic forma, ille uiribus, hic opib9, ille pollet amicis. Vnumquẽq; suo decet esse contentũ, ualet ille corpore, tu ingenio. Quocirca quisq; semet consulat, nec inuideat superiori, quod miserum est; nec (quod stultitiæ est) certare optet.

¶ DE EQVO ET LEONE.

Venit ad Equum comedendum Leo. Carens autem præ senectâ uirib9, meditari cœpit artem, Medicum se profitetur, uerborum ambage Equum moratur. Hic dolo dolum, artem opponit arti. Fingit se nuper in loco spinoso pupugisse pedem, orat ut inspiciens sentem Medicus educat, Paret Leo, at Equus quanta potuit ui, calcem Leoni impingit, & se continuo conijcit in pedes. Leo uix tandem ad se rediens, ictu enim prope exanimatus fuerat, Pretium, inquit, fero ob stultitiam, & is iure effugit. Dolum enim dolo ultus est.

MORALE.

Odio

☞ Odio digna est simulatio, & simulatione capienda.
 Non est timendus hostis, qui hostem præ se fert,
 sed qui cum hostis sit, benevolentiam simulat,
 is demum timendus, & odio dignissimus.

¶ DE EQVO ET ASINO.

Equus Phaleris sellaq; exornatus cum ingenti
 hinnitu per uiam currebat. Currenti autem onu-
 stus Asellus forte obstabat. Equus ira fremebun-
 dus & frena ferox spumantia mandens, quid, inquit, tar-
 de, ignaue obsistis Equo? Cede inquam, aut proculco te
 pedibus, Asellus contra rudere non ausus, cedit tacitus.

Equo autem prouolanti & cursum intendenti, crepat
 inquem, Tum cursui & ostentui inutilis, ornamentis spo-
 liatur, dein Carrario uenditur. Videt postea cum Carro
 uenientem Asellus, & affatur, Heus bone uir, quid istuc
 ornati est? Vbi aurata sella, bullata cingula? Vbi niti-
 dum frenum? Sic amice necesse fuit euenire superbien-

MORALE.

(11.

☞ Pleriq; in secundis rebus elati sunt, nec sui memores
 nec modesti. Sed quia prosperitate insolescunt, aduer-
 sitatem incurrunt. Eos qui foelices uidentur, monuerim
 esse cautos. Etenim si rota fortunæ circumacta fuerit,
 sentient miserrimum genus infortunij esse, fuisse foeli-
 cem. Accedet ad cumulum infœlicitatis id quoq; mali,
 Contemnentur ab ijs, quos ipsi contempserunt, & illudent
 eis ijs, quos ipsi risere.

DE auibus

¶ DE auibus & Quadrupedibus.

A Vibus pugna erat cum quadrupedibus. Vtrinq;
spes, utrinq; metus, utrinq; erat periculum. Ve-
spertilio autem relictis socijs deficit ad hostes.

Vincunt aues duce et auspice Aquila. Transfugam uero
uesperilionem damnant, uti ne ad aues unquam illi sit re-
ditto, uti ne luce unquam sit uolatus. Hæc caussa uesper-

MORALE. (tilioni est ut non nisi noctu uolet.

☞ Qui cum socijs aduersitatis & periculi particeps
esse renuit, prosperitatis & salutis expers erit.

¶ DE LVPO ET VVLPE.

L Vpus cum præde satis esset, in otio degebat. Ac-
cedit Vulpecula, sciscitatur otij caussam. Sensit
Lupus insidias fieri suis epulis, simulat morbum
esse caussam, orat Vulpeculam, deprecatum ire deos. Il-
la dolens dolum non succedere, adit pastorem, monet pe-
tere latebras Lupi, hostem enim securum posse inopina-
to opprimi. Adoritur pastor Lupum, mactat. Illa poti-
tur antro & præda, Sed fuit illi breue sceleris sui gau-
dium. Nam non ita multo post, idem pastor & ipsam

MORALE.

(capit.

☞ Fœda res inuidia est, & ipsi interdum auctori quoq;
perniciosa. Flaccus Epistolarum primo.

Inuidus alterius marcescit rebus opimis.

Inuidia Siculi non inuenere tyranni


Maius tormentum.

De Ceruo

¶ DE CERVO.

Ceruus in perspicuo fonte se conspicatus, probat
 proccra frontis & ramosa cornua, sed tibiarum
 exilitatem damnat. Forte dum contemplatur,
 dū iudicat, interuenit Venator. Fugit Ceruus ocyor pilis
 et agente nymbos ocyor Euro. Insectatur fugientem Ca
 nes. Sed cū intrasset condensam syluam, implicita sunt ra
 mis cornua. Tum demum tibias laudabat, & cornua dam
 nabat, quæ fecere, ut præda esset Canibus.

MORALE.

 Fugienda petimus, petēda fugim9. Placent quæ offi
 ciunt, quæ conferunt displicent. Beatitudinem cupimus
 priusquā ubi sit intelligamus. Opū excellentiam et bono
 rū celsitudinem quærimus, in his beatitudinem sitam o=
 pinamur, in quibus tamen multum laboris est & dolo=
 ris. Pulchre id significat Lyricus ille noster, Sæpius uen=
 tis agitatur ingens Pinus, & celsæ grauiore casu, Deci=
 dunt turre, feriuntq; summos Fulgura montes.

¶ DE VIPERA ET LIMA.

In fabrica offendens Limam Vipera, cœpit rode
 re. Subrisit Lima, quid, inquiens, inepta? Quid a
 gis? Tu tibi ante contriueris dentes, quā me at
 teras, quæ duritiā aris præmordere soleo.

MORALE.

Etiam atq; etiam uide, qui cum tibi res sit. Si
 in fortiorem dentes acuis, non illi sed tibi nocueris,

DE

¶ DE LVPIS & AGNIS.

L Vpis & Agnis, quibus natura discordia est, foedus aliquando fuit, datis utrinq; obsidibus. Lupi suos catulos, Oues Canum cohortem dedere.

Quietis Ouibus pascentibus, Lupuli matrum desiderio ululatus edunt. Tum Lupi irruentes, fidem foedusq; solum clamitant, Ouesq; Canum praesidio destitutas, lani-

MORALE.

(ant.

¶ Inscitia est, si in foedere tua praesidia hosti tradas. Nam qui hostis fuit, hostis forsitan nondum esse desijt. Fortassis & causam coeperit, cur te nudatum praesidijs adoriatur.

¶ DE Sylua & Rustico.

Quo tempore etiam arboribus suus sermo erat, venit Rusticus in syluam, rogans ut ad securim suam tollere liceat capulum. Annuit Sylua. Rusticus aptata securi, coepit arbores succidere. Tum & quidem sero, poenituit Syluam suae facilitatis. Doluit seipsam esse causam sui exitij.

MORALE.

¶ De quo merearis uide. Multi fuere, qui accepto beneficio, in auctoris abusi sunt perniciem.

DE MEMBRIS & VENTRE.

PEs & Manus Ventrem olim incusarunt, quod ab otioso eo lucra ipsorum uorarentur. Iubent ut laboret, aut alios ne petat. Supplicat ille semel, & iterum

iterum negant, tamen Manus alimentum. Exhausto in-
edia uentre ubi coepere omnes artus deficere, tum Ma-
nus uoluit tandem officiosa esse. uerum id sero. Nam Ven-
ter desuetudine debilis, cibum repulit. Ita cuncti artus
dum uentri inuident, cum uentre pereunte pereunt.

MORALE.

¶ Perinde atq; in membrorum societate est, ita habet se
societas humana. Membrum eget membro, amicus eget
amico. Quare mutuis operis, & mutuis officijs utendum
est. Neq; diuitiae, neq; dignitatum apices hominem satis
tuentur. Vnicum & summum praesidium complurium

¶ DE Simia & Vulpecula. (amicitia est.

Simia Vulpeculam orat, ut partem caudae sibi do-
net, ad tegendas nates. Illi enim esse oneri, quod si
bi, oret usui & honori. Respondet illa nihil nimis
esse, & se malle humum cauda sua uerri, quam Simiae

MORALE. (nates tegi.


Sunt qui egeant, sunt quibus superet. Nulli tamen
diuitum id moris est, ut re superflua beet egenos.

¶ DE CERVO & BOEVS.

Ceruus Venatorem fugiens, coniecit se in stabu-
lum, Boes orat ut in praesepe latitare liceat, bo-
ues tutum esse negant, Mox enim & dominum
& famulum affuturos. Ille securum se esse ait, modo ne
ipsi prodant. Intrat famulus, occultum foeno non uidet,
exit. Gestire Ceruus & nihil iam timere. Tum unus
è Bobus

ē Bobus, & auro & consilio grauis, Facile, inquit, erā hunc, qui Talpa est fallere, sed ut herum, qui Argus est, lateas, hoc opus, hic labor est. Mox deinde introgreditur herus. Qui ut serui negligentiam corrigat, cuncta lustrans oculis, & præsepe manu tentans, cerui deprehendit sub fœno Cornua. Inclamat famulos, accurrunt, feram occludunt, capiunt.

MORALE.

 In aduersis rebus & periculis latebræ difficiles sunt inuentu, aut quia miseros, ut cœpit, fortuna exagitat, aut quia ipsi metu impediti, & imopes consilij semet imprudentia produnt.

¶ DE Leone ET Vulpecula.

L Eo ægrotabat, uisebant animalia, una officium differente Vulpecula. Ad hanc legatum mittit Leo cum Epistola, quæ uenire admoneat, Gratis simam rem ægrotato fore eius unius præsentiam. Nec quicquam periculi fore cur Vulpecula metuat. Leonem enim primum quidem amicissimum esse Vulpeculæ, idcoq; percupere eius colloquium. Deinde ægrotum esse & decumbere, ut etiam si id, quod non erat, uelit, nocere tamen non queat. Rescribit Vulpecula, optare se ut Leo conualescat, idq; oraturā superos. Cæterum minime uisuram, terreri enim se uestigijs. Quæ quidem uestigia, cum omnia sint antro Leonis aduersa, & nulla auersa, eam rem indicium esse, multum quidem animalium introiisse, sed ex

sed exisse nullum.

HORATIVS.

Olim quod Vulpes aegroto cauta Leoni.

Respondit, referam, quia me uestigia terrent.

Omnia te aduersum spectantia, nulla retrorsum.

MORALE.

¶ Caue fidem habeas uerbis ni, caueris, sepe tibi dabuntur uerba. Capienda est coniectura cum ex uerbis, tum ex factis, & ex his illa sunt iudicanda.

DE Vulpecula ET Mustela.

Vulpecula longa inedia tenuis, forte per angustiore rimam in cameram frumenti repserat. In qua cum probe pasta fuit, dein rursus tentantem egredi, distentus impedit uenter. Mustela lactantem procul contemplata, tandem monet si exire cupiat, ad cauum macra redeat, quo macra intrarat.

MORALE.

¶ Videas complures in mediocritate letos esse atq; alacres, uacuos curis, expertes animi molestijs. Sin hi diuites facti fuerint, uidebis eos mæstos incedere, nunquam frontem porrigere, plenos curis, animi molestijs obrutos. Hanc Fabellam sic Horatius canit.

Forte per angustam tenuis Vulpecula rimam
Repserat in cameram frumenti, pastaq; rursus
Ire foras pleno tendebat corpore frustra.


Cui Mustela procul si uis (ait) effugere istinc,
Macra cauum repetas arctum, quem macra subisti

D De

¶ DE EQVO ET CERVO.

E Quus gerebat bellum cum Ceruo. Pulsus tandem
 è pascuis implorabat opem humanam. Redit
 cum homine, descendit in campum, uictus antea
 iam fit uictor. Sed tamen hoste uicto, & sub iugum
 misso, ipse uictor necesse est seruiat homini. Equitem
 fert dorso, & frenum ore.

MORALE.

 Dimicant multi contra paupertatem. Qua per
 fortunam & industriam uicta, saepe uictoris interit li-
 bertas. Domini quidem & uictores paupertatis, ser-
 uire incipiunt diuitijs, aguntur auaritiæ flagris, parsi-
 moniæ cohibentur frenis, nec querendi tenent modum,
 nec, iusto quidem auaritiæ supplicio, partis rebus audent
 uti. Horatius de hac Fabella.

Ceruus Equum pugna melior, communibus herbis
 Pellebat, donec minor in certamine longo
 Implorauit opes hominis, frenumq; recepit.
 Sed postquam uiolens uictor discescit ab hoste.
 Non equitem dorso, non frenum depulit ore.
 Sic qui pauperiem ueritus, potiore metallis
 Libertate caret, dominum uehet improbus
 Seruiet æternum, qui paruo nesciet uti.

ÆSOPI FA 27.

BVLAE HADRIANO BAR-
lando Interprete.

¶ DE duobus adolescentibus.



Dolescentes duo obsonium apud
Cocum sese empturos simulant.
Coco alias res agente, carnem al-
ter e Canistro surripit, dat socio
ut sibi ueste occulat. Cocus sub-
reptam sibi carnis partem ut ui-
dit, furti utrumq; coepit insinu-

lare. Qui abstulerat per touem nihil habere, is uero qui
habet, nihil abstulisse identidem deierat. Ad quos, me
quidem, inquit Cocus, fur nunc latet, sed is inspexit, is
scit, quem iurastis.

MORALE.

☞ Si quid peccauimus, id statim non sciunt homines, at
DEVS omnia uidet, qui sedet super caelos, & intuetur
abyssos. Quod si cogitent homines, suppressius, pruden-
tiusq; peccabitur.

¶ De Cane & Lanio.

Canis in Macello cum Lanio carnem abstulisset,
in pedes sese continuo quantum potuit coniecit.
Lanius iactura rei percussus, primum tacuit, de-

D 2 inde

inde animum recipiens, sic procul acclamitauit. O furacissime curre tutus, impune tibi licet, tutus enim es nunc ob celeritatem. Posthac autem cautius mihi obseruabe=

MORALE.

(ris.

☞ Hæc Fabula significat plerosq; omnes tum de= mum fieri cautiore, ubi damnum acceperint.

De Cane & Oue.

Canis Ouem in ius uocat, panem ex mutuo debe= re clamitans. Illa it inficias. Miluus, Lupus, Vul= tur accersuntur, rem affirmant, damnatur Ouis, damnatam Canis rapit, ac deglubit.

MORALE.

Falsis testimonijs opprimi quàm plurimos, cum ne= mo nescit, tum hæ quàm optime docet Fabella.

De Agno & Lupo.

Qugno comitanti caprum Lupus fit obuiam, rogi= tat cur relicta matre olidum potius sequatur Hircum, suadetq; ut ad distenta lacte matris ubera redeat, sperans ita fore abductum ut laniet. Ille uero, mater me ô Lupe inquit, huic commisit, huic sum= ma cura seruandi data est. Parenti potius quàm tibi ob= sequendū, qui me seducere istis dictis postulas, seductum

MORALE.

(mox percepere.

Noli omnibus fidem habere, multi enim dum alijs uidentur uelle prodesse, sibi interim consulunt.

DE Adolescente ET Cato.

Cum

CVM Adolescens quidam in delitijs amoribusq;
 usurpasset Catum, Venerem præcibus fatigauit,
 ut Catum in foeminam transfiguraret. Commise-
 rescit, et audit orantem Venus, fit Metamorphosis, quæ
 adolescenti misere amanti perplacuit, nempe tota succi
 plenula, tota candidula, tota elegantula. Itur deinde in
 cubiculum, ridetur, luditur. Nec uero ita multo post
 percipiens experiri Dea, nunquid Catus cum corpore
 mutasset & mores, Per impluuium immittit musculum,
 ibi risu prorsus atq; ludo res digna accidit. Conspectam
 illico bestiolam insequitur muliercula. Venus indignans
 foeminæ uultum iterum in Catum.

Cum pedibusq; manus, cum paruis brachia mutat
 Cruribus, & cauda est mutatis addita membris.

MORALE.

☞ Cœlum non animum mutant, qui trans Mare cur-
 runt. Nimisq; difficile est assueta relinquere. Naturam
 expellas furca, tamen usq; recurret, inquit Horatius.

¶ De Patre & Filijs.

Complures habebat agricola filios adolescētulos
 inter se discordes, quos pater elaborans trahere
 ad mutuum amorem, apposito fasciculo, iubet sin-
 gulos breui circum datum fūiculo effringere, imbecilla
 nequicquam conatur etatula. Soluit parens redditq; sin-
 gulis uirgulam, quam cum pro suis quisq; uiriculis facile
 frangeret, O, inquit, filioli, sic concordēs, uos uincere

D 3 poterit

poterit nemo, sed si mutuis uolueritis seuire uulneribus,
atq; intestinum agitare bellum, eritis tandem prædæ ho-

MORALE.

(sibus.

☞ Docet hic Apologus, concordia paruas res cre-
scere, discordia magnas dilabi.

¶ DE Rustico ET Equo.

Rusticus Equum uacuum, Asinumq; sarcinulis e-
gregie onustum producit ad uiam. Defessus Asel-
lus, Equum sibi onera ut adiutet orat, si saluum
uelit. Negat facturum Equus. Asellus tandem sarcinæ
pondere grauatus, procumbit, moritur. Herus omne on-
nus, mortui quoq; Aselli corium in Equi dorsum reclina-
nat, quibus cum ille deprimeretur, me miserum, inquit,
merito meo sic nunc exerceor, qui dudum laboranti A-

MORALE (sino opitulari nolui.

☞ Monemur hac Fabula, ut oppressis subueniamus
amicis, ortus nostri (inquit Plato) partem sibi Pa-
tria uendicat, partem amici.

¶ DE Carbonario ET Fullone.

Fullonem inuitabat Carbonarius, ut secum in unis,
ædibus habitaret. Fullo non est, inquit, mi homo
istuc mihi uel cordi, uel utile, uereor enim magno-
pere, ne quæ ego eluam, tu reddas tam atra quàm Car-

MORALE.

(bo est.

☞ Monemur hoc Apologo cum inculpatis ambulare,
monemur sceleratorum hominum consortia ueluti pe-
stem

stem quendam, deutare. Trahunt, inquit Campanus, hominem sodalitia commertia, etiam in mores penetrant, et perinde quisq; euadit, ut quibus cum uersatur.

¶ DE Aucepe ET Palumbo.

IT uenatum Auceps, uidet nidulantem procul in altissima arbore Palumbum, adproperat, dumq; insidiis molitur, premit forte calcibus anguem. Hic mordere, ille improviso exanimatus malo, Me miserum, inquit, dum alteri insidior, ipse dispereo.

MORALE.

☞ Significat hæc Fabula nonnunquam eos qui suis artibus circumueniri, qui res nouas moluntur.

¶ DE BUCCINATORE.

BVccinator quidam ab hostibus capitur, abducitur trepidare ille, supplicare, ut parcant innoxio, se quando nihil unquam armorum præter unam buccinam gestauerit, hominem non potuisse quidem occidere, nedum uoluisse. Illi contra murmure tum sæuo, tum uerberibus intonant, nihil agis scelus, maxime uoces, atq; nunc hic trucidabere, quod cum ipse, ut fateris, sis rei militaris imperitus, cornu isto tuo, aliorum excitas, eui-

MORALE. (brasq; animos.

☞ Grauisime peccant nonnulli, qui ad mala. quiq; satis pronis principibus, ut inique agant, cōsulunt, atq; huiusmodi quedam ad illorum aures occinunt. Quid etiam dubitas? An te principem esse oblitus es? An non tibi

quod libeat licet? Tu legibus maior, in te legirupæ no-
men cadere haud potest, qui ipsis etiam dominaris legi-
bus, tui nihil possident, quod tuum non sit, tu potes &
seruare & perdere, tibi fas est opibus, dignitateq; auge-
re quem uisum sit, Fas est ubi libuerit adimere, alios alia
uel damnant uel commendant, tibi nihil non honestis-
simum futuram.

¶ De Lupo & Cane.

Lupus Cani ante lucem in sylua forte fortuna sit
obuiam, salutatur, aduentum gratulatur, deniq; ro-
gat quo pacto tam sit nitidus. Cui ille, herilis cu-
ra hoc efficit, herus me blandientē sibi demulcet, de men-
sa pascor herili nitidissima, nūquam sub dio dormito, tū
uniuersæ familiæ, nō dici potest, quam sim gratus. Ne tu
(inquit Lupus) multo es fœlicissimus ô Canis, cui tam
benignus et comis contigit herus, quo cū ô utinam cōmo-
rari & mihi liceat, nullum me animantium esset uspiam
fortunatius. Canis noui status cupidissimum uidens Lu-
pum, effecturum se pollicetur, ut hæreat in parte aliqua
apud herum, modo de pristina ferocia aliquid remittere,
& seruitutem seruire uelit. Stat sententia. Lupo libi-
tum est deambulare ad uillam, sermones edunt in itime-
re prorsus iucundissimos, Postea uero quàm illuxit, con-
tritum Canis collū uidens Lupus. Quid sibi uult, inquit,
ô Canis, tua istæc prorsus depilata Ceruix? Solebam,
inquit ille, feroculus notis pariter & ignotis allatrare,
obmordereq;

obmordereq; nonnunquam, id agre ferens herus, crebris me tundeat uerberibus, prohibens etiam ne quem praeter furem Lupum adorirer, ego sic uapulando uictus sum, & mitior factus, hocq; genialis seuitiae seruaui signum. Lupus hoc audito, ego inquit, heri tui amicitiam tanti non emo. Vale igitur o Canis, cum tua ista seruitute, mihi mea potior est libertas.

MORALE.

☞ Optabilius est in humili casa dominum esse, & panem atrum uorare, quam in amplissima regia operis mensis frui, & obnoxium trepidumq; agere. Nam libertas sublimi exulat aula, ubi accipienda uenit, & musitanda iniuria est.

¶ De Agricola & Canibus.

Agricola cum ruri plusculos hyemasset dies, coepit tandem necessariorum rerum penuria laborare. Interfecit Oues, mox & Capellas, postremo Boves quoq; mactat, ut habeat quo inedia penè exhaustum corpusculum sustentet. Id uidentes Canes, salutem fuga querere constituunt, sese enim non uicturos diutius, quando ne Bobus quidem, quorum in opere rustico faciundo utebatur opera, pepercerit herus.

MORALE.

☞ In quam domum mercedis gratia te tradas, uide. Nonnulli humanis simi sunt heri. Multi etenim hodie eo, dementiae prolabantur, ut uel seruos infortunio, malo

D S & dam-

Et damno libenter mactent.

¶ DE VULPE & LEONE.

Vulpes quæ Leonis immanitatem insuetam habebat, semel atq; iterum id forte animalis contemplata, trepidare, & fugitare, cum iam tertio obtulisset sese obuiam Leo, tantum abfuit ut metueret quicquam Vulpes, ut confidenter illum adiuuerit,

MORALE. (salutaueritq;.

☞ Omnes nos consuetudo audaciores facit, uel apud eos quos antea aspiceret uix ausi fuimus.

¶ DE VULPE ET Aquila.

Vulpes proles foras excurrerant, ab Aquila comprehensa, matris fidem implorant. Accurrit illa, ut captiuam prolem dimittat, Aquilam rogat, Aquila nacta præda ad pullos subuolat. Vulpes correpta face, quasi illius munitiones incendio absumptura esset, insequitur Cum iam arborem conscendisset, & ipsa, nunc te inquit, tuosq; si potes tuere, trepidans Aquila, incendium dum metuit, parce inquit mihi, paruissq; liberis, tuum quicquid habeo reddidero.

MORALE.

☞ Per aquilam potentis atq; audacis animi homines intellige. Per Vulpem pauperculos, quos calumnijs premere contumeliasq; afficere, diuitibus æque studium est. Verum quando est sua et Formicis ira, impotentes ij acceptam interdum probe ulciscuntur iniuriam.

De

¶ DE Agricola ET Gruibus.

Gruibus Anseribusq; sata depascentibus, laqueum præterdit Rusticus, capiuntur Grues, capiuntur Anseres, capitur & Ciconia. Supplicat illa, innocentem sese clamitans, & nec Gruem nec Anserem esse, sed auium omnium optimam, quippe quæ parenti seculo semper inservire, eandemq; senio confectum alere consueuerit. Agricola horum, inquit, nihil me fugit, uerum cum nocentibus postquam te cepimus, cum his quo-

MORALE. (q; morieris.

☞ Qui flagitium committit, & is qui impuris se adiungit socium, pari pœna plectuntur.

¶ DE Gallo ET Cato.

Venit ad Gallum comedendum Catus, non satis autem habens ad nocendum causæ, Gallum criminari occipit, obstreperam esse auem dictitans utpote quæ uoce tam acuta noctu dormientes homines expergesciat. Ille se innocentem ait, cum sic excitet in opera mortales. Catus contra intonat, nihil agis scelerate, cum matre rem habes, nec sorore abstines. Id Gallus quoq; expurgare cum niteretur, Nec hoc, inquit, perseuerantius semens Catus quicquam facis, tu mihi hodie

MORALE. (discerperis.

☞ Vetus dictum esse ait Guilelmus Goudanus, ut cænam cadas, facile inueniri baculum. Malus si libitum fuerit, quo iure, quaq; iniuria te precipitem dabit.

DE

¶ De Opilione & Agricolis.

P Ver editiore pratulo Oues pascebat, atq; per iocum terq; quaterq; Lupum adesse clamitans, agricolas undiq; exciebat, illi sæpius elusi, serio auxilium imploranti dum non subueniunt, fiunt Oues præda.

MORALE.

(Lupo.

☞ Si mentiri insueuerit quispiam, huic, si quando uerum narrare ceperit, haud facile habebitur fides. Superiori Apologo finitimus est ille apud Horatium de Plano Scurra iocus.

Nec semel irrisus triuijs attollere curat
Fracto crure Planum, licet illi plurima manet
Lachryma, per sanctum iuratus dicat Osirim,
Credite, non ludo, crudeles tollite claudum.

Quere peregrinum uicinia rauca reclamat.

¶ De Aquila & Coruo.

R Vpe editissima in agni tergum deuolat Aquila, uidens id Coruus, imitari (uelut Simius) gestat Aquilam, in Arietis uellus se demittit, demissus impeditur, impeditus comprehenditur, comprehensus

MORALE. proicitur pueris.

☞ Non aliorum, sed sua se quisq; uirtute aestimet.
Tuo te pede metire, inquit Horatius, Id uelis
id tentes quod possis.

¶ De Cane Inuido.

& BOUE.

Præsepio

P Ræscipio fœni pleno decūbebat Canis, uenit Bos
ut comedat. Ille sese surrigens prohibere. Bos, Dij
te cum tua istac inuidencia pdant, inquit, qui nec

MORALE, (fœno uesceris, nec eome uesci finis,

Eo sunt ingenio pleriq; ut alijs inuideant, quod
ipsi mentis inopia assequi nequeunt,

DE CORNICE ET OUE.

S Trepitat in ouicula dorso Cornicula, Ouis cani,
inquit si sic, obstreperes ferres infortunium, At
Cornix, scio quibus insultem, placidis molesta, sœ-

MORALE,

(uis amica,

Impotenti & sincero perpetua est cum malis parata
certatio, illudicitur solus innocentissimus quisq; nocentis
uero præferocis hominis aures adstrepit nemo,

De Pauone & Luscinia,

P Auo apud summi Iouis sororem, & coniugem Iu
nonem queritur, Lusciniam suaue cantillare, se
ob raucam rauim ab omnibus irrideri. Cui Iuno,
dos sua à dijs cuiq; Luscinia cantu, tu plumis longe supe-
ras, unumquemq; sua sorte decet esse contentum.

MORALE.

Quæ diui largiuntur, grato sumamus animo, neq;
maiora quæsierimus. Superi temere agunt nihil.

DE Mustela senicula & Muribus.

M Vstela præ senio uiribus carens, Mures iã ita
ut solet, insequi nō ualebat, meditari cœpit de
lun.

lum, in farinula se colliculum illatebrat, sic sperans fore
ut citra laborem uenetur. Accurrunt Mures, et farinam
esitare dum cupiunt, ad unum omnes à Mustela uoran=

MORALE.

(tur.

☞ Vbi uiribus quispiam destitutus fuerit, ingenio opus
est Lysander Lacedemonius subinde dicere solebat quo
non perueniret Leonina pellis, Vulpinam assuendam es-
se. Quod sic lucidius dixeris, Vbi uirtus non
satis potest, adhibenda est astutia.

Apologus ex Mantuano traductus.

Rusticus quidam ex malo, quam in proximo habe
bat agello, sapidissima quotannis legebat poma,
hero lecta donabat Urbano, qui illectus incredi-
bili pomorum dulcedine, malum tandem ad se transtulit,
ea ueterrima repente exaruit, atq; ibi Poma pariter &
malus periere. Quod cum Patrifamilias nunciaretur,
heu difficile est, inquit, anno sam transplantare arborem,
satis superq; fuerat, si frenos meæ nouissem imponere
cupiditati, fructus ramo decerpere.

Hanc Fabulam sic Mantuanus.

Rusticus ex malo dulcissima Poma legebat,

Vnde dare Urbano dona solebat hero.

Ast herus illectus frugum dulcedine, malum

Transtulit in laribus proxima rura suis,

At quia malus erat senior, translata, repente

Aruit, & proles cum genitrice obijt.

Heu

Heu male transfertur senio cum induruit arbor.

Inquit herus, fuerat carpere poma satis.

MORALE EIVSDEM.

Qui nimium sapiunt, atq; inconcessa sequuntur.
Desipiunt, cohibet qui sua uota, sapit.

FABVLÆ

M. PETRO SCOTO VIRO

Ornatissimo eidemq; humanissimo

scriptæ à Barlando.

¶ DE LEONE ET RANA.

Vdire uocem uisus Leo profilit, subsistit non
sine trepitatione, magni quippiam expectans,
egreditur tandem aquis Ranula, Leo deposito
metu appropians, bestiolum proculcat pedibus.

MORALE.

Vetat hic Apologus inanes timores, ut illa à Gui-
lielmo Goudano uersa Fabula de partu montium.

¶ DE Formica.


Stiens uenit ad fontem ut biberet Formica, incidit
forte in puteum, opitulatur eminus ex arbore de-
iecto ramo Columba, ramum conscendens Formi-
ca, seruatur. Adest Columbam ut capiat auceps, non sinit
Formica, aucupis pedem arripit mordicus, auolat Co-

MORALE,

(lumba.


Docet

40. AESOPI FABVLAE.

 Docet hæc Fabula præclare meritis referendam
¶ DE AVIBVS. (esse gratiam.


Gens auium cum libere uagaretur, optabat sibi dari regem. Pano se in primis dignum qui eligeretur putabat, quia esset formosissimus, hoc in regem accepto, Pica, ô Rex (inquit) si te imperante Aquila nos præstrenue (ut solet) insequi cœperit, quo illam modo abiges? Quo nos pacto seruabis?

MORALE.

 In Principe non tam forma, quam corporis fortitudo spectanda est, & prudentia.

¶ De ægroto & Medico.

Medicus curabat ægrotum, ille tandem moritur. Tum ad cognatos Medicus, hic, inquit, intemperantia periit. MORALE.

 Bibacitatem & libidinem nisi quis mature reliquerit, aut nunquam perueniet ad senectutem, aut per breuem est habiturus senectutem.

¶ De Leone & alijs.

Leo, Asinus, Vulpes, eunt uenatum, capitur ampla uenatio, capta partiri iussa. Asino singulas singulis partes ponente irrugijt Leo, Asinū rapit, ac laniat. postea uulpecule id dat negocij, quæ astutor cū leoni longe optima posita parte, sibi uix minimam particulā reseruasset, rogat Leo, à quo sic docta sit.

Cui illa, huius me (inquit) calamitas docuit, mortuum asinum

Asinum ostendens. MORALE.

Fœlix quem faciunt aliena pericula cautum.

¶ DE Hædo ET Lupo.

F Enestra prospectans Hædus, prætereuntem Lupum conuicijs incesere audebat. Cui Lupus, non tu (ait) scelestè mihi conuiciaris, sed locus.

MORALE.

Et tempus & locus sepe audaciam addunt homini,

¶ DE ASINO.

A Sinus de hortulandi seuitia quærens, Ioui supplicat alium dari herû. Exaudire Iuppiter uotâ Asini, dat Tegularium. Apud quem cû tegulas grauioraq; tergo uectaret onera, accessit rursus Iouem orat dari qui mitior sit. Ridere Iuppiter ille tamen non destitit instare, orare, usq; adeo donec perpelleret, dat ille coriarium, quem ubi pernoui asellus, me miserum inquit, qui dum nullo sum contentus domino, in eum incidere, qui nec corio quidem meo, quantum auguror, par-

MORALE.

(cet.

Semper damnamus quæ pñtia sunt, et noua appetimus, quæ (ut dici solet) ueteribus non sunt potiora.

¶ DE ANU ET ANCILLIS.

A Nus quædã domi habebat ancillas complures, quin quotidie antequã luceceret, ad galli gallicci, quem domi alebat, cantum excitabat ad opus. Ancille quotidiani tandem negotij cōmotæ tædio,

E Gallum

Gallum obtruncat, sperantes iam necato illo in medios sese dies dormituras. Sed hac spes miseram frustrata est, hera enim, ut interemptum Gallum rescivit, intempesta deinceps nocte surgere iubet.

MORALE.

Non pauci grauius malum dum student euitare, in alterum diuersum incidunt. Peruulgatum est.

Incidit in Scyllam qui uult uitare Charybdim.

DE ASINO ET EQVO.

Asinus beatum putabat Equum, quod pinguis esset, et in ocio degeret, se uero infœlicem dicebat, quod macilentus esset, ac strigosus, quotidieq; ferendis oneribus ab immiti hero exerceretur. Haud multo post ad arma conclamatum est. Tum Equus non equitem dorso, non frenum repulit ore, nec telum corpore, hoc uiso asinus magnas dijs gratias agebat, quod non equum se, sed asinum fecissent.

MORALE.

Miseri sunt, quos uulgus beatos iudicat, & non pauci beati, qui se miserrimos putant. Sutor crepidarius regem dicit foelicem, quem omnium rerum compotem uidet, non considerans in quantas rex solitudines distrahatur, dum interim ipse optima cum paupertate cantillet.

DE Leone ET auaro.

Eddita rupe ambulanti Caprã forte cõspicatus Leo, monet ut potius in uiride pratũ descendat.

Capra

Capra, facerem fortassis, inquit, si tu abesses, qui mihi non istuc suades, ut ego inde ullam capiam uoluptatem, sed ut tu habeas quod uores famelicus.

MORALE.

Omnibus ne habeas fidem, quidam enim non tibi, sed sibi consulunt.

¶ DE Vulture, alijsq; auibus.

Annuum se natalem celebrare adsimulat Vultur, auiculas ad coenam inuitat. Veniunt plerq; omnes, uenientes magno plausu, fauoribusq; accipit, acceptas laniat Vultur.

MORALE.

¶ Non sunt amici omnes, qui blande dicunt, aut benigne se facere uelle simulat, latent sub hoc melle uenena.

¶ DE ANSERIBVS.

Anseres unà cum Gruibus agrum uastabant, quibus auditis Rustici protinus in illos feruntur. Rusticos conspiciatæ auolant Grues, capiuntur Anseres, qui impediti corporis onere, subuolare non poterant.

MORALE.

(terant.)

¶ Expugnata ab hostibus urbe, facile se subducit imops, at diues seruit captus. In bello diuitie magis oneri sunt quàm usui.

DE IOUE ET SIMIA.

Iuppiter scire percipiens, quisnam mortalium scitissimos æderet liberos, conuocari iubet quicquid

E 2 uspi m

44. ANIANI FABVLAE.

uspiam est animantium. Concurritur ad Ouem undiq̃; aderat iam alituum pecudumq̃; genus, inter quos & Simia deformes Catulos brachio gestans cum aduenisset, à risu temperare nemo potuit, quin etiam Iuppiter ipse profuse admodum risit. Ibi continuo Simia, immo, inquit, nouit & Iuppiter iudex noster Catulos meos magnopere omnes quotquot adsunt præcellere.

MORALE.

☞ *Suum cuiq̃; pulchrum, ut est Adagium. Et alibi apud Theocritum in Aeglog*
Quæ minime sunt pulchra, ea pulchra uidentur amanti.

ANIANI

FABVLAE. HADRIANO

Barlando Interprete.

¶ DE QUERCU ET ARVNDINE.



ASTVS OLIM AT-
 q̃; adeo insolentia plena Quer-
 cus, arundinem aggressa est, si
 nunc, inquit, pectus animosum
 tibi, pcede agedum ad pugnam,
 ut noster duarum euentus osten-
 dat, utra uiribus præstet. Arun-
 do, quercus cantum, exultationem, fortitudinisq̃; agita-
 tum uanam nihil mirata, sic respondit, certamen nunc
 abnuo

abnuo, nec mee sortis me piget. Nam si in omnem partem mobilis, tempestates tamen peruinco sonoras, tu si semel uasto Rex Aeolus antro, luctantes emisericit uentos, concides, & mihi tum rideberis.

MORALE.

☞ Declarat hac Fabella non eos semper fortissimos esse, qui nulla etiam lacesiti iniuria, alijs insultant.

¶ DE Piscatore ET Pisciculo.

Piscator iacto in aquam hamo cibus illito, pisciculum eduxit, orat, obsecratq; captiuus, se minutulum uti abire sinat, & adulescere, ut postea maiore potiatur. Piscator, ego, inquit, spem pretio non emo, quippe qui eo fuerim ingenio semper, ut quicquid possem, malle m auferre potius in presentia.

MORALE.

☞ Hac nos monet Fabella, ne certa unquam incertorum spe unguibus amittamus. Quid enim stultius (ut est apud Ciceronem) quam incerta pro certis habere.

¶ DE Formica ET Cicada.

Appetente Hyeme frumentum in areolam ad solem traherat Formica, uidet id Cicada, accurrit, rogat granum. Formica cur non inquit, & tu meo exemplo aestate trahis quodcumq; potes, atq; addis aceruo? Respondet illa, sibi id temporis cantando transegi. Ridens Formica, si, ait, aestate canitare soles,

MORALE. (merito nunc esuris.

☞ Monemur hac Fabula, dum adhuc robur corporis adest, querere ea, quibus imbecilla sustentetur senectus.

Per Hyemem senectutem intellige. Per æstatem
Adolescentiam, & florem illum ætatis.

¶ DE Leone ET Tauro.

Leonem fugitabat Taurus, in Hircum incidit, is cornu & caperata minitabatur fronte, ad quem plenus ire Taurus. Non tua, inquit, in rugas contracta frons me territat, sed immanem metuo Leonem, qui nisi tergo hæreret meo, iam scires non ita paruum rem esse pugnare cum Tauro, & nostro sequi de uulne

MORALE. (re sanguinem.)

¶ Calamitosus non est addenda calamitas. Sat miser est, qui semel est miser.

FABVLÆ ANIANI

ANIANI, GVILELMO HERMANNO diui Augustini ordinis Canonico interprete mutata, incipiunt fœliciter.

¶ DE Nutrice ET Lupo.

NUTRIX minatur puerum plorantem (nitateat) dari Lupo. Lupus id forte audit, spe cibi manet ad fores. Puer tandem silescit, obrepente somno. Regreditur Lupus in syluam iciunus & inanis. Lupa ubi sit præda sciscitatur. Gemebundus ille
uerba,

uerba inquit, data mihi sunt. Puerum plorantem se abijcere minabatur nutrix, at fefellit.

MORALE.

☞ *Fœminæ non est adhibenda fides.*

¶ DE Testudine ET Aquila.

Coeperat Testudinem tædium reptandi. Si quis eam in cœlum tolleret, pollicetur baccas Maris rubri. Sustollit eam Aquila, poscit premium. Non habentem fodit unguibus. Ita Testudo, quæ concupijt uidere astra, in astris uitam reliquit.

MORALE.

☞ *Tua sorte sis contentus, Fuere nonnulli qui si mansissent humiles, poterant esse tuti, facti sublimes, inciderunt in pericula.*

¶ DE Cancris, Mater ET Filio.

CAncrum retrogradum monet Mater, antrorsum ut eat. Filius respondet, Mater, inquit, i præse-

MORALE. (quar.

¶ *Nullum reprehenderis uitij, cuius ipse queas reprehendi.*

¶ DE Sole ET Aquilone.

Sol & uentus Aquilo certant, uter sit fortior. Conuentum est experiri uires in uiatorem, ut palmam ferat, qui excusserit manticam. Boreas horrissono nymbo Viatorem aggreditur, ac ille non desistit, amictum gradiendo duplicans. Assunt uices Solis, Quæ

E 4 nymbo

48. ANIANI FABVLAE.

nymbo paulatim euiecto, emolitur radios. Incipit Viator
æstuare, sudare, anhelare. Tandem progredi nequiens,
captat frigus opacum, atq; sub frondoso nemore, abie-
cta mantica, resedit. Ita soli contigit uictoria.

MORALE.

¶ Qui cum certes etiam atq; etiam uide. Nam & si tu
fortis es, est forsitan alius te fortior. Aut si non fortior,
certe callidior, ut consilio suo, tuum uindicat robur.

¶ DE ASINO.

Asinus uenit in syluam, offendit exuuias Leonis.
Quibus indutus redit in pascua, greges armen-
taq; territat, & fugat. Venit qui perdiderat,
querit at suum Asinum. Asinus uiso hero occurrit, imo
cum rugitu suo incurrit. At herus prehensis, quæ exta-
bant, auriculis, alios licet, inquit, fallas, ego te Aselle mi

MORALE.

(probe noui.

¶ Quod non es, ne te esse simules, non doctum cum sis
indoctus, non diuitem, non nobilem, cum sis pauper &
ignobilis, te iactes. Vero enim comperto rideberis. ¶

¶ DE Rana ET Vulpe.

Rana egressa paludem, in syluis apud feras medi-
cinam profuetur. Ait se nec Hippocriti, nec Ga-
leno credere. Cæteris habentibus fidem, illustit
Vulpes, An hæc, inquit, medicinæ habebitur perita, cui
sic pallet os? Quin curet seipsam? Sic illustit Vulpes.
Est enim Ranae os ceruleo colore.

Morale.

MORALE.

☞ Stultitiæ est profiteri quod nescias, & ridiculum.

¶ DE Cane mordaci.

CAni subinde homines mordenti, ut sibi quisq; caueret, alligarat dominus nolam. Canis ratus uirtuti suæ tributum decus, suos populares despicit. Accedit ad hunc Canum aliquis ætate atq; auctoritate grauis, monens eum ne erret. Nam ista, inquit, nolam data est tibi in dedecus, non in decus.

MORALE.

☞ Gloriosus interdum sibi ducit laudē quod ipsi est uituperio.

¶ DE Camelo.

Camelus sui pœnitens quærebatur Tauros insignes ire geminis cornibus, se inermem obiectum cæteris animalibus. Orat Iouem donari sibi cornu. Ridet Iuppiter stultitiam Cameli, nec modo uotum negat, uerum & auriculas bestię decurtat.

MORALE.

☞ Sit quisq; fortuna contentus sua. Etenim multi fortunam secuti meliorem, incurrere peiorem.

¶ DE duobus amicis ET Vrsō.

Duo amici faciunt iter, occurrit in itinere Vrsus vnus arbore conscensa, picula euitat. Alter eū spes fugæ non esset, collidit se humi. Accedit belua, contrectat iacentem, os explorat & aues. Homine

E S spiritum

Spiritum continente, ac motum, Vrsus quia mortuis par-
cit, ratus cadauer esse, innocuus discedit. Percontanti
postea socio, quidnam bestia dixisset iacenti in aurem,
hoc monuisse ait, ne unquam cum illiusmodi amicis iter

MORALE. (faceret.

☞ Rara avis in terris, nigroq; simillima Cygno, fides
est. Verum apicum res aduersæ & pericula monstrant.

¶ DE Equite caluo.

Eques caluus illigarat pileo comam fictitiam. Ve-
nit in campum, acri spirante Borea, ac dum ma-
le obseruat capillatum galerum, subito apparet
caluities. Tollit cachinnum corona, necnon & ipse ri-
det. Quid noui est inquit, auolare capillos alienos, cum
olim defluerint, qui fuerant mei?

MORALE.

☞ Belle fecit Eques, qui non est indignatus, sed cum
ridentibus risit. Socrates uero cum accepisset in foro a-
lapam, hoc modo respondit, Molestum esse nesci-
re homines quando debeant prodire cum galea.

¶ DE duabus Ollis.

Duæ Ollæ steterè in Ripa, altera erat lutea, alte-
ra ærea, utramq; tulit uis fluij. Luteæ collisio-
nem metuenti respondet ærea, nequid timeat, se
se enim ne collidantur, satis curaturam. Tum altera, seu
me, inquit, tecum, seu te mecum flumen colliserit, cum
meo utrumq; fiet periculo. Quare certum est à te sepa-
rari.

Morale.

MORALE.

☞ Satius est uiuere cum socio pari, quam cum potentiori. A potentiori enim potest esse periculum, tibi, non illi à te.

¶ DE Rustico ET Fortuna.

Rusticus cum araret, offendebat in sulcis thesaurum. Gratiar agit telluri, quæ hunc dedisset. Fortuna uidens nihil honoris haberi sibi, ita est secum locuta, Thesauro reperto stolidus mihi non est gratus, at eo ipso thesauro postea amisso, me primam omnium uotis & clamore sollicitabit.

MORALE.

Beneficio accepto, grati simus bene de nobis merenti. Ingratitudo enim digna est, etiam beneficio quod iam acceperit, priuari.

¶ DE Tauro ET Capro.

Fugit Leonem Taurus, uenit ad speluncam, quærens latibulum. Intransi occursum cornibus, qui intus erat, Caper. Tum ijs uerbis Bos emugit, Tu equidem cornibus tuis meam excipis fugam. Verum si abierit quem fugio, quantum à uiribus Tauri distet Capro.

MORALE. (per, tum senties.

¶ Quis nescit miseris esse succurrendum, aut certe non nocendum? Quisquis enim à miserorum iniuria non tena perauerit, si (ut est fortuna mutabilis) miseris roderit fœlicitas, nimirum nocuisse miseris, cum pœnitebit.

Omneis

52. ANIANI ET EIVS PROLE.

OMneis animantes suo conspectui Iuppiter adesse iusserat, cuius nam soboles esset pulcherrima iudicaturus. Properant ferae, aduolant aues, nec non ad id certamen adnatant pisces. Omnium postrema festinat Simia, trahens secum suam prolem. Cuius quidem prolis foedas nates cunctis ridentibus, sic insit, Maneat cui fauerit Iuppiter uictoria. Meo tamen iudicio, hic meus natus est bellus, & omnium natis iure praefereendus. Hoc dicto subrisit & Iuppiter.

MORALE.

ET nos, & nostra nobis placent. Sed de nobis, & de nostris factis, aliorum sit iudicium, ne si ipsi iudicemus, cum Simia rideamur.

¶ DE PAVONE ET GRUE.

PAUO & GRUS una coenant. Pavo se iactat, dandam ostentat, Gruem contemnit. Grus fatetur Pavnem formosis esse pennis, sed tamen, dum uix tetis superuolat Pavo, animoso uolatu penetrare nubes.

MORALE.


Nemo alterum contempserit. Sua cuiq; dos, sua cuiq; est uirtus. Qui tua uirtute caret, forsitan habet qua careas tu.

¶ DE QUERCU ET ARUNDINE.

VALIDIORE NOTHO EFFRACTA QUERCUS IN FLUMINE precipiatur. Dumq; fluitat, haeret forte ramis suis

suis in arundine, miratur arundinem in tanto turbine stare in columen. Hæc respondet, cedendo & declinando se esse tutam, inclinare ad Nothum, ad Boream, ad omnem flatum. Nec mirum esse quod quercus exciderit, quæ non cedere, sed resistere concupiuit.

MORALE.


 Potentiori ne resistas, sed hunc cedendo & ferendo uincas. Quod pulchre docet facundissimus Poetarum Virgilius.

*Nate dea quò fata trabunt retrahuntq; sequamur
Quicquid erit, superanda omnis fortuna ferendo est.*

¶ DE Tigride ET Vulpe.

V Enator iaculis agitabat feras. Tigris iubet omnes feras absistere, sese unam ait bellum confecturam. Pergit Venator iaculari. Tigris oppido sauciatur. Fugientem è prælio, telumq; extrahentem percunctatur Vulpes, quisnam ualentem Beluam tam ualde uulnerasset? Respondet se autorem uulneris haud nosse, uerum ex uulneris magnitudine capere se coniecturam, aliquem fuisse uirum.

MORALE.

 Fortes plerumq; sunt temerarij, & ars uim, ingenium fortitudinem superat.

¶ DE Tauris ET Leone.

Q Vatuor fuere Tauri, quib; placuit comunem ipsorum esse salutem, & comune periculum.

Vides

54. ANIANI FABVLAE.

Videt Leo simul pascentes, & si esurit, tamen coniunctos aggredi metuit. Primum dat operam uerbis fallacibus segregare, tum segregatos laniat.

MORALE.

Concordia nihil est firminus, discordia etiam fortes reddit imbecilles.

¶ DE ABIETE ET DUMO.

Fertur olim Abies despiciere Dumos, iactitat se perceram esse, locari in ædibus, cum uelo stare in nauibus, Dumos aut hūiles, uiles, nulli usui idoneos. Quorū quidem tale fuit responsum, Tu sane Abies tuis gloriaris bonis, ut nostris insules malis. Verum nec tua refers mala, & nostra præteris bona. Cum tu sonanti de truncare securi, quàm uelles tum nobis, qui securi sumus,

MORALE.

(esse te similem.

Et summæ fortunæ sua insunt mala, & humili fortunæ sua bona. Ut nil aliud nunc dicam, hæc secura est actuta, illa nec extra metum est, nec caret periculo.

Horatius canit in Lyricis.

Celsæ grauiore casu.

Decidunt turres, feriuntq; summos.

Fulgura montes.

¶ DE PISCATORE ET PISCICULO.

Subductus hamo pisciculus, orat piscatorē se dimitti. Ait se modo à matre fuissem, et mensam, cum adhuc minutus sit, non multum iuuare. Si dimittat postea grandæna

G. HERM. INTERP.

grandem ultro ad hamum eius rediturum. Piscator negat se dimittere prædam certam, licet exiguam. Quid habeam, inquit, scio, quid sim habiturus, nescio. Ego

MORALE. (Spem pretio non emo.

Certum præstat incerto, præsens futuro, & si non nunquam exile commodum omissum, attulit magnam.

¶ DE ALITE ET Pullis eius.

Ales positos in segete pullos monet, ut cum ipsa abest, diligenter attendant, si fiat sermo de occasione. Redeunti è passu matri pulli anxij narrant dominum ægri operam illam mandasse uicinis. Respondet nihil esse periculi. Item alio die trepidi, aiunt rogatos ad metendum esse amicos. Iterum iubet illa, ut sint securi. Tertio ut audiuit ipsum dominum cum filio statuisse postero mane cum falce messem intrare, iam, inquit, tempus est ut fugiamus. Vicinos & amicos non timui, quia non uenturos sciui. Timeo dominum, illi enim res

MORALE. (est cordi.

¶ Secordes alienis in rebus pleriq; sumus. Quod se quid recte curatum uelis, alteri ne mandes, sed cures

¶ De Avaro & Inuido. (ipse.

Duo homines orabant Iouem, Cupidus & inuidus. Mittitur à Ioue Apollo, per hunc ut eorum notis satis fiat, dat hic utriq; optandi liberam facultatem, hac conditione, ut quodcunq; petisset alter, id ipsum alter acciperet duplicatum. Hæret diu cupidus, cum

cum nihil putat fore satis. Petit tandem non pauca. Et
duplum accipit socius. Porrò inuidus hoc Petit, ut ipse
uno priuetur oculorum, letus socium multandum esse

MORALE.

(utroq;.

☞ Auaritiam quid possit satiare? Inuidia uero
dementius est nihil. Quae dummodo noceat
alteri, sibi met' imprecatur malum.

☞ DE Leone ET Capella.

Vidit Leo pendere dumosa de rupe Capellam.
Suadet descendere, ut in campo thymum, sali-
cesq; carpat. Recusat Capella descendere, uerba
quidem eius haud sane mala, sed mentem esse plenam do-

MORALE.

(ii reclamans.

Cogita quis quid suadeat. Multi suadent utilia, non

☞ DE Cornice ET Vrna. (tibi, sed sibi.

Sitibunda Cornix reperit Vrnâ aquae, sed erat Vr-
na profundior, quam ut posset à cornice aqua con-
tingi, conatur effundere Vrnâ, nec ualet. Tum
lectos ex harena scrupulos iniectat, hoc modo aqua leua

MORALE. (tur, & Cornix bibit.

☞ Interdum id quod non potes efficere
ui, efficies prudentia & consilio.

☞ DE Leone ET Venatore.

Litigat Leo cū Venatore, suam præfert fortitudi-
nem hominis fortitudini. Post lōga iurgia, Vena-
tor ducit Leonem ad mausæolum, in quo sculptus
erat

erat Leo, caput deponens in gremiū uiri. Negat fera id
satis esse iuditij, homines enim sculpere qd' uellent, ait,
quod si & Leones forent artifices, iam uirum sculptum

MORALE. (iri sub pedibus leonis.

☞ Quisq; quoad potest, & dicit, & facit, quod suæ
parti, & causæ putet prodesse.

¶ DE Puerō ET Fure.

S Edebat puer flens apud puteum. Fur rogat causam
flendi. Puer dicit rupto fune incidisse in aquas Vr
nam auri. Homo exiit se, insilit in puteum, quærit
Vase non inuento, conscendit, atq; ibi nec Puerum, nec
suam inuenit tunicam. Puer quippe sublata tunica fuge-

MORALE. (rat.

☞ Falluntur interdum, qui fallere solent.

¶ DE Rustico ET Iuueno.

E Rat Rustico Iuuenus, uinculi omnis, iugiq; impa
tiens. Homo astutus bestia refecat cornua, cor
nibus enim petebat, tū iungit non curru, sed ara
tro, ne, ut solet, herum pulsaret calcibus. Stixam ipse te
net, gaudens industria effecisse, ut iam foret tutus & à
cornibus, & ab ungulis. Sed quid euenit? Taurus subin
de resistens, spargendo pedibus, os caputq; Rustici op-

MORALE. (plet harena.


☞ Sunt nonnulli sic intractabiles, ut nulla queant
arte, nullo consilio tractari.

¶ DE Satyro ET Viatore.

F Satyrus

S Atyrus, qui deus nemorum olim est habitus, Viatorum niuæ obrutum, atq; algore enectum miseratus, ducit in antrum suum, fouet igni. Spirantem autem in manus, percontatur causam. Qui respondens, ut calefiant, inquit. Postea cum accumberent, sufflat uiator in polenta. Quod cur faceret interrogatus, ut frigeret inquit. Tum continuo Satyrus uiatorem eiciens, nolo, inquit, in meo sit antro, cui tam diuersum est os.


MORALE.

 Caue sit in tuo conuictu homo duplici ore, quiq; in sermone est Proteus.

¶ DE APRO TT RVSTICO.

A Pro uastanti segetes, Rusticus præcidit auriculam. Iterum deprehenso, præcidit alteram. Et tunc quoq; redeuntem capit, captum portat in urbem destinatum lautitiæ sui patroni. Secta iam in conuiuio belua, nusquam apparet cor. Excandescente hero, & flagitante cocos, uillicus respondet, Patrone, inquit, non est mirum non apparere cor, nam credo stultum aprum nunquam cor habuisse. Nam si cor habuisset, nunquam in pœnam suam ad meas segetes toties redisset. Sic Rusticus. At omnes conuiuus emori risu, cachinnari de

MORALE. (Stultitia Rustici.)

 Multorum hominum tam est excors uita, ut an cor habeant, possis ambigere.

¶ DE TAVRO ET MVRE.

M Vs Tauri pedem momorderat, fugiens in an-
trum suum. Taurus uibrat cornua, querit ho-
stem, nusquam uidet, irridet eum Mus. Quia
inquit, robustus es & uastus, non idcirco quemuis con-
tempseris. Nunc te (& quidem gratis) laesit exiguus

MORALE.

(Mus.

☞ Tritum illud est uerbum, qd' significantius nostrate
lingua dixerim. Niemand sol uerachten seinen feind.

Latine sic. Nemo suum hostem floccipendat.

¶ DE RUSTICO ET Hercule.

R Vstici Currus haeret in profundo luto. Mox supi-
nus deum Herculem implorat. Intonat uox e' coe-
lo, inepte inquit, flagella equos, & ipse amitte-
re rotis, atq; tum Herculem uocato, tum enim aderit

MORALE. (Hercules uocatus.

☞ Nil profunt otiosa uota, quae sane Deus non audit.
Iuuatemet (inquiunt) ipse, tum iuuabit te Deus.

¶ DE ANSERE

F Vit Anser, qui ponebat oua aurea, singulis diebus
singula, dominus ut subito fiat diues, anserem iu-
gulat, sperans intus latere gazam. Sed ansere in-
uento uacuo, stupet miser, anxieq; dehinc suspirat, ac
ac plangit, & rem & spem perijsse.

MORALE.

☞ Moderanda sunt uota. Curandum est ne uel pra-
properi sumus, uel nimij. Nam & festinantia nocet &

F 2 qui

qui plura quàm decet, querit, interdum acquirit nihil.

¶ DE Cicada ET Formica.

Cum per æstatem, Cicada cantat, Formica suam exercet Messem, trahit in antrum grana, reponens in Hyemem. Sæuiente bruma fam elica Cicada uenit ad Formicam, mendicat uictum. Renuit Formica, dictitans sese dum illa cantabat laborasse.

MORALE.

☞ Qui segnis est in iuuenta, egebit in senectâ,
 & qui non parcit, olim mendicabit.

¶ DE Simia ET duobus eius natis.

Simia ut ferunt, cum peperit gemellos, alterum diligit, alterum negligit. Erat puerpera cum gemellis. Atq; cum incidisset terror, uiatura periculum, dilectumprehendit ulnis, quem, dum præceps fugitat, collidit petreæ atq; enecat, neglectus autem qui in hirsuto hæserat tergo fugientis, mansit incolumis.

MORALE.

☞ Solet euenire, ut ipsi parentes filio, quem tenere amant, præ nimia indulgentia sint mali occasio & periculi, eo, quẽ minus amarunt, præstante se strenuũ ac pbum.

¶ DE Boue ET Iuuenco.

Bos iam grandis euo quotidie trahebat aratrum. Iuuenecus laboris expers, uicinis exultat in pascuis ac tandem insultat fortune senioris, iactat se iugi
 ac uim=

ac uinculi in scium, se liberum, se ociosum, illi attritum esse labore collum. Deniq; se glabrum, ac nitidum, illum esse hirtum ac squalidum. Senior tum quidem nihil contra, sed breui post tempore uidet hunc insultorem duci ad aras, ac tum hisce uerbis affatur, Quo tua mollis uita peruenit? Securum illud otium redijt ad securum. Iam saltem (ut opinor) potius suades mihi laborem, qui me tuetur, quam otium, quod nunc te traxit ad necem.

MORALE.

☞ Ad uitam recte gerendam opus est labore & uigilantia. Secors autem & uoluptati deditus, suarum rerum, quem nolet, sortietur exitum.

¶ DE CANE ET LEONE.

O Curret Canis Leoni, iocatur, quid tu miser exhaustus inedia, percurris syluas & deuia? Me specta pinguem ac nitidum, atq; hæc non labore consequor, sed otio. Tum Leo, Habes tu quidem tuas epulas, sed habes stolide etiam uincula. Tu seruus esto, qui seruire potes, equidem sum licet, nec seruire uolo.

MORALE.

☞ Pulchre respondit Leo, quibuslibet enim rebus potior est libertas.

¶ DE PISCIBVS.

Piscis fluuiialis ui fluminis correptus est in Mare. Vbi suam efferens nobilitatem, omne Marinum genus uilipendebat. Non tulit hoc Phoca, sed ait tunc fore iudicium nobilitatis, si cum Phoca captus por-

F 3 tetur.

tetur ad Forum. Se emptum iri à nobilibus, illum autem à plebe.

MORALE.

☞ Multi sic capti sunt libidine gloriæ, ut sese ipsi prædicent & iactent. Sed laus sui oris non datur homini laudi, at excipitur cum auditorum risu.

¶ DE PARDO ET VULPECULA.

Pardus cui pictum est tergum, cæteris feris, etiam Leonibus despectis, intumescebat. Accedit ad hunc Vulpecula, suadet non superbire, dicens, illi quidem speciosam esse pellem, sibi uero speciosam esse

MORALE.

(men:em.)

☞ Discrimen est honorum & ordo. Bona corporis præstant bonis fortune. Vtrisque illis animi bona præferantur oportet.

A P O L O G I

EX CHILIADIBVS ADAGIORVM

Erasmii desumpti ad communem
Puerorum fructum.

¶ DE Vulpecula ET Pardale.

CVM aliquando Pardalis Vulpem præ se contemneret, quod ipsa pellem haberet omnigenis colorum maculis uariegatam, respondit Vulpes, sibi id decoris in animo esse, quod illi esset in cute.

Morale.

MORALE.

☞ Neq; uero paulo satius est ingenio præditum esse uafro, quam cute uersicolore.

¶ DE VULPE ET FELE.

CUm aliquando Vulpes in colloquio, quod illi erat cum Fele, iactaret sibi uarias esse technas, adeo ut uel Peram haberet dolis refertam, Feles autem responderet sibi unicam duntaxat artem esse, cui fideret si quid esset discriminis. Inter confabulandum repente Canum accurrentium tumultus auditur. Ibi Feles in arborem altissimam subsiliit, cum Vulpes interim à Canum agmine cincta, capitur.

MORALE.

☞ Innuit Fabula, præstabilius esse nonnunquam unicum consilium, modo id sit uerum & efficax, quam plures dolos, consiliaq; friuola.

¶ DE REGE ET SIMIIS.

REx quidam Aegyptius aliquot Simias instituit, ut saltandi rationem perdiscerent, ut enim nullum animal ad figuram hominis propius accedit, ita nec aliud actus humanos, aut melius, aut libentius imitatur. Artem itaq; saltandi protinus edoctæ, saltare coeperunt, insignibus indutæ purpuris, ac personatæ. Multoq; iam tempore maiorem in modum placebat spectaculum, donec è Spectatoribus facetus quispiam, Nucces, quas clanculum in sinu gestabat, in medium abiicit,

F A Ibi

ibi statim Simiæ, simul atq; Nuces uidissent, oblitiæ choreæ, id esse cœperunt, qd' ante fuerant, ac repente è saltatricibus in Simias redierunt. Contritisq; personis, dilaceratis uestibus, pro nucibus inter se pugnabant nõ sine

MORALE. (maximo spectatorum risu.

☞ Admonet hæc Fabula, fortunæ ornamenta non mutare hominis ingenium.

¶ DE ASINO ET VIATORIBUS

DVo quidam cum in desertis locis Asinum quempiam forte fortuna nacti essent, contendere inter se cœperunt, uter eorum, uti suum, domum abduceret. Nam utriq; pariter à fortuna uidebatur obiectus. Hac interim de re illis inuicem altercantibus, Asinus sese subduxit, ac neuter eo potitus est.

MORALE.

☞ Quidam à presentibus commodis, quibus ob inscitiam uti nesciunt, excidunt.

¶ DE PISCATORIBUS.

Piscatores aliquot iacto reti, testudines eduxerunt eas cū essent inter sese partiti, neq; sufficerent omnibus comedendis, Mercurium forte accedentem inuitarunt ad conuiuium. At is intelligens se neutiquam humanitatis gratia uocari, sed ut eos fastidito cibo subleuaret, recusauit, iussitq; ut ipsi suas testudines ederent

MORALE. (quas cœpissent.

☞ Nonnulli posteaquam inconsulte quippiam adorti sunt

sunt, aliorum implorant auxilium, quos suo negotio admisceant.

¶ DE ASINO.

A Pud Cumanos Asinus quispiam pertesus seruitutem. abrupto loro in syluam aufugerat, illic forte repertum Leonis exuium corpori adplicabat suo, atq; ita pro Leone sese gerebat, homines pariter ac feras uoce caudaq; territans. Nam Cumanii Leonem ignorant. Ad hunc igitur modum regnabat aliquamdiu personatus hic Asinus pro Leone immani habitus ac formidatus, donec hospes quispiam Cumas profectus, qui saepenumero uiderat & Leonem & Asinum, atq; ob id non erat difficile dignoscere aurium prominentium inditio, neq; nō alijs quibusdam coniecturis Asinum esse deprehendit, ac probe sustigatum reduxit, dominoq; agnoscanti reddidit. Interim autem risum nō mediocrem concitabat omnibus Cumanis Asinus iam agnitus, quos, dudum creditus Leo, metu propemodum exanimauerat.

MORALE.

☞ Haud facile tegimus uitia, quae a puero nobiscum adoleuerunt.


¶ DE Scarabeo ET Aquila.

S Scarabeus aliquñ spretus ab Aquila, coepit de uindicta quoquo pacto sumenda cogitare. Peruestigauit ubi nam Aquila nidum collocasset, adrepit Scarabeus, et oua simili dolo deiecit. Aquila cum saepius domi-

F 5 cilium

cilium commutasset, neq; quicquam proficeret, Iouem patronum adiit, exponit calamitatem suam. Is iubet, ut suo in gremio ponat oua, uel istic in tuto futura. Et huc per uestis lacinias, si nusq; prorepserit perimax Scarabey haud quaquam sentiente Ioue. Deinde ubi uidet oua commoueri Iuppiter, neq; satis animaduertit, unde ter-
ritus rei nouitate, excusso gremio, in terram deiecit.

MORALE.


 Monet hæc Fabula neminem quantumuis pusillum contemnendum esse.

¶ DE Simijs ET Pardale.

IN Maurusia Simiarum ingens copia. Pardalis autem animal est natura Simijs infestissimum, quas tamen uiribus assequi non potest, nimirum illis in summas arbores subuolantibus. His itaq; dolis in eas utitur. Sternit se supinam sub ramis, ac porrectis cruribus emori fingit sese. Gaudent eo spectaculo Simiæ confidentes in arbore, deinde ubi iam mortuam arbitrantur, unam aliquam emittunt exploraturam, num uere mortuus sit hostis. Illa cautim ac pedetentim accedens, ubi nullum uitæ uidet argumentum, Pardale nimirum modis omnibus cadauer imitante, demum audet etiam conscendere. Quod simul ac reliquæ Simiæ conspexerint, iam deposito omni metu descendunt, & Pardalim omnia ferentem, circumfultant, Postremo conculcant insultantes, ludibrii causa, donec Pardalis sentiens illas iam saltando defan-

defatigatas, de repente reuiuiscens, aliam dentibus, aliam
unguibus corripit, dilaniatq; ac deuorat.


MORALE.

 Hostem simulantem uires deficere, sum=
mopere fugiendum esse.

¶ DE Satyro ET Rustico, Aniani Fabula,
Erasmo quoq; interprete.

S Atyrus quidam cum uehementer algeret, Hyber=
no gelu supra modum seuiente, à Rustico quodam
inductus est in hospitium. Admiratus autem, cur
homo inflaret in manus ori admotas, rogauit cur ita fa=
ceret? Is respondit, ut frigidus manus halitus tepore ca=
lesaceret. Deinde ubi exstructo foco, apposita mensa in
pultem feruidam rursus inflaret, magis etiam admira=
tus, sciscitatus est, quid hoc sibi uellet, uti pultem inquit
ille, nimium feruentem halitu refrigerem. Tum Satyrus
surgens à mensa, quid ego audio inquit, Tum eodem ex
ore pariter et calidum & frigidum efflas? Valebis, ne=
q; enim mihi ratio est, cum eiusmodi homine commune

MORALE. (habere hospitium.)

 Notantur bilingues, qui eundem modo
laudant, modo uituperant.

IS QUI EMENDANDIS IIS FABV=
lis præfectus fuit, sequentes Apologos ex uarijs et

his optimis autoribus collegit, ut à Pueris

quoq; legerentur, quibus nunquã est

bñ instructa, atq; copiosa bibliotheca.

EX

EX SECVN

DO NOCTIVM ATTICARVM

Gellij, Apologus Aesopi Phrygis me=
moratu non inutilis.


ESOPVS ILLE E PH-
rygia fabulator, haud immerito
sapiens existimatus est, cum quæ
utilia monitu suasuq; erant, non
scuere, non imperiose præcepit
& censuit, ut philosophis mos est
sed festiuos delectabilesq; Apolo-
gos commentus, res salubriter ac prospicienter animad-
uersas, in mentes animosq; hominum cum audiendi qua-
dam illecebra induit, uelut hæc eius Fabella de auicula
nidulo, lepide atq; iucunde præmonet, spem, fiduciamq;
rerum, quas efficere quis possit haud unquam in alio, sed
in semetipso habendam. Auicula, inquit est parua nomen
est casita, habitat nidulaturq; in segetibus, id ferme tem-
poris, ut appetat mesfis, pullis iamiam plumantibus. Ea
casita in sementes forte concesserat tempestiuiores, pro-
pterea frumentis flauescantibus, pulli etiam tunc inuolu-
cres erant. Cum igitur ipsa iret cibum pullis quæsitum,
monet eos, ut si quid ibi nouæ rei fieret dicerenturue, a-
nimaduertent, idq; uti sibi redisset, renunciarent.

Dominus

Dominus postea segetum illarum filium adolescentem
 uocat, & uidet ne, inquit, hæc ematuruisse, & manus
 iam postulare? Iccirco die crastini, ubi primum dilucu-
 labit, fac amicos adeas, & roges ueniant, operamq; mu-
 tuam dent, & messem hanc nobis adiuuent. Hæc ubi ille
 dixit, discesit, atq; ubi redijt Casita, pulli trepiduli cir-
 cumstrepere, orareq; matrem ut statim iam properet,
 atq; alium in locum sese asportet, nam dominus, inqui-
 unt, misit qui amicos rogaret, uti luce oriente ueniant et
 metant, Mater iubet eos à metu ociosos esse. Si enim do-
 minus, inquit, Messem ad amicos reijcit, crastino seges
 non metetur, neq; necesse est hodie uti uos auferam. Die
 igitur postero, mater in pabulum euolat, dominus quos
 rogauerat operitur. Sol feruit & fit nihil, et amici nul-
 li erant. Tunc ille rursum ad filium, amici isti, inquit, ma-
 gnam in partem cessatores sunt, quin potius imus, et co-
 gnatos, affines, uicinosq; nostros oramus, ut adsint cras
 tempore ad metendum? Itidem hoc pulli pauefacti ma-
 tri nunciant, Mater hortatur, ut tum quoq; sine metu, ac
 sine cura sint, Cognatos, affinesq; nullos ferme tam esse
 obsequibiles ait, ut ad laborem capessendum nihil cun-
 ctentur, & statim dicto obediant, Vos modo, inquit, ad-
 uertite, si modo quid denuo dicetur. Alia luce orta, auis
 in partem profecta est, cognati et affines operam, quam
 dare rogati sunt, supersedent. Ad postremum igitur do-
 minus filio, ualeant, inquit, amici cum propinquis, Affe-
 res

res prima luce falces duas, unam egomet mihi, & tu tibi capies alteram, & frumentum nos metipsi manibus nostris cras metemus. Id ubi ex pullis dixisse dominum mater audiuit, tempus, inquit, est cedendi, & abeundi fiet nunc dubio procul, quot futurum dixit. In ipso enim iam uertitur, cuius est res, non in alio, unde petitur. Atq; ita Cassita nidum migravit, & seges à domino demessa est. Hæc quidem est Aesopi Fabula, de amicorum & propinquorum leui & inani fiducia. Sed quid aliud sanctiores Libri Philosophorum monent quàm ut in nobis tantum ipsis nitamur? Alia autem omnia quæ extra nos, extraq; nostrum animum sunt, neq; pro nostris, neq; pro nobis ducamus. Hunc Aesopi Apologum Q. Ennius in Satyris scite admodum & uenuste uersibus quadratis composuit, quorum duo postremi isti sunt, quos habere cordi, & memoriæ, operæ precium esse Hercle puto.

Hoc erit tibi argumentum semper in promptu situm
Ne quid expectes amicos, quod tu agere possis.

 Fabula ex Lamia Politani desumpta.

Aves olim prope uniuersæ noctuam adierunt, rogaruntq; eam, ne posthac in ædium cauis nidifi caret, sed in arborum potius ramis, atq; inter frondes, ibi enim uernari suauius. Quin eidem quercum modo enatam pusillam, tenellamq; adhuc ostendebant, in qua scilicet molliter (ut aiebant) & sidere ipsa ali-
quando

quando Noctua, & suum sibi construere nidum posset. At illa Facturam se negavit. Quin uicissim consilium dedit ijs, ne arbuscula illi se crederent. Laturam enim quandoq; esse uiscum, pestem uidelicet auium. Contempserunt illæ (ut sunt leue genus, & uolaticum) sapientis unius Noctue consilium. Iam Quercus adoleuerat, iam patula, iam frondosa erat. Ecce tibi aues illæ omnes gregatim ramis inuolitant lasciuiunt, subsultant, colludunt, cantillant. Interea Quercus ea uiscum protulerat, atq; id homines auimaduenterant. Implicitæ ergo repente ibi omnes pariter misellæ, ac frustra eas sera pœnitentia subiit, quod salubre illud consilium spreuissent. Atq; hoc esse aiunt, cur nunc aues omnes, ubiubi Noctuam uiderint frequentes eam quasi salutant, deducunt, sectantur, circumfidunt, circumuolitant. Etenim consilij illius memores admirantur eam nunc ut sapientem, stipantq; densa caterua, ut uidelicet ab ea sapere aliquando discant. Sed opinor frustra, imo uero etiam interdum cum magno ipsarum malo. Nam ueteres illæ noctue reuera sapientes erant. Nunc multæ noctue sunt, quæ noctuarum quidem plumas habent, & oculos, & rostrum, sapientiam uero non habent.

MORALE.

☞ Bñ monentis consilia ne spernas, hæc Fabula docet.


APOLOGVS EX SECVNDO LIBRO


Petri Criniti, de honesta disciplina desumptus.

Sata

S Ata est olim Cucurbita iuxta arborem Pinum, quæ grandis admodum & ramis patulis extabat. Cucurbita uero cum multis pluuijs atq; cœli temperamento creuisset, lasciuire incipit, & ramulos audacius porrigere, iam serpebat in Pinum, iam surgere, iam ramos & frondes iuoluere audebat, ampliora folia, candentes flores, prægrandia Poma, & uirescentia ostentans. Itaq; tanto fastu, atq; insolentia intumuit, ut Pinum arborem ausa sit aggredi, & uides, inquit, ut te supero amplis folijs, ut uirore præsto, & iamiam ad cacumen profurgo? Tum Pinus quæ senili prudentia, & robore pollebat, nihil mirata est Cucurbitæ insolentis audaciã, sed ita ad eam respondit, Ego hic multas Hyemes, calores, æstus, uariasq; calamitates peruici, & adhuc integra consisto, Tu ad primos rigores minus audatiæ habebis, cum & folia concident, & uiror omnis abierit.

MORALE.

 Secundis rebus non esse superbiendum.

 Fabula de Coruo ET Lupis ex Ioanne Campano desumpta.

C Oruus Lupos per ardua montium iuga comitatur, partem sibi prædæ fieri postulat, qui eos secutus nullo tempore destituisset, sociusq; fuisset. Repulsus deinde à Lupis, tanquam non eos sed prædæ cibumq; secutus, nec minus Luporum si occiderentur, quàm cæterorum animalium exta fuisset uoraturus.

Morale

MORALE.

☞ Non quid agamus semper inspiciendum est,
sed quo simus animo, cum agimus.

¶ Altera de Partu terræ, ex eodem.

T Vrgida olim facta Tellus, & mirum in modum
tumida, magnum aliquod paritura uidebatur.

Accurrunt finitimi, stupent agricolæ, terræ par-
tum inter spem metumq; expectant, alij Typhœa illum-
centimanum, alij montes erupturos putabant. Aperitur
terra, prodit Mus, & quod miraculo fore omnibus ar-
bitrabantur, in risum atq; iocum conuerterunt.

MORALE.

☞ Non semper credendum promissis magnificis.

APOLOGVS de Membris & Ventre
ex Plinio desumptus.

H Vmani artus cum Ventrem otiosum uiderent, ab
eo discordarunt, & suum illi ministerium nega-
uerunt. Cum eo pacto & ipsi quoq; deficerent,
intellexerunt Ventrem cibos acceptos, per omnia mem-
bra diuidere & cum eo in gratiam redierunt.

MORALE.

☞ Magnæ res discordia pereunt, concordia ualent.

¶ DE Arione ET Delphino, Fabula elegan-
tissima ex Libro XVI. Gellij.

V Etus & nobilis Ario cantator fidibus fuit. Is
loco & oppido Methymneus, terra, atq; insula

G omni

omni Lesbios fuit. Eum Arionem Rex Corinthi Periander amicum amatumq; habuit artis gratia. Is inde à Rege proficiscitur, terras inclytas Siciliam atq; Italiam uisere. Vbi eo uenit, auresq; omnium mentesq; in utriusq; terræ urbibus demulsit. In quæstibus isthic & uoluptatibus amoribusq; hominum fuit. Is tum postea grandi pecunia & re bona multa copiosus, Corinthum instituit redire. Nauem igitur & nautas, ut notiores amicioresq; sibi Corinthios delegit. Sed eo Corinthios homine accepto, nauiq; in altum prouecta, prædæ, pecuniæq; cupidus, coepisse consilium de necando Arione. Tum illum ibi pernicie intellecta, pecuniam cæteraq; sua, ut haberent dedisse, uitam modo sibi ut parcerent, orauisse. Nautas precum eius harum commiseritos esse illatenus, ut necem afferre per uim suis manibus temperarent, Sed imperauisse, ut iam statim coram desiliret præceps in Mare. Homo ibi territus spe omni uitæ perdita, id unum postea orauit, ut priusquam mortem oppeteret induere permitterent sua sibi indumenta, et fides capere, & canere carmen casus illius sui consolabile. Feros & immanes nautas prolubium tum audiendi subit. Quod orauerat, impetrat, Atq; ibi mox de more cinctus, amictus, ornatu, stansq; in summæ puppis foro, carmen quod Orithium dicitur, uoce sublatisima cantauit. Ad postrema cantus, cum fidibus, ornatuq; omni, sicut stabat canebatq; eiecit sese procul in profundū. Nautæ haud quaquam dubi-

tantes, quin perisset. cursum quem facere coeperant, tenuerunt. Sed nouum, & mirum, & pium facinus contigit, Delphinum repente inter undas adnauisse, & dorso super fluctus edito uectauisse, Incolumiq; eum corpore & ornatu, Tanarum in terram Laconicam deuexisse. Tum Arionem prorsus ex eo loco Corinthum petiuisse, talemq; Periandro Regi, qualis Delphino uectus fuerat, sese obtulisse eiq; rem, sicuti acciderat, narrauisse. Regem istæc parum credidisse, Arionem quasi falleret, custodiri iussisse. Nauitas requisitos, ablegato Arione, dissimulante interrogasse, ecquid audissent in ijs locis, unde uenissent, super Arione? Eos dixisse, hominem cum inde irent, in terra Italia fuisse, eumq; illic bene agitare, & studijs delectationibusq; urbium florere, atq; in gratia pecuniaq; magna fortunatum esse. Tunc inter hæc eorum uerba, Arionem cum fidibus & indumentis, cum quibus se in salum eiaculauerat, extitisse. Nautas stupefactos, conuictosq; ire, in scias non quisse.

MORALE.

☞ Documento est hæc Fabula, plus aliquando inueniri in brutis animalibus clementiæ, q̄ in ijs hominibus, qui præter opes nihil habent pensi, præter figuram nihil humanitatis.

NICOLAI

GERBELLII PHORCENSIS

Apologus lepidissimus.

¶ DE Aranea ET Podagra.

ARANEA paululum a texendo opere quietior, animi relaxandi gratia commodum deambulans, Huic se obuiam præbuit Podagra, tametsi passibus ambiguis admodum ægre illam assequeretur. Eius diei itimere utcunq; emenso, non longe aberant ab oppidulo, cui regionis eius incolæ Tiche nomen indiderant. Vtriq; consilium fuit, conditionis suæ hostilitatem peruestigare. Aranea non maximopere data opera, in opulenti cuiusdam ciuis ædes diuertit. Inibi quaqua uersum telas suas præpandebat, prætendebatq; retia, aderant illico, nescio qui Trygodæmones, qui texturam illius demoliebantur. Momentaneum itaq; erat ipsius, quo etiam cunq; se uerteret, ædificium. Nusquam enim scopariorum oculatas scopas poterat effugere. Misera planè quæ in tanta rerum omnium affluentia, sola egebat proturbaturq;. Podagra uero mendicabuli instar uix tandem egestosi cuiuspiam tuguriolum impetrarat. In id loci cum decubuisset, nihil non experiebatur miseriarum. Apponebatur cœnaturienti panis cibariorum, aridis uix faucibus hianti hydropoterium.

Iamq;

Iamq; diurno itinere lascescenti torus ligneus, nullis frondibus, nullo gramine, sed pratenuibus paleis insternebatur. Atqui dicere non est huius instituti, quam conueniant male membris mollibus, cuticula (ut ita dixerim) holoserica stragula tam dura, tam barbari uilli. Oriente igitur uix tandem illo augusto sydere, quod exauat, qd' intuetur omnia, conuenere rursus Aranea simul & Podagra. Prior Aranea praterita noctis molestias, tot locorum commutationes denarrat. Nunc heri exprobrant munditiam, nunc nimiam scopariorum obseruantiam. Podagra contra de hospitis sui egestate complura comminiscitur. Nec ocium habet admonstrare Araneae liuidas uibices, quas adamantina fulcra tenellae cuticulae impresserant. Consilium ineunt, araneam deinceps pauperu turguria, Podagram uero diuitum aulas debere subingredi, in hanc Aranea pedibus, Podagra animis uadit sententiam. Veruntamen tenebris iamiam incrementibus urbi cuiusdam sese approximant, Podagra instituti non immemor, pedetentim se in nummosi cuiusdam domum illatbrauit. Qua commodu ab hero conspecta. Dij boni qua beneuolentia, qua humanitate, quibus nominibus excipitur. Supponuntur, substruunturq; olorinae culcitrae, toralia Perdicum subalaribus plumis referta. Taceo Vinum dulce, uinum nigrum, Lesbium, Surrentinum. Taceo ficedulas, Phasianos, atq; eas auiculas, quae binis superbunt cordibus. In Summa nihil deliciarum, nihil uolupta-

tum non exhauriebat. Aranea pauperis casam ingressa, telas orditur quaquauorsum parietes interpatent, retia suspendit. Orbiculari operi manibus pedibusq; incumbit. Rescit abrupta, perficit incercepta. Et ut dicam breuiter, uacua dominatur in aula. Nullas insidias, nullius formidat insultus. Imo uero etiam iam scopis superior omnibus. Non multo post Podagra Arancam conuenit, delicias suas, foelicitatem, fortunas, ampliter exornat. Aranea miris laudibus extollit imperium suum, edificandi texendiq; libertatem. Placuit tandem haec utrisq; sententia. Quorsumcunq; proficisceremur Podagram in diuitum domos, Arancam in pauperum Tuguria debere diuertere.

MORALE.

☞ Apologus hic tametsi ad usus uarios accommodari queat, id tamen in primis declarat, alium alio loco fortunatiorem esse, Praeterea morborum domicilium esse diuitum aulas. Ad ultimum, nusquam libertate maiorem q̄ ubi diuitiarū minus.

Fabularum Aesopi FINIS.

LAVREN

TII ABSTEMII VIRI ELEGANTIS.
et amoeni ingenij Fabulae elegantissimae, nup̄ per clarissimum Poetam & Philosophū Gargetium emaculatae.

Domica

DOMICIVS

PALLADIVS SOVRANVS

Pollioni Vadio, Sacerdoti uen=
rando. S. P. D.

IAM PRIDEM TVO SERMONI de Abstêmio frequenti Literarum confessu Pollio uenerande non inuitus interfui, Cum minime prætextatis (ut ita dicam) laudibus hominem celebrares, adeoq; in arcem euasisti. ut nemo sanè (mea sententia) eum cumulatius laudare potuerit. Mox inde secedens diu hæc omnia mecum animo uolutabam, unde tanta confluere laudationis abundantia, unde tanta non uulgaris obseruatio emanaret, unde deniq; amicitia adeo perfecta exoriretur Proculdubio non aliunde mecū tandem collegi, quā ex præclaræ eius uirtutis nomine proficisci, cuius quidem uis magna et præpotens est. Quis obrem nõ possum pfecto non suspicere ingenium tuum amabile, tuūq; animum uirtutibus fultum diligentibus nõ admirari, qui neque ambitione, neq; inuidia, neq; aliquo alio liuore deuincitur. Siquidem omnes, quas meretur Abstemius noster, laudes, non transis silentio, imo ad alias ipsas cumulas, ob eius incredibilem eloquentiam, singularemq; doctrinam ultro accedis, idq; haud ab re, cum

pater omnium elegantiarū, atq; idem leporum omnium merito sit & habeatur. Et ut hæc clariora luce, non officij gratia, aut temere dicantur quotidie, quemadmodum aliqua eius laborum monumenta existere uidemus, quæ undiq; perfecta uerborum concinnitate, perspicacissimisq; sententijs scatent. Nam modo dicam de hoc Apologorum Libello nuper impresso, in quo perspicua ac insignis eius ingenij amœnitas, non absq; laude maxima redundare uidetur. Quare non uereor, ut is re-misso cuiuscunq; animo pessum eat, Abstemiog; (absit inuidia uerbo) omnium quam iucundissimo detrahatur. Cui & te & me ob tanti nominis celebritatem nulla unquam in re defuturos esse liquido constabit.

VALE.

LAVRENTI

VS ABSTEMIUS OCTAVIA

no Vbaldino Comiti Mercatelli.

Salutem. Plurim. Dicit.

AEDITVRVS HVNC APOLOGO-
rum Libellum, quem de numero Fabularum he-
catomythium nuncupauit, multum diuq; dubita-
ta Octauiane Princeps inclytæ, tuo ne cum nomini po-
tissimum

tisimum dedicarem. Nam cum tuam in me non sine pluri-
 mis bñficijs perspicerem beneuolentiam, non aliquid me-
 arum uigiliarum tibi deuouere, ingratissimi hominis es-
 se uidebatur. Rursus cum tuorum in me officiorũ nume-
 rum, diuinasq; uirtutes tuas mecum ipse reuolucrum, indi-
 gnum tantis meritis, tantaq; sapientia munusculum hoc
 esse cernebam. Hanc tandem dubitationem meã amouit
 humanitas & prudentiã tua, qua non tam res tibi dono
 datas, quã offerentium uoluntatem soles inspicere. Ad-
 didit quoq; mihi animum, Guidus Vbaldus clarissimus
 Dux & Princeps meus omni laude maior, qui opusculũ
 meum de nonnullis locis obscuris superiori anno ei dedi-
 catum uultu ita placido, & serena fronte suscepit, ut spe-
 rare merito possem, hoc tibi qualecunq; fore non ingra-
 tum. Non mediocriter etiam me incitarunt Georgius E-
 mus, pro Venetis hic agens Legatus, non solum patritia
 nobilitate, uerumetiam bonarum artiũ studijs clarus, &
 Carolus Verardus Cæsenas Archidiaconus Cæsena, &
 Alexandri Pontificis Maximi Cubicularius, uir omni li-
 terarum genere præstans, necnon Renatus Melioratus,
 et Robertus Vrsus Ariminenses Iurisconsulti clarissimi,
 nec minus qui humanitatis uocant studijs, eruditi. Hic e-
 nim, alijsq; complures optimi harum rerum censores, cum
 hunc libellum legissent, multis me uerbis sunt ad æditio-
 nem cohortati. Non putauit igitur tam humano principi
 hoc munus ingratum futurum, quod tot eruditissimis uiris

ante placuisse cognoueram. Accipe igitur hoc quicquid est libelli ab Abstêmio tuo, cuius mentem, animūq; si penitus posses inspicere, in hac tenui re magnū munus tibi iudicares oblatum. Ne quis autem inutilem & inanem hunc meum scribendi laborem existimaret, præfatiunculam quandam præponendam censui, qua intelligeretur doctos etiam et claros uiros in magnis rebus huiusmodi fabulis non uoluptatis tantum, uerum etiam utilitatis gratia delectatos. Sedulo dedimus operam, ut seria potius quàm iocos saperent, unde ridiculas multas, quæ inter componendum sese mihi offerebant, consulto præterij, quia nimis lasciuæ, et tanti principis grauiamine mihi uidebantur indignæ. Non tamen ita agrestis esse uolui, quin eas aliqua urbanitate aspergerem, maxime ad Principem scribens, cum principes curarum mole pressi, soleant interdum recreandi animi gratia iocos appetere.

VALE.

EIVSDEM ABSTEMII

Proœmium.

Cogitanti mihi uaria Scriptorum genera, qui, ut humanæ uitæ prodesse, cogitationes suas litterarum mandauere memoriæ, qui Apologos scripsere, non postremo loco digni esse uidentur. Non enim modo mortalium animos incredibili quandam afficiunt uoluptate, uerum etiam ad res honestas, utilesq; peragenda suis Fabellis, magis quam Philosophi suis præceptis

reptis alliciunt. Nam ita in legentium animos quadam iucunditate penetrant, & quibusdam similitudinibus, quæ maxime ad commouendos animos ualent, quid uitandum faciendumq; sit ostendunt, ut omnes etiam inuiti, illis assentire cogantur, Sensus enim audiendi fastidiosissimus, res etiam utiles honestasq; haud facile admittit, ni fuerint aliqua urbanitate conditæ. Testis quidam Orator Atheniensis, qui ad Athenienses uerba faciens, cum eos minus attentos uideret, rogauit, ut saltem Fabulam audire dignarentur, quo impetrato, Ceres, inquit, et Hirundo, & Anguilla simul iter facientes, ad quendam fluuiũ peruenerunt, Hirundo quidem superuolauit, Anguilla autem anem tranauit. Quod cum dixisset obituit, interrogantibus autem illis, quid Ceres egisset? Vobis, inquit, Dea uestra succensuit, qui eos, qui uobis utilia suadent, audire nolentes, tam attentis auribus confabulantes auditis. Quantam uim Apologi habeant ad animos commouendos, cum multis possem, tribus uero contentus Exemplis ostendere. Samijs Rectorem populi morti addicere uolentibus, Aesopus hac Fabella dissuasit dicens, Vulpem quendam fluuium transeuntem in Lacunam fuisse propulsam. Vnde cum exire non posset, tenaci limo retenta, muscarum affligeretur aculeis. Quod Herinaceus conspicatus, misericordia motus est interrogauitq; an uellet, ut ab ea Muscas abigeret. At illa abruit dicens, hæ meo sanguine iam plena, paruam mihi possunt

possunt inferre molestiam, si autem has abegeris, aliæ famelicæ superuenient, quæ quicquid mihi superest sanguinis, exhaurient. Ita ó Viri Samij uobis eueniet, si enim hunc rectorem uestrum iam locupletem occideritis, alios eligatis necesse est, qui dum se opibus uolent implere, quicquid hic uobis reliquit, eripient. His uerbis moti Samij, ab incepto destiterunt. Hac ratione adductus Tyberius Cæsar, diurnos Magistrat9 dabat, unde (ut refert Iosephus) sub eo, per uiginti Annorum spacia, per duos tantum præsides, Gratum scilicet & Pilatum est gubernata Iudea. Nō parcat populis regnum breue, ut inquit Statius. Himerenses Phalaridem Agrigentimorum tyrannum Duces exercit9 sui eligere uolentes, Stesichorus Poeta hoc Apologo deterruit. Equus, dicens, solus pascebat in prato. Adueniente autem Ceruo, & pascuâ corruptente, consuluit hominem, qua posset illum arte punire. Cui homo, si frenum, inquit acceperis, & me armatum dorsum tuum ascendere permiseris. Cum huic consilio esset obsecutus, Ceruū quidem hominis auxilio uictor abegit. Sed non amplius hominem dorso, non frenum depulit ore. Ita, inquit Stesichorus, Viri Himerenses uobis eueniet, si Phalaridem ducem efficietis. Hostes quidem uestros punietis, sed huic tyranno perpetuo seruietis. Quibus uerbis territi Himerenses, huiusmodi ducis eligendi consilium deposuerunt. Cum populus Romanus a Senatu secessisset, quod tributum & Militiam toleraret, nec ullo pacto

pacto reduci posset, nonne Agrippa Menenius eum hoc
 Apologo reuocauit? Olim, inquit, Quirites, humani
 artus uentrem otiosum et desidem intuentes, ab eo discor-
 darunt, nec amplius illi cibum ministrare decreuerunt.
 Sed cum ipsi quoq; alimenta illi denegando, quæ per oïa
 membra deferuntur, deficerent, cum eo in gratiam redie-
 runt. Eodem inquit modo, Senatus et populus, quasi uen-
 ter & membra, alterum alterius auxilio indigent, et ut
 discordia intereunt, ita concordia ualent. Quæ Fabula
 populus reuocatus, cum Senatu in gratiam redijt. Non
 immerito igitur, non solum Græci & Latini Poëte, ut
 Hesiodus & Horatius, huiusmodi Fabulas suis operibus
 inseruerunt, uerum etiam maximi & celeberrimi Philo-
 sphi, ut Plato, Aristoteles, Plutarchus & multi alij eas
 plurimum commendauerunt, et ad institutionem morales
 et ciuilem uitæ non minimum facere arbitrati sunt. Quo-
 circa Omnibonus Leonicens, & Laurentius Valla uiri
 ætatis nostræ doctissimi, paucos Aesopi Apologos è Græ-
 co in Latinum uertere, sibi laudi, cæteris uero uolupta-
 ti et utilitati fore nõ dubitarunt. Et iure quidem, Legun-
 tur enim, et in doctissimorum uirorum manibus quotidie
 uersantur. Non uideo igitur cur has componendo Fabu-
 las laude fraudari debeam, quam cæteri Latini ex trans-
 latione consecuti sunt, nisi adeo inuidi sumus, ut Latinis
 licere nõ putemus, quod Græcis est cum summa omnium
 laude concessum.

☞ DE Mure in Cista Nato.
FABVLA PRIMA.



VS IN CISTA NATVS
omnem ferè ibi duxerat etatem,
nucibus pastus, quæ in ea seruari
solebant. Dum autem circa oras
cistæ ludens decidisset, quæreret
q̄; ascensum, reperit epulas lautis
sime paratas, quas cum gustare
cœpisset, quàm stultus, inquit, hæcenus fui, qui in toto
terrarum orbe nihil melius Cistula mea esse credebam.
Ecce quam suauioribus hic uescor cibus.

☞ Hæc Fabula indicat, non ita patriam diligendam,
si ignobilis sit, ut alia non adeamus loca, cum
alibi beatiores esse possimus.

☞ DE Rustico imperante ut Triticum absq;
aristis nasceretur. II.


I Mperauerat à Cerere Rusticus quidam, ut Triti-
cum absq; aristis nasceretur, ne metentium tritu-
rantiumq; manus lederet. Quod ubi inaruit, à mi-
nutis aibus depastum est. Tum Rusticus, quàm digna,
inquit, patior, qui paruæ commoditatis causa, emolu-
menta quam maxima perdidit.

☞ FABVLA indicat parua incommo-
da maiori utilitate pensanda.

☞ DE Accipitre Columbam insequente. III.


Cum Acci-

Cum Accipiter Columbam præcipiti insequeretur uolatu, Villam quandam ingressus, à Rustico captus est. Quem blande, ut se dimitteret, obsecrabat, Non enim te læsi dicens. Cui Rusticus, nec hæc, respondit, te læserat.

 Fabula indicat merito puniri, qui innocentes lædere conantur.

¶ DE ARANEA ET Hirundine. IIII.

Aranæ in Hirundinem excaudescens, quæ Muscas qui suus est cibus, capiebat, retia in foribus, per quas uolitare solebat, ut eam caperet, suspenderat. Hirundo uero aduolans, retia cum Texitrice per aëra portabat. Tunc Aranea in aëre pendens, & se iamiam perituram intelligens, Quam iuste hæc patior dicebat, quæ minima uolatilia magno labore uix capiens, credidi me tam magnas aues posse comprehendere.

 Hac admonemur Fabula, ne uiribus maiora aggrediamur.

¶ DE Rustico amnem transituro.

Rusticus torrentem transiturus, qui forte imbribus excreuerat, quærebat uadum. Et cū primum eam fluminis partem tentasset, quæ quietior, placidiorq; uidebatur, reperit eam altiorem, quàm animo erat opinatus. Rursus ibi breuiorem, tutioremq; aduenit, ubi maiori aquarum strepitu fluuius decurrebat. Tunc secum, Quam tutius, inquit, clamosis aquis, quàm
quies

quietis, & silentibus uitam nostram credere possumus.

☞ Hæc admonemur Fabula, ut minus uerbosos
& minaces, quam quietos extimescamus.

¶ DE Columba ET Pica. VI.

Columba interrogata à Pica, quid eam inducere-
ret, ut in eodem semper loco nidificaret, cum ei-
us pulli inde sibi semper surriperentur, simplici-
tas, respondit.

☞ Hæc indicat Fabula, facile
esse uiros probos sepe decipi.

DE Cuculo ET Accipitre. VII.

Irrisus ab Accipitre Cuculus, quod cum sibi & cor-
pore par, & colore non absimilis esset, præ angu-
stia animi potius uermibus terrenis, quam suauibus
aliarum auium carnibus uesceretur, uidit paucis post die-
bus Accipitrem, à Rustico, cuius Columbas insectaba-
tur, captum, ad metum caterorum ex alta Turre pende-
re. Cui Cuculus, Quàm melius tibi, inquit, amice fuisset,
uermes uenari, quam alienas aues impetere.

☞ Hæc Fabula indicat eorum uitam tutiorem esse, &
magis probandam, qui suis rebus sine periculo
contenti sunt, quam illorum, qui aliena ap-
petentes, adeunt magna uitæ discrimina.

¶ DE Asino ET Vitulo. VIII.

Asinus et Vitulus in eodem pascentes prato, soni-
tu campanæ hostilem exercitum aduentare præ-
senferat. Tùm Vitulus, fugiamus hinc ô sodalis,
inquit,

inquit, ne hostes uos captiuos abducant. Cui Asinus, fuge tu, inquit, quem hostes occidere & esse consueuerunt, Asini nihil interest, cui ubiq; eadem ferendi oneris est proposita conditio. ¶ Hæc Fabula seruos admonet, ne dominos magnopere mutare formident, modo prioribus deteriores, futuri non sint.

¶ De Vulpe & Mulieribus Gallinam edentibus. IX.

Vulpes iuxta Villam quandam transiens, conspexit cateruam mulierum plurimas gallinas oppare assatas, alto silentio comedentes, ad quas conuersa, Qui clamores, inquit, & Canum latratus contra me essent, si ego facerem, quod uos facitis? Cui respondens quædam anus, pessima animalium, inquit, Nos que nostra sunt, comedimus, tu uero aliena, furaris.

¶ Hæc Fabula nos admonet, ne putemus nobis in aliena licere, quod proprijs dominis licet.

DE Caponibus pinguibus & macro. X.

Vir quidam cõplures Capones in eodem Ornithobosco inclusos, largo nutricauerat cibo, qui pingues effecti sunt omnes præter unum, quem ut macilentum irridebant fratres. Dominus nobiles hospites lauto & sumptuoso accepturus conuiuio, imperat coquo, ut ex his interimat, coquatq; quos pinguiore inuenit. Hoc audientes corpulenti, se se afflictabant, dicentes, quanto præstitisset nos macilentos esse.

Hæc Fabula in pauperum solamen conficta est, quo-

H RUNE

rum uita tutior est, quàm diuitum.

DE Trabe ET Bobus eam
trahentibus. XI.

TRabs ulmea de Bobus conquerebatur dicens, In-
grati, ego multo tempore meis uos frondibus
alui, uos uero me nutricem uestram per saxa et
luta trahitis. Cui Boues, gemitus suspiriaq; nostra, et
stimulus, quo pungimur, te docere possunt, quod te tra-
hamus inuiti. Ignouit Trabs.

Hæc nos docet Fabula, ne in eos excandescamus, qui non sua sponte nos ledunt.

DE Arboribus pulchris et
deformi. XII.

ARbores complures in eodem creuerant loco,
proceræ, rectæ, enodesq;, præter unam humili-
lem, paruam, nodosamq;, quam ut deformem,
pusillamq; ceteræ ludibrio habere solitæ erant. Aedifi-
caturus domum loci dominus, iubet omnes excidi, præ-
ter eam, quæ breuitate et deformitate sua ædificium
indecorum redditura uidebatur. Ceteris excisis, de-
formis hæc secum dicebat. De te non amplius quæ-
rar natura, quod me turpem genueris, cum formosis
tam magna uideam imminere discrimina.

Hæc Fabula nos admonet, ne doleamus
nos natos esse deformes, cum multis
formositas sæpe nocuerit.

DE Cygno in Morte canente repre=
henso à CICONIA. XIII.

CYgnus moriens interrogabatur à Ciconia, cur in morte, quàm cætera animalia adeò exhorrent, multo suauiores quàm in omni uita emitteret sonos, cum potius mœstus esse deberet. Cui Cygnus, quia inquit, neq; cibi querendi cura amplius cruciabor, neq; Aucupum laqueos extimescam.

Hec Fabula nos admonet, ne mortem formidemus, qua omnes uitæ præsentis miseriæ præciduntur.

DE Muliere Virum morientem flente, & Patre eam consolante. XIIIII.

MVlierem adhuc iuuenem, cuius Vir animã agebat. pater consolabatur dicens, Ne te afflictes tantopere filia, Alium enim Virum tibi inueni, isto longe formosiores, qui prioris desiderium facile mitigabit. At Mulier doloris impatiens, ut quæ maritum ardenti amore prosequeretur non modo uerba parentis nõ admittebat, sed intempestiuam alterius mariti mentionem accusabat. At ubi maritum defunctũ uidet, inter lacrymas & luctus parentem interrogat, an adsit ibi iuuenis ille, quem sibi in Virum dare uelle se dixerat.

Fabula indicat, quàm cito defunctorum maritorum amor ex uxoribus animo excidere soleat.

DE Muliere Amatoris discessum flente. XV.

MVlier impudica amatorem suum abeuntem, quem omnibus ferè rebus spoliauerat, multis lachrymis prosequabatur. Interrogante autem eam uicina, cur ita inconsolabiter fletet. Non discessum eius inquit, sed pallium, quod ei reliqui, flet.

Fabula indicat, non amatores, sed eorum bona à Meretricibus amari.

¶ DE Musca, quæ quadrigis insidens, puluerem se excitasse dicebat. XVI.

Quadrige in stadio currebant, quibus Musca insidebat. Maximo autem puluere tum Equorum pedum pulsu, tum rotarum uolutatione exorta, dicebat Musca, quam magnam uim pulueris excitauit?

¶ Hec Fabula ad eos spectat, qui cum ignaui sint, alienam tamen gloriam suis magnificis uerbis in se transferre conantur.

¶ DE Anguilla conquerente, quod magis quam Serpens infestaretur. XVII.

Anguilla interrogabat Serpentem, quare cum similes essent atq; cognati, homines tamen se potius, quam illum insequerentur. Cui Serpens quia rarus inquit, me ledit impune. ¶ Fabula indicat minus ledi solere, qui sese ulciscuntur.

¶ DE Asino, Simia, & Talpa. XVIII.

Conquerenti Asino, qd' cornibus careret, Simia uero quòd cauda deesset, tacete, inquit Talpa, cū me

me oculis captam esse uideatis.

☞ Hec Fabula ad eos pertinet, qui non sunt sua sorte contenti, qui si aliorum infortunia considerarent, equiori animo tolerarent sua.

¶ DE Nautis sanctorum auxilium implorantibus. XIX.

Nauta quidam in Mari subita et atra tempestate deprehensus, cæteris eius socijs diuersorum auxilium implorantibus, nescitis, inquit, quid petatis, Ante enim quam sancti isti ad Deum pro nostra liberatione se conferant, hac imminente procella obruemur. Ad Deum igitur confugiendum censeo, qui absq; aliterius adminiculo, à tantis malis nos poterit liberare. Inuocato igitur Dei omnipotentis auxilio, illico procella cessauit.

☞ Fabula indicat, ubi potentioris auxilium haberi potest, ad imbecilliores non confugiendum.

¶ DE Piscibus è sartagine in prunas defiliantibus. XX.

Pisces adhuc uiui in Sartagine feruenti oleo coquebantur, quorum unus, fugiamus hinc fratres, inquit, ne pereamus. Tunc omnes pariter è Sartagine exilientes, in ardentibus prunas deciderunt. Maiore igitur dolore affecti, damnabant consilium, qd' cœperant, dicentes, Quanto atrociori nunc morte perimus. ☞

☞ Hec nos admonet Fabula, ut ita presentia uitemus pericula, ne incidamus in grauiora.

H 3 DE

¶ DE Quadrupedibus societatem
aduersus Aues cum Piscibus in-
cuntibus. XXI.

Quadrupedes cum bellum sibi ab auibus esset
indictum, cum Piscibus foedus inierunt, ut
eorum auxilio se ab auium furore tuerentur.
Cum autem optata expectarent auxilia, Pisces negant
per terram ad eos accedere posse.

☞ Hæc nos admonet Fabula, ne eos nobis socios fa-
ciamus, qui cum opus sit, nobis adesse non possint.


¶ DE Legato auaro Tubicines decipiente. XXII.

Quidam auarus pro Patria Legatus, in aliam
urbem profectus erat. Cui Tubicines præsto
affuerunt, ut illius aures turbarum clangore,
loculos autem suos pecunia implerent. Quibus ille re-
nunciari iubet, non esse nunc locum cantibus, se in sum-
mo luctu et mœrore constitutū, matrem enim suam obijss-
se. Tubicines autem spe frustrati, & mœsti abeunt. A-
micus quidam Legati audiens luctum, ad eum uisendum,
consolandumq; accedit, interrogatq; quam diu Mater
eius obijisset. Quadraginta iam anni sunt, inquit. Tunc
amicus intellecta Legati strophæ, in risum effusus est.

☞ Hæc Fabula ad auaros facit, qui omni arte
student conseruare pecuniam.


¶ DE Viro qui ad Cardinalem nuper creatum
gratulandi gratia accessit.

Vir quidam facetus admodum & urbanus, audiens amicum suum ad Cardinalatus dignitatem assumptum, ad eum gratulandi gratia accessit.

Qui honore tumidus, amicum ueterem agnoscere dissimulans, quisnam esset interrogabat. Cui ille, ut erat ad iocos promptus. Miseresco, inquit, tibi, ceterisque; qui ad huiusmodi honores perueniunt. Quam primum enim dignitates eiusmodi estis affecti, Visum, Auditumq; & ceteros sensus ita amittitis, ut pristinos amicos amplius non dignoscatis.  Hæc Fabula eos notat, qui in altum sublatis, ueteres despiciunt amicitias.


¶ De iuvene Senis curuitatem irridente. XXIII.

Iuuenis quidam conspicatus Senem in arcus tensi similitudinem Curruum, interrogauit an sibi arcum uellet uendere? Cui ille, Ecquid, inquit, est tibi opus pecuniam amittere? Si enim ad meam perueneris ætatem, absq; pecunia arcum tibi natura concedet.

 Hæc Fabula indicat minime irridenda uitia Senilis ætatis, quam nemo uiuendo effugere potest.

¶ DE SENE Puellam in uxorem accipiente. XXV.

Vir quidam imprudens exacto septuagesimo uitæ anno, Puellam duxerat in uxorem, qui ad id tempus in cœlibatu permansisset. Cui cū debitum soluere nō posset, dicere solebat, Quam male uitam meam disposui iuueni. n. mihi uxor deerat, nunc autem senex desum uxori.

 Hæc Fabula innuit, omnia suo tempore peragenda.

¶ DE AQUILA ET PICA.

P Ica Aquilam rogabat, ut se inter suos familiares & domesticos acciperet, quando id mereretur cum corporis pulchritudine, tum ad mandata per agenda lingue uolubilitate. Cui Aquila, hoc facerem, respondit, ni uererer, ne quæ intra tegulam fiunt, tua loquacitate cuncta efferres. ¶ Hæc Fabula monet linguaces & garrulos domi non habendos.

¶ DE TURDO AMICITIAM CUM HIRUDINE INEUNTE. XXVII.

G Loriabatur Turdus se amicitiam contraxisse cum Hirudine. Cui mater, stultus es fili, iquit, si credis cum ea te posse conuiuere, cum uterq; uestrum diuersa soleat appetere loca. Tu enim frigidis, illa tepidis delectatur locis. ¶ Hæc monemur Fabula, ne eos nobis faciamus amicos, quorum uita à nostra dissentit.

¶ DE RUSTICO ET MURE.

Rusticus quidam erat admodum pauper, sed adeo facetus, ut ne calamitatis quidem tempore natiui Leporis obliuisceretur. Is cum uillam suam casu, igne iniecto, ita ardentem uideret ut aliquo modo ignem extinguere posse diffideret, inæstus spectabat incendium. Interim cernit Murem quendam, qui Villa egressus, periculum quam ocysime fugiebat. Oblitus damnorum Rusticus cucurrit, & Murem corripiens, illum in medium iecit incendium dicens, Ingratum animal,
tempore

tempore foelicitatis mecum habitasti, nunc quia fortuna
na mutata est, Villam meam deseruisti.

☞ Fabula indicat eos non esse ueros amicos, qui ar-
ridente fortuna, à latere tuo non discedunt, tur-
bata autem præcipiti abeunt cursu.

¶ DE Heremita uirgine egrotante. XXIX.

Insitum est à natura omni animantium generi, ut rei
ueneræ libidine incitentur, à qua si qui homines, qui
Coruo albo rariores sunt, se abstinere uolunt, sæpe
in graues morbos incidere solent. Quidã igitur Heremi-
ta ab ipsa adolescen:ia ita titillationes carnis euicerat, ut
usq; ad quintum & uigesimum ætatis annum uirgo per-
maneret. Cum autem in eam ætatem grauisimæ egro-
tare cœpisset, Medici nullũ aliud salutis eius remedium
se inuenire dicebãt, nisi ut cũ aliqua muliere coiret. Diu
Heremita recusauit, mori se potius uelle dicens, quàm uir-
ginitatem, rem tam præclaram, et Deo maxime gratiam
amittere. Assueti enim uirtutibus, egre illas à se discede-
re patiuntur. Victus tandem precibus & cupiditate ui-
tæ, qua nihil homini sane mentis dulcius est, adducta sibi
Mulieris infusus gremio, placidum petiuit per membra
soporem. Experrectus aut uehementer angebatur, et tan-
tam uim lachrymarũ effundebat, ut omnes qui aderant,
illius misererentur. Quisq; igitur cũ consolari, & ut bo-
no animo esset, hortari, quoniã Deus clementissimus pa-
ter ei ignosceret, quia non uoluptatis, sed recuperan-

de sanitatis causa opus tale patrasset. At ego, inquit, istud non fleo, sed quod tantam dulcedinem citius expertus non sum.

☞ Hæc indicat Fabula, humanam naturam adeò peccatorum illecebris delectari, ut uitiorum uoluptatem facile uirtutum amaritudini anteponat.

¶ DE DIVITE QVODAM ET SERVO. XXX.

Vir erat diues, seruum habens tardi igenij, quem regem stultorum solebat nuncupare. Ille his uerbis sepius irritatus, statuit hero par referre. Semel enim in herum cõuersus, utinam, inquit, rex stultorum essem, in toto enim terrarum orbe, nullum meo leuius esset imperium, & tu quoq; meo subesses imperio.

☞ Fabula indicat omnia plena esse stultorum.

¶ DE Vidua Virum petente. XXXI.

Vidua quædã diues à uicina petebat, ut maritum sibi repeteret, quem non coitus gratia, qui ïgratus admodum sibi erat, sed ne bona sua dilapidarentur, exoptare se dicebat, Mulier sagax, et uiduæ uersutias intelligens, se inquisituram pollicetur. Paucis post diebus uiduam conueniens, reperi inquit tibi uirum ex animi tui sententia. Est enim uir prudens et ad res gerendas natus et genitalibus caret, quæ tibi cordi nõ sint. Cui uidua, abi hinc, inquit, in malam rem, cum isto marito tuo tam illepedo, & si enim coitus appetens non sunt, uolo tamen habeat, quod nos reconciliet, si quando coeperimus

perimus esse discordes.

Hec Fabula indicat, nullum matrimonium foelix, si clauus defuerit, qui Virum & Mulierem arctissime constringit.

¶ DE Canibus urbanis Villaticum insequentibus. XXXII.

CANES complures Urbani quendam Villaticum præcipiti insequerantur cursu, quamdiu ille fugit, nec repugnare ausus est. At ubi ad insequentem conuersus substituit, & dentes ipse quoque ostendere cœpit, omnes pariter substituerunt, nec aliquis urbanorum illi propinquare audebat. Tunc Imperator exercitus, qui forte ibi aderat, ad suos conuersus Milites. Conmilitones, inquit, hoc spectaculum nos admonet, ne fugiamus, cum præsentiora fugientibus, quam repugnantibus uideamus imminere pericula.

DE Anu Dæmonem accusante. XXXIII.

Volunt homines ut plurimum, quando sua culpa aliquid sibi acciderit aduersi, in fortunam uel in Dæmonem culpam conferre, ut se crimine exuant, adeo omnes sibi indulgent. Hoc Dæmō ægre ferens, cum uideret Anum quandam arborem ascendentem, ex qua illā ruituram, et in se culpam collaturā præuiderat, accitis testibus dixit, Videte anum illā absque meo consilio arborem ascendentem, unde eam casuram esse prospicio. Estote mihi testes, me ei non suasisse, ut soleata illuc ascendere

ascenderet. Mox anus cecidit, & cum interrogaretur, cur soleata arborem ascendisset, Dæmon, inquit, me impulit. Tunc Dæmon adductis testibus, probauit id ab anu absq; suo factum esse consilio.

Fabula indicat, homines minime uenia dignos, qui cum libere peccent, fortunam uel Dæmonem accusant.


¶ DE Testudine & Ranis. XXXIII.

TEstudo conspicata Ranas, quæ in eodem stagno pascebantur, ad eò leues agilesq; ut facile quolibet prosilirent, & longissime saltarent, naturam accusabat, quod se tardum animal, & maximo impedimentum onere procreasset, ut neq; facile se mouere posset, & magna assiduo mole premeretur. At ubi uidit Ranas Anguillarum escam fieri, & cuiuscumq; uel leuissimo ictui obnoxias, aliquantulum recreata dicebat. Quanto melius est onus, quo ad omnes ictus munita sum, ferre, quam tot mortis subire discrimina.

☞ Hæc Fabula indicat, ne ægre feramus dona nature, quæ maiori nobis commodo sepe sunt, quam nos intelligere ualeamus.


¶ DE Gliribus quercum eruere uolentibus. XXXV.

GLires Quercum arborem glandiferam dentibus eruere destinauerant, quo paratiorem haberent cibum, ne uictus gratia toties ascendere & descendere cogerentur. Sed quidam ex eis, qui etate, & usu

usu rerum ac prudentia ceteros longe anteibat, eos absterruit dicens. Si nutricem nostram nunc interficiemus, quis futuris annis nobis ac posteris nostris alimenta præbebit?  FABVLA hæc monet, Virum prudentem debere non modo præsentia intueri, uerum etiam futura longe prospicere.

¶ DE CANE ET HERO. XXXVI.

Canem quidam habens, quo magis ab illo diligere tur, semper cum suis pascebat manibus, ligatumque soluebat. Ligari autem et uerberari iubebat à seruo, ut beneficia à se, maleficia autem à seruo in illum uiderentur esse collata. Aegre autem ferens Canis se assidue ligari uerberarique, aufugit, et cum increparetur à domino ut ingratus, et tantorum beneficiorum immemor, qui se fugisset, à quo semper dilectus pastusque fuisset, ligatus autem uerberatusque, nunquam, respondit, Quod seruus tuo iussu facit, à te factum puto.

 Hæc Fabula indicat, eos malefactores habendos, qui maleficiorum causa fuere.

¶ DE AVIBVS SCARABEOS timentibus. XXXVII.

Magnus timor Aues incesserat, ne Scarabei arcu pilari eas occiderent, à quibus magnam pilarem uim in sterquilinio summo labore fabricant audierunt. Tunc Passer, nolite, inquit, expauescere, Quo modo enim Pilas in nos per aëra uolantes iacere poterunt

vunt, cum eas per terram magno molimine uix trahant.
 Hæc Fabula nos admonet, ne hostium opes extimescamus, quibus deesse uidemus ingenium.

DE VRSO ET APIBUS. XXXVIII.


Vrsus ictus ab Ape, tanta ira percitus est. ut auicularia, in quibus Apes mellificauerant, tota unguibus discerperet. Tunc apes uniuersæ, cum domos suas dirui, cibaria auferri, filios necari uiderent, facto impetu aculeis Vrsum inuadentes, penè necauere. Qui ex earum manibus uix elapsus secum dicebat, quanto melius erat Apis unius aculeum tolerare, quàm tot in me hostes mea iracundia concitare.

Hæc Fabula innuit longe melius interdum esse iniuriam unius sustinere, quàm dum unum punire uolumus multo nobis inimicos comparare.

DE AUCUPE ET FRINGILLA. XXXIX.

Auceps tetenderat uolucris retia, largãq; illis in area effuderat escam, pascentes tñ aues non capiebat, quia sibi uidebantur pauca, quibus pastis ac auolantibus, aliæ pastum adueniunt. Quas quoq; ppter paucitatem capere neglexit. Hoc per totum diem ordine seruato, ac alijs aduenientibus, alijs abeuntibus, illo semper maiorem prædam expectante, tandem aduersperascere cœperat. Tunc auceps amissa spe multas capiendi, cum iam tempus esset quiescendi, attrahens retia, unam tantum Fringillam, quæ infœlix in area remanserat

rat

rat, cœpit.  Hæc Fabula indicat, qui omnia contem-
prehendere nolunt, sepe pauca uix capere posse.


¶ DE MILITE ET EQVO. XL.

Miles Equum habens optimum, emit alium ne-
quaquam illi bonitate parem, quem multo di-
ligentius, quam priorem nutricabat, tunc pri-
ori sic ait. Cur me dominus quam te impensius curat?
Cum tibi neque pulchritudine, neque robore, neque uelocita-
te comparandus sim. Cui ille, Est hæc, inquit, hominum
natura, ut semper in nouos hospites benigniores sint.

Hæc Fabula indicat hominum ameniam, qui noua,
etiam si deteriora sint, solent ueteribus antepone.

¶ DE SVE ET CANE.


Sus irridebat Canem odorisequum, qui domino
murmure et cauda adularetur, a quo ad artem
aucupatoriam multis uerberibus, auriumque uelli-
cationibus fuerat instructus. Cui Canis, Nescis, inquit, in-
sane, nescis, quæ ex uerberibus illis sim consecutus? Per
ea enim suauissimis Perdicum, Coturnicumque carnibus
uescor.

 Hæc Fabula nos admonet, ne iniquo
feramus animo Præceptorum uerbera, quæ mul-
torum bonorum causa esse consueuerunt.


¶ De Trabe Bouum pigritiam in-
crepante. XLII.


TRabs quæ Curru uehebatur, Boues ut lentulos
inreprobabat, dicens, Currite pigri, onus enim leue
porta

portatis. Cui Boues, Irrides nos responderunt, igna-
ra que te poena maneat. Onus hoc nos cito depone-
mus, tuum autem tu quod rumparis, sustinere cogeris,
indoluit trabs, nec amplius Boues conuitijs laceffere au-
sa est.


 Hæc Fabula quemlibet monet, ne alium insultet ca-
lamitatibus, cum ipse possit maioribus subiacere.

¶ DE Carduele & Puerō. XLIII.

 **C** Arduelis auis interrogata à Puerō, quo in deli-
tjjs habita, & suauibus & largis cibis nutrita
fuerat, cur cauea egressa, regredi nollet, ut meo,
inquit, me arbitrato, non tuo pascere possim.

 Hæc FABVLA indicat, uitæ libertatem
cunctis delitjjs anteponendam.

¶ DE Scurra ET Episcopo. XLIIII.

 **S** Curra quidam Calendis Ianuarijs ad Episcopum
quendam diuitem quidem, sed auarum accedens,
Numisma aureum strenæ nomine petijt. Antistes
insanire hominem dixit, qui crederet tantam pecuniam
sibi in strenam dari. Tunc Scurra nummum argenteum
efflagitare coepit. Sed cū ille hoc quoq; nimium sibi ui-
deri diceret, æreum quadrantem, ut saltem sibi traderet,
orabat. Sed cum ne hunc quoq; posset ab Episcopo
extorquere, Reuerende, inquit, Pater, saltem benedi-
ctione tua me pro strenna imperti. Tunc Episcopus, fle-
te, inquit, genua fili, ut te benedicam. At ego inquit

Scurra

*scurra, benedictionem istam tuam tam uilem nolo.
Si enim nummum aureum ualeret eam mihi nunquam pro
fecto concederes.*

¶ *Hæc Fabula contra eos Episcopos & Sacerdotes
conficta est, qui diuitias & opes pluris faciunt,
quàm cuncta Ecclesiæ sacra atq; mysteria.*

¶ *De Vpupa indigne honorata. XLV.*

I*nuitatæ ferè oēs aues ad Aquilæ nuptiis, indigne
ferebant Vpupam cæteris præferri, quia corona in
signis esset & uersicoloribus pennis ornata, cum
semper inter stercora & sordes solita esset uolutari.*

*Hæc Fabula stultitiam eorum arguit, qui in homini-
bus honorandis, potius uestitum, nitorem, præstantiamq;
formæ, quàm uirtutes moresq; soleant attendere.*


¶ *De Sacerdote & Pyris. XLVI.*

S*acerdos quidã gulosus extra patriam ad nuptias
proficiscens, ad quas fuerat inuitatus, reperit in
itinere pyrorum aceruum, quorũ ne unum quidem
attigit, quamuis magna affectus fame, Quin potius ea lu-
dibrio habens, lotio conspersit, indignabatur enim huius-
modi cibos sibi in itinere offerri, qui ad lautas accede-
bat epulas. Sed cū in itinere torrentem quẽdam ita im-
bribus auctũ offendisset, ut sine uitæ periculo, eũ transi-
re non posset, domum redire constituit. Reuertens autem
iciunus, tanta est oppressus fame, ut nisi Pyra illa, quæ
urina consperserat, comesset, cum aliud non inueni-*

ret, extingueretur. Hæc FABVLA monet, nihil esse contemnendum, cum nihil sit tam uile & abiectum, quod aliquando usui esse non possit.

DE MVLO ET EQVO. XLVII.

Mvlus conspiciens Equum aureo freno ephippioq; insignem, & purpureis opertum phalaris, rumpebatur inuidia, illum beatum reputans, qui continue optimis uesceretur cibus, & decore amiciretur ornatu, se autem præ illo infœlicem, qui Clientellis male dolatis oppressus, quotidie maxima onera ferre cogeretur. At ubi uidit Equum pugna redeuntem, multis affectum uulneribus, præ illius calamitate se fœlicem appellabat, longe melius esse dicens, quotidiano labore durum uictum queritare, & turpiter uestiri, quam post optimos & delictos cibos, & tantos ornatus, mortis adire discrimina.

 Hæc Fabula monet, Regibus & Principibus minime inuidendum, quia diuitijs & opibus abundant, ut cum uitam eorum longe pluribus periculis, quam pauperum uideamus esse subiectam.

DE Porco & Equo. XLVIII.

Porcus conspiciens Equum bellatorẽ, qui cataphractus ad pugnam prodibat. Stulte, inquit, quo prope-ras? In pugna n. fortasse morieris: Cui equus, At tibi inter lutum, sordesq; impugnato, quamuis nihil dignum laude gesseris, cultellus adimet uitam, mortem ue-

ro meam

ro meam comitabitur gloria. ¶ Hæc Fabula innuit,
honestius esse rebus præclare gestis occumbere,
quàm uitam turpiter actam protrahere.

DE Coriario emente pellem Vrsi à Venatore
re nondum capti. XLIX.

Coriarius ad Venatorem accedens, emit ab eo pel-
lem Vrsi, pecuniamq; pro ea protulit. Ille sibi in
præsentia pellem Vrsi non esse, cæterum postri-
dic uenatum profuturum, Vrsoque interfecto, pellem il-
lius ei se daturum pollicetur. Coriarius animi gratia cū
Venatore in syluam profectus, altissimam arborem a-
scendit, ut inde Vrsi, Venatorisq; certamen prospiceret.
Venator intrepidus ad antrum ubi Vrsus latebat, profe-
ctus, immisis Canibus, illum exire compulit, qui euitato
Venatoris ictu, eum prostravit humi. Tunc Venator
sciens hanc feram in cadauera non scire, anhelitu re-
tento, se mortuum simulabat. Vrsa naribus admotis ol-
faciens, cum illum nec Naso, nec corde spirantem depre-
henderet, abscescit. Coriarius cum feram abesse prospi-
ceret, ac nihil amplius adesse periculi, ex arbore se de-
ducens, & ad Venatorem, qui nondum surgere audebat,
accedens, illum ut surgeret monebat, interrogauit de-
inde, quid ad aurem ei Vrsus locutus esset. Cui Venator,
monuit me, inquit, ne deinceps Vrsi pellem uendere ue-
lim, nisi eum prius ceperim.

Hæc Fabula indicat, incerta pro certis non habenda.

¶ De Heremita & Milite. L.

Heremita quidam uir sanctissime uitæ, Militens hortabatur, ut relicta seculi militia, quàm absq; Dei offensa, et animæ discrimine pauci exercent, tandem se corporis traderet quieti, et animæ consulcret salut. Cui Miles, faciam, inquit, quod mones pater. Verum enim est, quod hoc tempore Milites, neq; stipendia exigere ualeant, licet exigua sint, neq; prædari possunt.

☞ Fabula significat multos uitijs renunciare, quia illæ amplius exercere non possunt.


¶ DE Viro & uxore bigamis. LI.

Vir quidam defuncta uxore, quam ualde dilexerat, duxit alteram, & ipsam Viduam, quæ assidue ei prioris mariti uirtutes, fortiaq; facinorosa obijcebat. Cui, ut par referret, ipse quoq; defunctæ uxoris mores probatissimos, pudicitiamq; insignem referbat. Quadam autem die uiro irata, pauperi eleemosinam petenti, partem Caponis, quem in cœnam utrisq; coxerat, dedit, dicens, Do tibi hoc pro anima prioris uiri. Quod audiens Maritus, accersito paupere, reliquum Caponis dedit dicens, & ego quoq; do tibi hoc pro anima uxoris meæ defunctæ. Sic illi, dum alter alteri nocere cupiunt, quid cœnarent tandem non habuerunt.


☞ Hæc Fabula monet, non esse contra eos puniendum, qui se possunt optime uindicare

¶ DE LEONE ET MVRE.

Leo laqueo captus in sylua, cum se ita irretitum uideret, ut nullis uiribus se inde posse explicare consideret, Murem rogauit, ut abroso laqueo eum liberaret, promittens tanti beneficij se non immemorem futurum. Quod cum Mus prompte fecisset, Leonem rogauit, ut filiam eius sibi traderet in uxorem. Nec abnuuit Leo, ut benefactori suo rem gratam faceret. No ua autem nupta ad uirum ueniens, cum eum non uideret casu illum pede prescit, atq; contriuit.

 Hæc indicat Fabula, matrimonia & cætera consortia improbanda, quæ ab imparibus contrahuntur.

¶ DE VLMO ET SILERE. LIII.

Vlmus in Ripa fluminis nata, siler sibi proximum irridebat, ut debile & inualidum, quod ad omnem uel leuissimum undarum impetum flecteretur, suam autem firmitatem & robur, magnificis extollebat uerbis, quod multos annos assiduos annis impetus inconcussa pertulerat. Semel autem maxima undarum uiolentia, Vlmus perfracta trahabatur ab Equis. Cui Siler ridens, inquit, Cur me deseris uicina, ubi nunc est fortitudo tua?  Fabula significat sapientiores esse qui potentioribus secedunt, quam qui resistere uolentes turpiter superantur.

¶ De Cera duritiem appetente. LIIII.

Cera ingemiscebat se mollem et cuiuscumque leuissimo ictu penetrabilem procreatam. Videns autem

lateres ex luto multo molliori factos, in tantam duritiem ignis calore peruenisse, ut multa perdurarent secula, se iecit in ignem, ut eandem duritiem consequeretur. Sed statim igne liquefacta, consumpta est.

¶ Hac admonemur Fabula, ne appetamus quod est nobis natura denegatum.

¶ DE Agricola Militiam & Mercaturam affectante. LV.

Agricola quidam ægre ferebat se assidue terram uolere, nec perpetuis laboribus ad magnas diuitias peruenire, cum nonnullos uideret Milites, qui actis prælijs, ita rem auxerant, ut bene induti incederent, & lautis epulis nutriti, beatam agerent uitam. Venditis igitur ouibus, Capris, ac Bobus, Equos emit & arma & in Militiam profectus est, ubi cum ab imperatore suo male pugnatum esset, non solum quæ habebat, perdidit, sed etiã pluribus uulneribus affectus est. Quare damnata Militia, mercaturam exercere statuit, ut ubi maius lucrum, & minorem laborem existimabat. Prædijs igitur uenditis, cum nauem mercibus impleuisset, nauigare cœperat, sed cum in alto esset, tempestate subito coorta, Nauis submersa est, & ipse cum cæteris, qui in ea erant, ad unum omnes periere.

¶ Hæc Fabula monet, quemlibet debere sua arte esse contentum, cum ubiq; sit parata miseria.

¶ DE ASINO ET SCYRRA. LVI.

Asinus

A Sinus indigne ferens, Scurram quendam hono-
rari, & pulchris uestibus amirari, quia magnos
uentris ecebat sonos, ad Magistratus accessit,
petens ne se minus quam Scurram honorare uellent, &
cum Magistratus admirantes eum interrogarent, cur se
ita honore dignum duceret, inquit, quia maiores quam
Scurra crepitus uentris emitto, eosq; absq; foetore.

¶ Hæc Fabula eos arguit, qui in rebus leuis-
simis, suas pecunias profundunt.


De Anne suum fontem conuitijs laceffente. LVII.

A Mnis quidam suum conuitijs fontem laceffebat,
ut inertem quod immobilis staret, nec ullos ha-
beret pisces, se autem plurimum commedabat,
quod optimos crearet pisces, & per ualles blando mur-
mure serperet. Indignatus fons in amnem uelut ingra-
tum, undas represit. Tunc Annis & piscibus & dulci
sono priuatus, euanuit.


¶ Hæc Fabula eos notat, qui
bona que agunt, sibi arrogant, non Deo attribu-
unt, à quo largo fonte nostra bona procedunt.

¶ DE Viro maligno & Dæmone. LVIII.

V Ir malignus, cū plurima perpetrasset scelera, &
sepius captus, & carcere conclusus, arctissima
et peruigili custodia teneretur, Dæmonis auxi-
lium implorabat, qui sepenumero illi affuit, & è mul-
tis eum periculis liberauit. Tandem iterum deprehenso
& solitum auxilium imploranti, dæmon magnum calce-

orum pertusorum fascem super humeros habentes, ap-
paruit dicens, Amice, amplius tibi auxilio esse non pos-
sum tot enim loca pro te liberando haecenus peragraui,
ut hos omnes calceos conriuerim. Nulla mihi superest
pecunia, qua alios ualeam comparare. Quare pereun-
dum est tibi.  Hæc admonet Fabula, ne existimemus
nostra semper impunita fore peccata.


¶ De Avibus plures reges eligere uolentibus. LIX.

Aves consultabant de pluribus regibus eligen-
dis; cum Aquila tantos uolucrum greges sola
regere non posset, fecissentq; uoto satis, nisi
Cornicis monitu a tali consilio destitissent, quæ, cum cau-
sam rogaretur, cur non plures reges duceret eligendos,
quia difficilius, inquit, plures, quam unus saccus imple-
tur.  Hæc Fabula docet, longe melius ab uno,
quam à multis principibus gubernari.

¶ De Muliere, quæ pro uiro se mori
uelle dicebat. LX.


Matrona quædã admodum pudica, et uiri aman-
tissima, egre ferebat maritum aduersa ualetu-
dine detineri. Lamentabatur, ingemiscebat, et
ut suum in uirum amorem testaretur, rogabat mortem,
ut si maritū sibi esset ereptura, se potius q̄ illū uellet oc-
cidere. Inter hæc uerba, mortem cernit horribili aspectu
uenientem, cuius timore perterrita, & iam sui uoti pœ-
nitens. Non sum ego, inquit, quem petis, iacet ibi in lecto
quem

uem occisura uenisti.

 Hæc Fabula indicat,
neminem esse adeo amantem amici, qui non
malit sibi bene esse quàm alteri.

¶ De adolescente in funere matris canente. LXI.

Vir quidam defunctam uxorem, quæ ad sepulchrum efferebatur, lachrymis & fletibus prosequabatur. Filius uero eius canebat, qui cum à patre increparetur ut amens & insanus, qui in matris funere cantaret, cum una secum moestus esse, & flere deberet, inquit, Pater mi, si sacerdotes ut canerent conduxisti, cur mihi irasceris gratis concinenti. Cui pater, Non tuum, inquit, & sacerdotum est idem officium.

 Fabula indicat, non omnia omnibus decora.

¶ De Viro Zelotypo, qui uxorem dederat
custodiendam. LXII.

Vir Zelotypus, uxorem quam parum pudice uiuere cõpererat, cuidam amico, cui plurimum fidebat, dederat custodiendam, ingentem pollicitus pecuniã, si eam ita diligenter obseruaret, ut nullo modo coniugalem uiolaret copulam. At ille ubi aliquot dies expertus custodiam hanc nimis difficilem, & ingenium suum uersutia mulieris uinci cõperisset, ad maritum accedens, dixit se amplius nolle hanc tam duram gerere prouinciã, quandoquidem ne Argus quidem, qui totus oculus fuit, mulierem inuitam posset custodire. Addidit præterea, si necesse sit, malle se anno integro saccum ple-

num pulicibus quotidie in pratam deferre, solutoq; sacco eos inter herbas pascere, uespereq; facto, omnes domum reducere, quā una die impudicam Mulierem seruare.

☞ Hęc Fabula indicat, nullos custodes esse ita diligentes qui impudicas Mulieres ualeant custodire.

DE Viro clysteria recusante. LXIII.

Vir quidam natione Germanus, diues admodum egrotabat, ad quem curandum plures accesserant Medici (ad Mel enim cateruatim conuolant Muscæ) quorum unus inter cetera dicebat, opus esse clysteribus, si uellet conualescere, quod cum Vir, huiusmodi insuetus Medicinæ, audiret, furore percitus, Medicos domo eijci iubet, dicens eos esse insanos, qui cum caput sibi doleret, podici uellent mederi.

☞ Hęc Fabula innuit, omnia etiam salutaria insuetio & inexpertis, aspera & obfutura uideri.

¶ DE Asino egrotante & Lupis uisitantibus. LXIII.

Asinus egrotabat, famaq; exierat eum cito moriturum, ad eum igitur uisendum cum Lupi Canesq; uenissent, peterentq; à filio, quomodo pater eius se haberet? Ille per hostij rimulam respondit, Melius quam uelletis. ☞ Hęc indicat Fabula, quod multi fingunt moleste ferre mortem aliorum, quos tamen cupiunt celcritè interire.

¶ Quod nuci, Asino et Mulieri profunt uerbera. LXV
Mulier

Mulier quædam interrogabat nucem secus uiana
 natam, quæ à prætereunte populo saxi impetebatur,
 quare esset ita amens, ut quo pluribus,
 maioribusq; uerberibus cederetur, eò plures præstantioresq;
 fructus procrearet. Cui Iuglans, es ne, inquit,
 Prouerbij immemor ita dicentis ?

Nux, Asinus, Mulier, simili sunt lege ligati,


Hæc Tria nil recte faciunt, si uerba cessent.


¶ Hæc Fabula innuit, sæpe homines proprijs
 iaculis se solere confodere.

DE Asino laborum finem non inueniente. LXVI.


Asinus hyberno tempore plurimum angebatur,
 quod nimio afficeretur frigore, et durum palearum
 haberet uictum. Quare uernâ temperiens et teneras
 herbas optabat. Sed cum Ver aduenisset, congereturq;
 à domino, qui Figulus erat, argillam in aream et ligna
 ad fornacem, indeq; lateres, Imbrices, Tegulas, ad diuersa
 loca deferre, pertæsus Veris, in quo tot labores tolerabat,
 æstatem oibus uotis expetebat, ut dominus Messe
 impeditus, eum quiescere pateretur. Sed tunc quoq;
 cū Messes in aream, et inde domum Triticū ferre
 compelleretur, nec quieti locus sibi esset, Autumnū saltem
 laborum finem fore sperabat. Sed ubi ne tunc quoq;
 malorum terminum adesse cernebat, cum quotidie Vinum,
 Poma, Ligna portanda essent, rursus Hyemis Nices


ues & glaciem efflagitabat, ut tunc saltem aliqua sibi
requies à tantis laboribus concederetur.

 Hæc Fabula indicat, nulla esse præsentis uitæ tem-
pora, quæ non perpetuis sint subiecta laboribus.

 DE Mure, qui cum Fele amicitiam con-
trahere uolebat. LXVII.

MVres complures in cauo parictis commoran-
tes contemplabantur Felem, quæ in tabulato,
capite demisso, & tristi uultu recumbebat.

Tunc unus ex eis, hoc animal, inquit, benignum admo-
dum, & mite uide. Vultu enim ipso sanctimoniam quan-
dam præfert, uolo ipsum alloqui, & cum eo indissolubi-
lem neçtere amicitiam. Quæ cū dixisset, & propius ac-
cessisset, à Fele captus & dilaceratus est. Tunc cæteri
hoc uidentes, secum dicebant, Non est profecto, non est
uultui temere credendum.  Hæc Fabula innuit, non
ex operibus homines iudicandos, cum sub oui-
li pelle sæpe atroces Lupi delitescant.

 DE Asino, qui Hero ingrato seruiçrat. LXVIII.

ASinus qui Viro cuidã ingrato multos annos in-
offenso pede seruiçrat, semel, ut fit, dum sarci-
na pressus esset graui, & salebrosa incedit uia,
sub onere ceciderat. Tūc dñs implacabilis multis uerbe-
ribus surgere compellebat, pigrum animal & ignauum
nuncupatus. At ille miser inter uerbera hæc secum di-
cebat, Infœlix ego, quàm ingratum sortitus sum herum.

Nam

Nam quamuis ei multo tempore sine offensa seruierim,
tamen non hoc unū delictum, tot meis pristinis bñficijs
compensat. ¶ Hæc Fabula in eos conficta est, qui bñfi-
ciorum sibi collatorū immemores, etiam minimam bñfa-
ctoris sui in se offensam, atroci pœna prosequuntur.

De Lupo suadente histrici ut tela deponeret. LXXIX.

L Vpus esuriens in Histricem intenderat animum,
quem tamen quia sagittis undiq; munitus erat, in-
uadere non audebat. Excogitata autem eum per-
dendi astutia, illi suadere cœpit, ne pauco tempore tan-
tum telorum onus tergo reportaret, quandoquidem ne
aliquid sagittarij, nisi cum prelij tempus instaret, porta-
rent. Cui Histrix, aduersus Lupum inquit, semper præ-
liandi tempus esse credendum est. ¶ Hæc Fabula in-
nuit, uirum sapientem oportere aduersus inimico-
rum & hostium fraudes semper esse munitum.

¶ DE Mure liberante Miluum. LXX.

M Vs conspicatus Miluū laqueo aucupis implici-
tū, misertus est auis, quamuis sibi inimicæ, ab-
rosisq; dente uinculis, euolandi uiam ei fecit.
Miluus tanti immemor beneficij, ubi se solutū uidit, Mu-
rem nil tale suspicantem corripiens unguibus, & rostro
lacerauit. ¶ Fabula indicat, malignos uiros huiusmo-
di gratias suis benefactoribus solere rependere.

¶ DE Cochlea petente ab Ioue, ut suam domum
secum referre posset. LXXI.

Cum

CUm Iuppiter ab exordio mundi singulis animabilibus munera quæ petissent, elargiretur. Cochlea ab eo petijt, ut domum suam posset circumferre. Interrogata à Ioue, quare tale ab eo munus exprosceret, quod illi graue & molestum futurum erat. Malo inquit, tam graue onus perpetuo ferre, quàm cum mihi libuerit, malum uicinum non posse uitare.

¶ Fabula indicat, malorum uicinitatem omni incommodo fugiendam.

¶ De Erinacio Viperam hospitem eijciente. LXXII.


Erinacius Hyemem aduentare præsentiens, blande Viperam rogauit, ut in propria illius cauerna aduersus uim frigoris locum sibi concederet.

Quod cum illa fecisset, Erinacius huc atq; illuc se prouoluens, spinarum acumine Viperam pungebat, & uehementi dolore torquebat. Illa male secum actum uidens quando Erinacium suscepit hospitio, blandis eum uerbis ut exiret orabat, quando quidem locus ambobus esset angustus. Cui Erinacius, exeat, inquit, qui hic manere non potest, quare Viperæ sentiens sibi locum ibi non esse, illi cesit hospitio.


¶ Fabula indicat eos in consortia non admittendos, qui non possunt eijcere.

¶ De Lepore sese Vulpi ob pedum uelocitatem præferente. LXXIII.

Lepus sese dignū reputabat, qui Vulpi præferretur, quoniam longe illam pedū pernicitate superabat.


rabat. Tunc Vulpes, At ego, inquit, ingenium sum for-
 tita prestantius, quo sepius quam tu pernitate tua, Ca-
 nestudo.  Hæc indicat Fabula, corporis uelocita-
 tem & uires, ab ingenio longe superari.

¶ DE Sene ob impotentiam libidinem carnis
 relincente. LXXIIII.

Vir quidam sanctitate præditus singulari, senem
 quendam admonerat, ut tandem uitium libidi-
 nis dimitteret, cui uehementer insudarat. Cui
 Senex, obtemperabo, inquit, pater sancte, sanctissimis
 optimisq; admonitionibus tuis. Nam usum Veneris ad-
 modum mihi obesse sentio, & uirga amplius non arri-
 gitur.  Fabula indicat multos non amore uir-
 tutis & Dei, sed timore pœnæ, & impoten-
 tia consuetis uitij solere desistere.


¶ DE Agricola & Poeta. LXXV.

Agricola quidam ad Poëtam accedens, cuius a-
 gros colebat, cum eum inter libros solum of-
 fendisset interrogauit eum, quo pacto ita solus
 uiuere posset. Cui ille, solus, inquit, tantum esse coepi,
 postquam te huc contulisti.

 Hæc indicat Fabula, eruditos uiros, qui doctissimo-
 rum uirorum turba continue stipantur, tunc solos
 esse, cum inter illiteratos homines fuerint.


¶ DE Lupo Ouis pelle induto, qui gregem
 deuorabat. LXXVI.

Lupus

L Vpus ouis pelle indatus, ouium se imiscuit gregi, quotidieq; aliquā ex eis occidebat. Quod cū pastor animaduertisset, illū in altissima arbore suspendit, Interrogantibus autem cæteris pastoribus, cur eū suspendisset, aiebat, pellib9 quidē ut uidetis, est ouis, opera autem Lupi.  Hæc indicat Fabula, homines non ex habitu, sed ex operibus iudicandos, quoniam multi sub uestimentis Ouium, supina faciunt opera.

¶ De Patre filium ad uirtutes frustra hortante. LXXVII.

P Ater quidam filium uitij deditum, multis hortabatur uerbis, ut derelicta uitiorum uia, uirtutibus inuigilaret, quæ ei laudem & decus erant paritura. Cui filius, frustra, inquit, pater ad hæc faciendâ hortaris. Multos enim prædicatores (ut aiunt) audiui, qui longe te melius ad uirtutum hortabantur uiam, nunquam tamen eorum admonitionibus obsecutus sum.

 Fabula indicat, uiros malignæ naturæ nullius hortatu à uitij uelle desistere.

¶ De Cane oues domini sui occidente, à quo suspensus est. LXXVIII.

P Astor quidā cani oues suas dederat custodiendas, optimus illum pascens cibus. At ille sæpe aliquam Ouem occidebat. Quod cum Pastor animaduertisset, canem capiens, eum uolebat occidere. Cui canis, Quid me, inquit, perdere cupis? Sum unus ex domesticis tuis

cis tuis, interfice potius Lupum, qui continue tuo insidiatur ouili. Imo inquit pastor, te quam Lupum morte dignum magis puto. Ille enim palam se meum hostem profitetur. Tu uero sub amicitiae specie, quotidie meum imminuis regem.

☞ Hæc innuit Fabula, longe magis puniendos, qui sub amicitiae specie nos ledunt, quàm qui aperte se nostros inimicos profitentur,

De Ariete cum Tauro pugnante. LXXIX.

Aries quidam inter lanigeros erat greges, tanta cornuum & capitis firmitate, ut ceteros arietes statim facileq; superaret. Quare cum nullum amplius arietem inueniret, qui occurstanti sibi auderet obistere, crebris elatus uictorijs, Taurum ausus ad certamen prouocare. Sed primo congressu, cum in taurinam frontem arietasset, tam atroci ictu reperiussus est, ut ferè moriens hæc diceret. Stultus ego, quid egi? Cur tam potentem aduersarium ausus sum laceffere, cui me imparem creauit natura.


☞ Fabula indicat, cum potentioribus non esse decertandum.

De Vidua & Asino uiridi. LXXX.

Vidua quædam coelibatum exosa, nubere cupiebat, sed non audebat, uerita uulgi irrisiones, qui maledictis eas solet incessere, quæ ad secundas transeunt nuptias. Sed commater eius, quàm cõtēnenda essent populi uoces, hac arte monstrauit, iussit enim


K asinum

Afinum album, quem Vidua habebat, uiridi colore de-
pingi, & per omnes urbis uicos circumduci. Quod dum
fieret, tanta admiratio ab initio omnes inuaserat, ut non
solum pueri, uerumetiam senes hac re insolita moti, Asi-
num animi gratia concomitarentur. Deinde cum huius-
modi animal quotidie per urbem duceretur, desierunt
admirari. Itidem inquit ad Viduam commater eueniet
tibi. Si enim uirum acceperis, per aliquot dies eris Fa-
bula uulgi. Deinde hic sermo conticescet.

 Hæc Fabula indicat, nullam rem esse tanta
dignam admiratione, quæ diuturnitate tem-
poris non desinat esse miraculum.


DE Aquila filios Cuniculi rapiente. LXXXI.

Aquila in altissima arbore nidulata, Catulos cu-
niculi, qui longe inde pascebantur, in escam
pullorum suorū rapuerat, quam Cuniculus blan-
dis orabat uerbis, ut suos sibi filios restituere dignaretur.
At illa eum, ut pusillum & terrestre animal, & ad sibi
nocendum impotens arbitrata, eos in conspectu matris
unguibus dilacerare, & pullis suis epulandos apponere
non dubitauit. Tunc Cuniculus filiorum morte commo-
tus, hanc iniuriam minime impunitam abire permisit,
arborem enim quæ nidum sustinebat, radicitus effodit.
Quæ leui impulsu uentorum procidens, pullos Aquilæ
adhuc implumes & inuolucres, in humum deiecit, qui
à feris depasti, magnum doloris solatium Cuniculo præ-
buerunt.

lo præbuerunt.  Hæc indicat Fabula, neminem potentia sua freverum, imbecilliores debere despicere, cum aliquando infirmiores potentiorum iniurias ulciscantur.

¶ DE Lupo pisce fluuij, maris regnum affectante. LXXXII.


Lupus piscis erat in anne quodam, qui pulchritudine, magnitudine, ac robore ceteros eiusdem fluminis pisces excedebat. Vnde cuncti eum admirabantur, & tanquam regem præcipuo prosequabantur honore. Quare in superbiam elatus, maiorem principatum cœpit appetere. Relicto igitur anne, in quo multos annos regnauerat, ingressus est Mare, ut eius regnum sibi uendicaret. Sed offendens Delphinum miræ magnitudinis, qui in illo regnabat, ita ab illo insectatus est, ut aufugiens, uix annis ostium ingrederetur, unde amplius non est ausus exire.

 Hæc Fabula nos admonet, ut rebus nostris contenti, ea non appetamus, quæ nostris uiribus sunt longo maiora.

¶ De Oue pastori conuiciante. LXXXIII.


Quis conficiabatur pastori, quod non cōtentus lacte, quod in usum suum filiorumq; ab ea mugebat, isuper illam uellere denudaret. Tūc pastor iratus, filium eius trahebat ad mortē, Ecquid, inquit ouis peius mihi facere potes? Vt te, inq; pastor, occidam

K 2 & lupis

Et lupis canibusq; proijciam deuorandam, siluit ouis, ma-
iora adhuc mala formidans.  Hæc Fabula indicat,
non debere homines in Deum excandescere, si diuitias,
si filios ipsis permittat auferri, cum etiam maiora Et
uiuentibus Et mortuis possit inferre supplicia.


¶ DE Auriga Et uora currus stridente. LXXXIII.

Auriga interrogabat Currum, quare rota, que
erat deterior, strideret, cum cætera idem non
facerent. Cui currus, Aegroti, inquit, semper
morosi Et queruli esse consueuerunt.

 Hæc indicat Fabula, mala solere homines ad que-
rimoniam semper impellere.


¶ De Viro amicos experiri uolente. LXXXV.

Vir quidam diues admodum Et liberalis, ma-
gnam habebat amicorum copiam, quos ad cœ-
nam sepiissime inuitabat, ad quam libentissime
accedebant. Volens autem experiri, an in laboribus Et
periculis sibi fideles essent, omnes pariter conuocauit di-
cens, ob ortos sibi inimicos, ad quos perdendos ire sta-
tuerat. Quare correptis armis secum irent, ut illatas si-
bi ulciscerentur iniurias. Tunc omnes præter duos, sese
excusare cœperunt. Cæteris igitur repudiatis, illos tan-
tum duos in amicorum numero habuit, quos deinde sin-
gulari amore prosecutus est.


 Hæc indicat Fabula, aduersam fortunam
amicitiæ experimentum esse quàm optimum.

¶ De Vulpe carnē leporis canī laudante. LXXXVI.

Vulpes cum fugaretur à Cane, & iamiam esset capienda, nec ullam aliam euadendi uiam inuenire se posse cognosceret. Quid me, inquit, ò Canis, perdere cupis, cuius caro tibi usui esse non potest? Cape potius leporem illum (non procul enim Lepus aberat) cuius carnem suauissimam mortales esse commorant. Canis igitur motus consilio Vulpis, ommissa Vulpe, Leporem insecutus est, quem tamen ob incredibilem eius uelocitatem capere non potuit. Paucis post diebus, Lepus conueniens Vulpem, uehementer eam accusabat (uerba enim eius audiuerat) quod se canī demonstrasset. Cui Vulpes. Quid me accusas Lepus? Que te tantopere laudauī? Quid diceres, si te uituperassem?

 Hęc Fabula indicat, multos mortales sub laudationis specie alijs perniciem machinari.

¶ De Lepore calliditatem, & Vulpe celeritatem à Ioue petentibus. LXXXVII.

Lepus et Vulpes à Ioue petebant, hęc, ut calliditati suę pedum celeritatem, ille, ut uelocitati suę calliditatem adiungeret. Quibus Iuppiter ita respondit, Ab origine mūdi è sinu nostro liberalissimo singulis animātibus sua munera sumus elargiti. Vni autem omnia dedisse, aliorum fuisset iniuria.  Hęc innuit Fabula, Deum singulis sua munera ita esse equali lance largitum, ut quisq; esse debeat sua sorte contentus.

¶ DE Equo inculto sed ueloci, & cæteris eum irridentibus. LXXXVIII.

E Qui complures ad Circenses ludos fuerant adducti pulcherrimis phaleris ornati præter unum quem cæteri ut incultum, & ad huiusmodi certamen ineptum irridebant, nec unquam uictorem futurum opinabantur. Sed ubi currendi tempus aduenit, & dato tuba signo, cuncti è carceribus exiliere, tum demum innotuit, quanto hic paulo ante irrisus, cæteros uelocitate superaret. Omnibus enim alijs post se longo intervallo relictis, palmam assecutus est.

¶ Fabula indicat, non ex habitu, sed ex uirtute homines iudicandos.

¶ DE Rustico per uocem Hœdi ad iuriconsultum admissio. LXXXIX.

Rusticus quidam graui lite implicitus, ad quendam iuriconsultum accesserat, ut eo patrono sese explicaret. At ille alijs negotijs impeditus, renunciari iubet, se non posse nunc illi uacare, quare abiret alias rediturus. Rusticus qui huic ut ueteri fidoq; amico plurimum fidebat pluries rediens, nunquam admissus est. Tandem hœdum adhuc lactantem & pinguem secum deferens, ante ædes Iurisperiti stabat, & hœdum uellicans illum balare cogebat. Ianitor, qui ex præcepto heri dona portantes statim admittere solebat, audita hœdi uoce, ianuam illico aperiens, hominem introire iubet. Tunc Rusticus

sticus ad Hædum conuersus, gratias, inquit, ago hædu-
le mi, qui tam faciles mihi has effecisti fores.

☞ Fabula indicat, nullas res tam duras difficiles-
q; esse, quas munera non aperiant.

¶ De Adolescente ex coitu infirmo & Lupo. XC.


Adolescens quidam uxorem duxerat, & ipsam
quoq; adolescentulam, formosam admodum, &
libidinosam, cuius effrenæ libidini dum satisfa-
cere cupit, ita lumbos exhaustit, ut paucis diebus macilen-
tus fieret, et mori uo magis quàm uiuo similis uideretur,
non ingredi, non stare, non aliquod opus facere poterat,
ut senex quidam apricatione gaudebat. Dum ergo in a-
prico stans loco, calore solis sese calefaceret, accidit ut
Venatores, qui lupum fuerant insectati, illac iter habe-
rent, quos cum adolescens interrogaret, cur Lupum non
cœperant, ob incredibilem, inquit, illius uelocitatem,
illum assequi nō potuimus. Tunc ait adolescens, Vxorem
profecto hic lupus habere non debet, si enim uxori iun-
ctus esset, nunquam tanta pedum pernitate polleret.

☞ Hæc indicat Fabula, neminem esse adeo ro-
bustum & fortem, quem nimius Veneris usus
non infirmum & debilem reddat.

¶ DE Senē iuuenem poma sibi surripientem
satis deijciente. XCI.


Senex quidā iuuenem sibi poma surripientem, blan-
dis orabat uerbis, ut ex arbore descenderet, nec

res suas uellet auferre. Sed cum incassum uerba funde-
ret, iuuenes eius etatem ac uerba contemnente, non in
uerbis tantum, inquit, uerum etiam in herbis audio esse
uirtutem. Herbas igitur uellere, & in illum iacere coe-
pit. Quod iuuenis conspiciatus in uehementem risum ef-
fusus est, & senem delirare arbitrabatur, qui crederet
eum ex arbore herbis posse depellere. Tunc senex om-
nia experiri cupiens, quando inquit, uerborum & her-
barum uires aduersus raptorem mearum rerum nulle
sunt, lapidibus agam, in quibus quoq; dicunt esse uirtu-
tem, lapidesq;, quibus gremium impleuerat, in iuuenem
iaciens, illum descendere & abire coegit.

 Hæc Fabula indicat, omnia prius sapienti tentanda,
quàm ad armorum confugiatur auxilium.


¶ De Luscinia cantum Accipitri pro
uita pollicente. XCII.

Luscinia ab Accipitre famelico cõprehensa, cum
se ab eo deuorandam inttelligeret, blande eũ ro-
gabat, ut se dimitteret, pollicita pro tanto bñfi-
cio ingentem mercedem sese relaturam. Cũ autem Acci-
piter eam interrogaret, quid gratiæ sibi referre posset.
Aures, inquit, tuas, mellifluis cantibus demulcebo. At ego
inquit Accipiter, malo mihi uentrem demulceas, sine tuis
enim cantibus uiuere, sine cibo uero non possum.

 Hæc Fabula innuit, utilia iucundis anteponenda.


¶ De Leone Porcum sibi socium eligente. XCIII.

Leo

Leo cum socios asciscere sibi uellet, multaq; animalia sese illi adiungere optarent, idq; precibus & uotis exposcerent, ceteris spretis, cum porco solum societatem uoluit inire, rogatus autem causam respondit. Quia hoc animal adeo fidum est, ut amicos & socios suos in nullo quantumuis magno discrimine unquam relinquat.  Hæc Fabula docet eorum amicitiam appetendam, qui aduersitatis tempore à præstando auxilio non referunt pedem.

¶ De Culice cibum & hospitium ab Ape petente. XCIII.

Cvlex Hyberno tempore, cum fame & frigore se periturum coniceret, ad apium accessit aluaria, ab eis cibum & hospitium petens. Quæ si ab eis fuisset consecutus, promittebat filios eorum se artem Musicam edoctrum. Tunc quædam apis, At ego artem meam malo liberi mei discant, quæ eos à famis & frigoris periculo eximere poterit.

 Fabula nos admonet, ut liberos nostros ijs artibus erudiamus, quæ eos ab inopia ualeant uendicare.

¶ De Asino tubicine, & Lepore tabellario. XCV.

Leo rex quadrupedum aduersus uolucres pugnaturus, suorum acies instruebat. Interrogatus autem ab Urso, quid ei Asini inertia, aut leporis timiditas, ad uictoriã conferre possent, quos ibi inter cæ-

K 5 teros

teros milites adesse cernebat. Respondit, Asinus tubæ suæ clangore milites ad pugnam concitabit, Lepus uero ob pedum celeritatem, tabellarij fungetur officio.

☞ Fabula significat, neminem adeo contemptibilem, qui aliqua re nobis prodesse non possit.

¶ DE Accipitribus inter se inimicis, quos Columbae pacauerant. XCVI.


Accipitres inuicem inimici quotidie decertabant suisq; odijs occupati, alias aues minime infestabant. Columbae illorum uicem dolentes, eos misis legatis composuere. Sed illi, ubi inter se amici effecti sunt, ceteras aues imbecilliores, & maxime Columbas uexare, & occidere non desinebant. Tunc secum Columbae, quam utilior Accipitrum discordia, quam concordia, nobis erat.

¶ Hæc monet Fabula, malorum inter se ciuium odia agenda potius, quam extinguenda, ut dum inter se digladiantur, uiros bonos quiete uiuere permittant.

DE Muliere ignem in Mariti domum ferente. XCVII.


Vir quidam prudens uxorem ducebat, Interrogatus autem ab amicis, quid sibi uellet facula illa, quam noua nupta accensam à paterna domo effert, rursusq; mariti domum ingressura accendit, & introfert? Significat, inquit, me hodie ignem è foceri mei adibus ablatum, in domum meam inferre.

Fabula


 Fabula significat, sepe numero mulieres ignem quendam esse, qui mariti bona comburit.

¶ DE Prætorē repētundarum damnato. XC VIII.

P Rætor qui prouinciam, cui præfuerat, expilauerat, repētundarum damnatus fuerat. Cumq; ægre ablata restitueret, dicebat quidam è prouincialibus, hic noster Prætor mulieres imitatur, quæ foetus concipientes, mira uoluptate afficiuntur, cum autem eos amittunt, incredibili dolore torquentur.

 Fabula significat, aliena non esse surripienda, ne illa deponere coacti, mæro conficiamur.

¶ DE Senæ mortem differre uolente. XC IX.

S ENEX quidam mortem, quæ eum è uita raptura aduenerat, rogabat ut paululum differat, dum testamentum conderet, et cætera ad tantum iter necessaria præpararet. Cui mors, cur nõ, inquit, hæctenus præparasti toties à me admonitus? Et cum ille eã nunquam à se uisam amplius diceret, cum, inquit, non æquales tuos modo, quorum nulli ferè iam restant, uerum etiam iuuenes, pueros, infantes quotidie rapiebam, non te admebam mortalitatis tuæ? Cum oculos hebescere, auditum minui, cæterosq; sensus indies deficere, corpus ingrauescere sentiebas, nonne tibi me propinquã esse dicebam? Et te admonitum negas? Quare ulterius differendum non est.  Hæc Fabula indicat, ita uiuendum, quasi mortem adesse cernamus.

De Vi-

¶ VIRO AVARO SACCVLVM
nummorum alloquente. C.

Vir quidam auarus, qui ingentem aureorum aceruum male partum relicturus moriebatur, interrogabat sacculum nummorum, quem morienti sibi iusserat afferri, quibus uoluptatem esset allaturus? Cui sacculus, heredibus, inquit, tuis, qui nummos à te tanto sudore quæsitos, in Scortis & conuiujs profunderent, & demonibus qui animam tuam æternis supplicijs mancipabunt. ¶ Hæc indicat Fabula, stultum esse in ijs laborare, quæ alijs gaudium, nobis autem sint alatura tormentum.

Finis Fabularum Abstemijs.

PETRI PAULI PHANTINI DE

Tradotio in Hecathomythion consumatissimi uiri Laurentij Abstemijs Maceratum. Tetrastichon.

Quod nemus hesperidum Panchaia, Bactra, Sabæi,
Helisum quod habet, quod Tagus, Astur, Arabs.
Cuncta tuo Abstemi nascuntur sponte uireto,
Cuius habent siliquæ seria, non apinas.

IOANNIS ANTRACINI MACE-
raten, in Hecathomythion Clarissimi Vi-
ri Laurentij Abstemijs Maceraten
Tetrastichon.

Doctiloquos

Doctiloquos alijs scriptis superare latinos
 Quære, sumus lepidis Græcia docta pares.
 Te Xanthi seruus technis celebravit amœnis,
 Non minus Abstemijs nos decorauit opus.

LAUREN

TII VALLEN. IN XXXIII. FABVLARUM
 Aesopi, è Græco in Latinum sermonem
 translationem ad clarissimum Virum Re-
 naldum Fonalæ. Præfatio,



ROMISERAM NV-
 perrime tibi conturnices, quas
 ipse uenatus essem, missurum. Eas
 capere ut homo uenandi insue-
 tus, cum non possem, ad uenatio-
 nem meam, id est, literas, me con-
 uerti, & forte ad manus uenit li-
 bellus Gæcus, ex præda nauali, treis & triginta Aesopi
 Fabellas continens, has omneis bidui labore uenatus sum.
 Mitto igitur ad te siue Fabellas, siue mauiis conturnices,
 quibus oblectare te possis, ac ludere. Etenim si Octavianum
 Marcumque Antonium orbis terrarum principes ludo co-
 turnicum delectatos accepimus, profecto tu uir litera-
 rum amantissimus, literato hoc genere ludendi delectabe-
 ris. Et si quis Octauiano, aut Antonio, pugnacem ali-
 quam

quam harum auium, dono dedisset, iucundam illis rem gratamq; fecisset. Ego quoq; tibi iucundus, gratusq; ero, quod plus triginta eius generis aues dono mitto pugna- ces, uictrices, & si forte hoc te magis iuuat, & pingues oblectant enim hae Fabellae, & alunt, nec minus fructus habent, quam floris. Sed ne donum suum laudare insolentis sit, finem faciam. Tu si Coturnices ueras, quam has Fabellas malis, rescribe, mittam namq; non modo Coturnices, sed & Perdices. Ex urbe Caieta. Calend.

Maij. ANNO. M. D. XIII.

¶ DE VULPE ET CAPRO.



VLPES ET CAPER SI
 tibundi in puteum descenderunt,
 in quo cum perbibissent, circum-
 spicienti reditum Capro, Vulpes
 ait, Bono animo esto Caper, ex-
 cogitavi namq;, quo pacto uterq;
 reduces simus. Siquidem tu eri-
 ges te rectum, prioribus pedibus ad parietem admotis,
 cornuaq; adducto ad pectus mento reclimabis, & ego
 per terga, cornuaq; tua transiliens, & extra puteum eua-
 dens, te istinc postea educam. Cuius consilio fidem haben-
 ti Capro, atq; ut illa iubebat obtemperanti, ipsa è puteo
 profiliit. Ac deinde, prae gaudio in margine putei gestie-
 bat, exultabatq;, nihil de hirco curam habens. Ceterum
 cū ab hirco ut fidifraga incusaretur, respondit, Enimue-
 ro hirce

ro Hirce, si tantum esset tibi sensus in mente, quantum est setarum in mento, non prius in puteum descendisses, quam de reditu exploratum habuisses.

☞ Hæc Fabula innuit, uirum prudentem debere finem explorare, antequam ad rem peragendam ueniat.

¶ DE VULPE ET LEONE.

Vulpes nullum antea Leonem conspicata, cum illi alternus ex improviso obuisset, ita aspectu eius expauit, ut parum abfuerit, quin extingueretur. Quod cum iterum postea accidisset, ad aspectum quidem Leonis est exterrita, sed non ita, ut prius. Tertio autem cum Leonem eundem esset intuita, non modo non exterrita, sed etiam fidenter adiens, secum collocata est & confabulata.

☞ Hæc Fabula innuit, quod consuetudo & conuersatio facit, ut quæ maxime horribilia & formidanda sunt, neq; horrida, neq; formidolosa uideantur.

¶ DE GALLIS ET PERDICE.

GAllos quidam domi suæ cū haberet, mercatus est perdicem, eamq; alendā, et in societatem gallorum dedit una cum illis saginandam, eamq; galli pro se quisq; mordicabant, abigebantq;. Perdix autem apud se afflictabatur, existimans ideo talia inferri sibi à gallis, quod suum ab illorū genere alienum esset. Vbi uero non ita multo post aspexit, illos inter se pugnantes, mutuoq; percutiētes, recreata à mœrore, inquit, Equidem post

dem post hoc non afflictor amplius, uidens eos inter se dimicantes.

☞ Hæc Fabula innuit, uirum prudentem debere æquo animo ferre contumelias ab alienigenis illatas, quos uident ne à domesticorum quidem iniuria abstinere.

¶ DE Vulpe ET capite reperto.

Vulpes aliquando in domū Cytharædi ingressa, dum oīa instrumenta Musica omnemq; suppellectilem scrutaretur, reperit è marmore caput scienter fabreq; factum. Quod cum in manum sumpsisset, inquit, ô caput cum magno sensu factum, nullum sensum obtinens. ☞ Hæc Fabula ad eos spectat, qui corporis dignitatem habent, animi industriam non habent.

De Carbonario & Fullone.

Carbonarius conducta in domo habitans, Fullonem inuitauit, qui eo loci proxime uenisset, ut eiusdem in adibus unâ habitaret. Ad quem Fullone, ô homo non est istuc factum conducibile. Vereor enim, ne quicquid ipse candificarem, id omne tu carbonaria aspergine fuscures. ☞ Hæc Fabula innuit, nullum cum flagitiosis habendum esse commercium.

¶ De Viro iactabundo.

Vir quidā aliquamdiu peregrinatus, cum iterum domum reuersus fuisset, cū multa alia in diuersis regionibus à se uirilter gesta iactabundus prædicabat, tum uero id maxime, quod Rhodi omnes in certamine

certamine salendi superasset, eiusdem rei Rhodios, qui affuerunt, testes esse. At quem unus assistentium respondens, inquit: ô homo si uerum istuc est quod loqueris, quid tibi opus est testibus? Ecce hic rhodus, ecce hic certamen salendi, ¶ Hæc Fabula innuit, quod ubi rerum testimonia adsunt, nihil opus est uerbis.

DE VIRO APOLLINEM TENTANTE.

Vir quidam facinorosus Delphos se contulit, Apollinem tentaturus, habensq; passerulum sub pallio, quem pugno tenebat, & accedens ad Tripodas interrogabat deum dicens, Quod habeo in dextra uiuit ne, an mortuum est? Prolaturus passerulum uiuum, si ille mortuum respondisset, occidisset eum statim sub pallio clam, prius quam proferret. At deus subdolam calliditatem hominis intelligens, dixit, O consultor, utrum mauis facere (penes te nam arbitrium est) facito, & siue uiuum, siue mortuum, quod in manibus habes, proferto. ¶ Hæc Fabula inuit, mentem diuinam nihil neq; latere, neq; fallere.

DE PISCATORE.

Piscator quidam demissis in Mare retibus, extulit smaridem pusilli corporis, quæ sic piscatorẽ obsecrabat. Noli me in presentiarũ capere pusillã & minutam, sine abire & crescere ut postea sic adulta commodo maiore potiaris. Cui Piscator inquit, Ego uero amens sim, si lucrum, quod inter manus habeo,

L licet

bicet exiguum, praetermittam spe futuri boni, quantumlibet magni.

¶ Hæc Fabula innuit, stolidum esse, qui propter spem maiorem, rem presentem & certam licet paruum, non amplectitur.

DE EQVO ET ASINO.

Vir quidam habebat Equū & Asinum. In itinere aut faciendo inquit Asinus equo, Si me saluum vis releua a me partem oneris mei. Equo illius uerbis non obsequente, Asinus sub onere cadens moritur. Tunc dominus iumentorum omnes, quas portabat Asinus sarcinas, simulq; corium, quod à mortuo exuerat, Equo imponit. Quo onere depressus Equus, & gemens cū clamore inquit, Væ mihi iumentorū infelicissimo, quid mihi misero male euenit? Nā recusans partem nunc totum onus porto, insuper & illius corium

¶ Hæc Fabula innuit, maiores debere in laboribus participes esse minoribus, ut utriq; incolumes sint.

¶ DE VIRO ET SATYRO.

Vir quidam cum Satyro amicitiam inierat, qui cum edendi gratia sederent, exorta cœli tempestate ac frigore, uir manus ad os admouens, anhelitu refocillabat. Quod intuens Satyrus interrogabat, quò iobrem id faceret. Ille inquit, calore oris algentes manus refocillo, pauloq; post, calidiori edulio allato, cū uir iterum ad os manum cum edulio admouens, calorem cibi

cibi tenui inspiratione refrigeraret, Interrogat Satyrus, quamobrem & id faceret. Respondente autem Viro, ut refrigeret edulium. Atq; ego, inquit Satyrus, tecum posthac amicitiam non exercebo, qui ex uno ore & calidum promis & frigidum, Vale.


☞ Hec Fabula innuit, deuitandam eius amicitiam esse, cuius anceps uita est, & non simplex sermo.

DE VULPE ET PARDO.

Vulpes & Pardus de pulchritudine altercabantur, et pardo suā uersicolore[m] pellem extollente, Vulpes cū suā præponere nō posset, inquit, At quanto ego speciosior, quæ nō corpus, sed animū uersicolore[m] sortita sum? ☞ Hec Fabula innuit, pulchritudinem animi antecellere pulchritudini corporis.


DE FELE IN FOEMINAM MUTATA

Feles quædam delitium formosi erat cuiusdam adolescentis. Hanc ille ut in sceminā mutaret, Venere[m] deprecatus est, dea miserta cupiditati adolescentuli, conuertit bestiā in speciosam puellam, cuius forma inardescens adolescentulus, adducit illā secum domū. Quibus confidentibus in cubiculo, Venus uolens periculum facere, nunquid illa cum corpore mutasset & mores, Murem impisit in medium. At illa & eorum, qui aderant, & cubili nuptialis immemor, ē cubili surgens Murem insequatur, illum comedere cupiens, Tunc dea indignata iterum in suam restituit naturam.

 Hæc Fabula innuit, scelestos homines, & si conditionem statumq; mutant, tamen mores nequaquam mutare.

¶ DE Agricola ET Canibus.

Agricola quidam Hyberno sidere in agro deprehensus deficientibus cibarijs, primum interfectis singulis ouibus, illorum carnibus uescabatur, mox & Caprarum, postremo operarijs bobus interemptis alebatur. Quod Canes cum animaduertissent, inter se collocuti sunt, dicentes, At nos hinc faciamus fugam, si enim operarijs bobus dominus noster non pepercit, ne nobis quidem percat.

 Hæc Fabula innuit, fugiendos eos esse, cauendosq; qui à familiaribus quoq; manus non abstinent.

¶ DE Agricola seuiente in filios.

Agricola filios suos uidens quotidie delitigantes neq; in gratiã inter se reducere potis esset, iussit fasciculũ uirgarũ sibi afferri, aderant autẽ filij illic sedentes. Quæ cũ allatæ essent, colligauit omnes in unum fasciculũ, iussitq; singulos filiorum fasciculum capere atq; confringere, illis uero confringere non ualentibus, soluens postea fasciculũ, tradidit singulas uirgas eis frangendas. Atq; illis statim facileq; frangentibus, intulit, ita & uos filij mei, si perseueraueritis unanimes, prestiteritis inexpugnabiles uos hostibus, inuictosq; præbebitis, Sin minus, ipsa uestra emulatio atq; seditio

seditio oportunam uos prædam inimicis faciet.

Hæc Fabula innuit, æque res humanas facere uel a concordia incrementum, uel discordia iacturam.

DE Muliere & Gallina.

Mulier quædam uidua habebat Gallinam quotidie singula oua parientem, sperans autem pro singulis bina oua parituram, si plus tribuisset escarum, opipare educabat. Gallina uero pinguior effecta, ne unum quidem ouum parturire poterat.

Hæc Fabula innuit, quòd homines propter luxum & copiam rerum marcescentes, ab instituto retardantur.

DE Homine quem Canis momorderat.

Admorsus à Cane quidam, circuibat singulos, corrogans curationem, nactusq; quendam, qui cognita mali qualitate, inquit: Si tu quidem homo conualescere uis, sume Crustulam panis madefactam in sanguine uulneris porrige cani, qui te momordit, comedendam. Cui ille subridens, inquit, Ego me Hercle si istuc fecero, dignus sum, qui ab omnibus huius urbis canibus mordear.

Hæc Fabula innuit, improbos homines cum maxima beneficia acceperint, tum maxime ad maleficia animari.

¶ DE DVOBVS AMICIS

& Vrsò.

Dvobus amicis unà iter facientibus, fit Vrsus obuiã, quorum unus perterritus, in arborem scan-

dens latuit, alter uero cum se imparcm Vrso fore & si pugnare uellet, speratum iri intelligeret, procidens simulabat se mortuum esse. Vrsus autem adueniens auxes & occipitium olfaciebat. Illo, qui stratus iacebat, usq; continente respirationem, ita mortuum esse credens, Vrsus abiit. Aiunt enim Vrsus non seuire in cadauer. Mox alter, qui inter frondes arboris latuerat, descendens interrogat amicum, quidnam ad aurem Vrsus secum esset locutus. Cui amicus inquit, admonuit me, ne posthac cura huiusmodi amicis iter faciam. ¶ Hæc Fabula innuit, deuitandos eos amicos, qui periculo in tempore ab auxilio præstando reuocant pedem.

DE ADOLESCENTIB. ET COQVO.

Duo Adolescentes obsonium à Coquo mercati communiter erant. Cæterum cum Coquus quibusdam negotijs domesticis intenderet, uacaretq; alter adolescentum partem obsonij in alterius sinum immisit. Conquerenti qui carnem sustulerat, iurabat se non habere, Qui uero habebat, iurabat se non abstulisse. Quibus Coquus, intellecta adolescentum astutia, inquit, Et si me latet Fur, tamen eum quem iurastis, Deum non latebit. ¶ Hæc Fabula innuit, quòd si homines celamus, Deum nequaquam celare poterimus.

¶ DE ARVNDINE ET OLEA.

Disceptabant Arundo & Olea de constantia, de fortitudine, & de firmitate, & olea quædam probra

bra arundini ingerebat, ut fragili & ad omnem uentum uacillanti. Arundo autem obticebat, non longum tempus expectans. Nam cum uentus uehemens ingruisset, arundo agitabatur, resellebatur, olea uero cum uiolentiae uentorum reluctari uellet, confracta est.

¶ Hæc Fabula innuit, eos qui ferocioribus ad tempus cedunt, potiores esse ijs, qui non cedunt.

¶ DE TUBICINE.

E Rat Tubicen, qui in militia signum caneret Is interceptus ab hominibus, ad eos qui circumstantes clamabant proclamabat, Nolite me, o utri, innocuum in fontemq; occidere, nullum enim unquam ego occidi.

Quippe nihil aliud quam tubam habeo. Ad quem illi uicissim cum clamore responderunt, Tu uero hoc ipso magis trucidaberis, quod cum ipse dimicare nequeas, ceteros potes ad certamen impellere. ¶ Hæc Fabula innuit, quod præter ceteros peccant, qui malos & importunos principes persuadent ad iniue agendum.

DE AUCUPE ET VIPERA.

A Vceps quidam sumptis aucupatorijs retibus, ad uenandum processit, uisoq; Palumbo in cacumine arboris sedente, compositas artificiose arundines cum reti ad anem clanculū admouebat, sperans illam se uenari posse. Quod cū agit, in altum intuens, iacentem Viperam pedibus prescit, que exasperata dolore hominem momordit. At ille iam diffidens, me miserum

L 4 inquit.

inquit, qui cum alterum uenari uolo, ipse ab altero captus pereo.

Hec Fabula innuit, fraudulentos homines insidias suas occultare. Sæpe tamen ab alijs idem sustinere.

DE Castore uirilia sibi amputante.


Castor præter ceteros quadrupedes in aqua durare dicitur, eiusq; genitalia ad artem medicam sænè utilia esse. Tunc ubi uidet indagantibus hominibus captum iri (nō enim ignorat, quamobrem indagetur) ipse sibi genitalia præcidit, eaq; ad insequentes proijciens, hoc modo incolumis euadit. ¶ Hec Fabula innuit, huius exemplo prudentes debere pro adipiscenda salute, nullam rationem habere fortunarum.

DE THYNO ET DELPHYNO.

Thynus cū Delphinū insequentem præcipiti cursu fugeret, & iam iam capiendus esset, in anfractu quendam se intrusit. Delphinus quoq; ad alterum similem impetu ipso illisus est, ad quem Thynus respiciens, iamq; expirantē uidens, inquit, iam mihi mors non est molesta, uidens eum, qui mihi causa mortis est, me cum morientem. ¶ Hec Fabula innuit, æquo animo ferre homines calamitates, cum eos, propter quos in calamitate sunt, calamitosos aspiciunt.


¶ DE Cane Et Lanione.

Canis quidam insiliit in Macellum, Lanio in aliqua re occupato, & crepto pecoris corde fugiebat.

giebat. Ad quem Lanius conuersus, fugientemq; aspiciens, inquit, O Canis, ubicumq; fueris te obseruabo, non enim sustulisti, sed mihi cor dedisti.  Hæc Fabula inuenit, iacturam semper esse hominibus doctrinam.

DE VATE QVODAM.

Vaticinator quidam in foro sedens sermocinabatur, cum quidam sibi denunciat fores domus eius effractas esse, omniaq; direpta quæ in domo fuissent. Ad quod nuncium Vaticinator gemens prope-ransq; cursu, se domum recipiebat. Quem currentem quidam intuens, ô tu, inquit, qui aliena negotia te diuinaturum promittis, certe tua non diuinasti.

 Hæc Fabula ad eos spectat, qui res suas non recte administrantes, alienis quæ nihil ad eos pertinent, prouidere & consulere conantur.

DE AEGROTO ET MEDICO.

Ægrotus quidam à Medico interrogatus, quonam modo se habuisset, præter modum rñdit in sudorem se fuisse resolutū. Cui Medicus, istud inquit, bonum est. Altero autem die iterum interrogatus, quonam modo se haberet, respondit, algoribus correptus diu uexatus sum, et id quoq; Medicus inquit, bonum est. Tertio cum ab eo Medico interrogaretur, respondit, profluuium corporis debilitatus sum. Istud etiam bonum est, inquit Medicus. Postea autem à familiari quodam interrogatus, quomodo habes ô amice? Respondit,

L 5 etiam

etiam atq; etiam bene habeo, sed morior.

¶ Hæc Fabula innuit, arguendos assentatores.

¶ DE ASINO ET LUPO.

Asinus calcato ligni aculeo claudicabat, conspice-
toq; Lupo ait, O Lupe, en præ cruciatu mori-
or, futurus esca aut tua, aut Vulturū, aut Cor-
uorum. Vnum modo abs te munus flagito, Educ prius de
pede aculeum, ut moriar saltem sine cruciatu, Tunc Lu-
pus summis dentibus aculeum mordicus prehensens edu-
xit. Asinus uero doloris oblitus, ferratos calces in faci-
em Lupi impexit, fractisq; illius fronte, naribus, denti-
bus aufugit, Lupo seipsum accusante, ac merito sibi id
euenisse dicente, quod qui didicerat esse lanius iumento-
rum, nunc illorum uolebat esse Chirurgicus.

¶ Hæc Fabula innuit, quòd qui sua artificia dese-
runt, transferentes se ad alia ipsis non apta, & in
derisum ueniunt, & in discrimen.

¶ DE AUCUPE ET MERULA.

Auceps tetenderat uolucris retia, qd' eminus
intuens Merula, pcontabatur hominē quid ne-
gotij ageret. Ille rñdit, se condere urbem, abijt
q; longius, & sese abdidit. Merula uero illius uerbis fi-
dem habens, & accedens ad escam iuxta retia appositā,
capta est, accurrenteq; aucupe, inquit, ô homo, si tu qui-
dem talem Urbem condis, haud multos iuuenes habebis
incolas.

¶ Hæc Fabula innuit, eo maxime modo

rem priuatam, & Rempubicam destrui, cum praesides
seuitiam exercent.

¶ DE VIATORE ET PERA INUENTA.

Viator longum ingressus iter, uouit si quid inue-
nisset, eius dimidium Ioui se oblaturum. Inuen-
ta autem postea in itinere Pera, palmularū A-
migdalorumq; plena, comedit omnes palmulas amigda-
lasq;. Sed harum nucleos, illarum putamina, & cortices
ad aram quandam obtulit, inquit, habes Iuppiter quod
tibi uoueram, qd' enim inueni, eius & interiora & exte-
riora tibi offero. ¶ Hæc Fabula innuit, auarum ppter
pecuniæ cupiditatem etiam Dijs moliri fallacias.

DE PVERO ET MATRE.

Pver quidā in Schola condiscipuli furatus tabellā
alphabetariam, attulit matri suæ, a qua non casti-
gatus, quotidie magis furabatur. Procedente autē
tempore cœpit furari maiora. Tandem à magistratu de-
prehensus, ducebatur ad suppliciū. Matre uero sequente
ac uociferante, rogauit ille satellites, ut paulisper cū ea
ad aurem loqui pmitterent, quibus permittentib9, et ma-
tre festiaban. La aurem ad os filij admovente, ille auricu-
lam matris dentibus euulsit, et cū mater cæteri9 incre-
parent nō modo ut furem, sed in parentem suam impiū,
inquit, hæc mihi ut perderer, causa extitit. Si enim me
tabellam alphabetariam furatum castigasset, nequaquā
ad ulteriora progressus, nuuc ad supplicium ducerer.

Hæc

☞ Hæc Fabula innuit, quòd qui inter initia peccandi non coercentur, ad grauiora flagitia euadunt.

DE PASTORE ARTEM

Nauticam exercente.

Pastor in loco maritimo gregem pascebat, qui cū uideret mare tranquillum, incesit cupido nauigationem faciendi ad mercatum. Itaq; uenundatis ouibus, emptisq; palmarum sarcinis, nauigabat, Oborta autem uehementi tempestate, & nauis mergi periclitante, omne pondus Nauis in Mare deiecit, uixq; euasit exonerata nauis. Paucis post diebus ueniente quodam & tranquillitatem maris admirante (erat enim sane tranquillum) respondens inquit, palmulas iterum uult, quantum intelligo, ideoq; sese fore ostendit.

☞ Hæc Fabula innuit, eruditiores effici homines damno atq; periculo.

DE FILIO CUIUSDAM

Senis Et Leone.

Filium senior quidam habebat unicum generosi animi, & uenaticorum Canum amatorem, hunc per quietem uiderat à Leone trucidari. Territus, ne forte somnium hoc aliquñ sequeretur euentus, extruxit domum quandam, quam politissimam, et laquearibus ac fenestris amœnissimam. Illuc inducens filiū asfiduus illi custos inherebat. Depinxerat enim ea in domo ad oblationem filij, omne animalium genus, in quibus & Leonem

mem. Adolescens hæc inspiciens eò amplius molestiæ
 contraherat. Quadam autem uice propius stans Leo-
 nis inquit, ô truculentissima fera, propter te, & inane
 Iunium patris mei, in hac domo asseruor, uelut in car-
 cere. Quid tibi faciam? Et hæc dicens, manum parieti
 incussit, oculum Leoni eruere uolens, & in clauo, qui
 illic latebat offendit, qua ex percussione manus emar-
 cuit, succreuitq; sanies, & Febris subsecuta est, breuiq;
 tempore adolescens est mortuus. Ita Leo adolescentem
 occidit, nihil adiuuante patris sophismate.

☞ Hæc Fabula innuit, quæ uentura sunt
 deuitare posse neminem.

DE CALVO CRINES EXTER-
 nos gerente pro natiuis.

C Aluus quidam mentitos crines gerens, dum E-
 quo uehebatur, ecce sibi ualidior uentus illos de
 capite sustulit. Rissus statim magnus à circum-
 stantibus excitabatur, & ille mutuo risu ad illos inquit.
 Quid mirum si crines, qui non erant mei, à me recesser-
 rint, illi quoq; recesserint, qui mecum fuerant nati.

☞ Hæc Fabula innuit, non debere nos mœrere
 ob amissas opes. Quod enim nascentes à natu-
 ra non accepimus, id non potest nobiscum per-
 petuo permanere.

FINIS.

Aesopi

ÆSOPIÆ

BVLATORIS CLARISSIMI

Apologi è græco latini per Rimiciũ facti.

ARGVMENTVM.



ESOPVS FABVLA-
tor clarissimus, natione quidem
Phrygus, fortuna uero seruus fu-
it, colore niger, ac facie supra-
modum deformis. Is quia benefi-
cus semper in hospites fuit, Dea
hospitalis in somnis sibi assistens
largita est loquelam (nam ab initio blatero fuit) sapien-
tiamq; ac uariarum Fabularum inuentionem, quæ por-
ro Fabulæ non parum conducunt mortalium uitæ, nam
animalia bruta fingit agere ea, quæ hominum sunt acti-
ones, quas ita ante oculos ponit, quod audientium ani-
mos incitat ad uirtutem, nec ulli sunt hominum mores,
quos in brutis fingendo ipse non aperiat. Has igitur
Fabulas, si quis rite gustauerit, quam uiam sequi, quam-
q; uitare debeat, in priuatis publicisq; negotijs facile
comperiet. Nam in primis Fabulam narrat, tum quid
Fabula significet, compendiosius exponit, atq; ordinem
Alphabeti in Græco secutus, qui in Latino sermone ser-
uari non potest, hinc sumit initium.

DE

¶ DE AQUILA ET VULPE.

AQUILA ET VULPES CONFLA-


Ata inter se amicitia, in proximo habitare con-
stituant, firmiorem amicitiam ex frequenti con-
uersatione fore putantes. Igitur Aquila nidum alta
super arbore instituit. Vulpes uero arborem propter
inter dumeta Catulos collocat. Vna igitur dierum cum
Vulpes latibulum egressa pastum Catulis quereret, A-
quila & ipsa cibi indigna, in latibulum deuolans, Vul-
pis Catulos arripuit, ac pullis suis comestum præbuit.
Vulpes reueniens, cognita filiorum morte atroci, ualde
tristata est, & cum Aquilam ulcisci nõ posset, quia qua-
drupes existens, uolucrum persequi nequibat, quod uni-
uersis ac impotentibus datur, Aquilam execratur, ac
mala sibi imprecatur, tantum in odium dum uiolatur,
uertitur amicitia. Contigit igitur illis diebus ruri Capras
immolari, cuius frustum una cum carbonibus accensis,
Aquila arripens sustulit ad nidum, sed uento uehemen-
tius spirante, nidus qui ex foeno ac materia exili aridaq;
confectus erat, incenditur. Aquilæ pulli flammam senti-
entes, quum uolare adhuc nequirent, humi decidunt, Vul-
pes confestim illos arripens in Aquilæ conspectu de-
uorat.

¶ Fabula significat, quod qui amicitiam uiolant,
quamuis quos læserint, ultionem declinant, Dei
supplicium non tamen effugiunt.

De aquila

DE AQUILA ET CORVO

Aquila celsa ex rupe deuolans agnum ex omni grege arripuit, quam rem cum Coruus conspiciatur, emulatione motus, uehementi cum strepitu ac stridore deuolat in Arietem, atq; unguis in arietis uellus ita implicat, quod inde etiam motu alarum se explicare non potest. Hunc pastor, cum ita implicitum uidet, accurrens, coruum comprehendit, atq; alarum peninis incis, pueris suis pro ludibrio dedit. Verum enim cum quispiam coruum rogare, quae nam uolucris esset, Coruus ait, prius equidem quo ad animum Aquila fui, nunc uero me coruum esse certe cognosco.

 Fabula significat, quod qui supra uires quippiam audet, hoc solum efficit, quod in diuersa sepius incidit, ac se uulgo ridiculum exhibet.

DE AQUILA ET SCABRONE.

Aquila leporem psequabatur, at Lepus auxilij inops, quē tempus obtulit Scabronem uidens, ab eo auxilium implorauit, cui scabro pollicitus est tutelam ac custodiam suam. Dinde cum aquilam propinquantem Scabro conspiciatur, eam precatur, ne suum eripiat sibi seruum. At Aquila Scabronis paruitatem contemnens, eo coram Leporem exedit. Verum Scabro suae iniuriae memor, ubi aquila nidificaret, obseruat. Ecce Aquila oua parit, Scabro alis elatus, ad aquilae nidum uolat, atq; oua deuoluens humi deijcit, Aquila iactura

ouorum

duorum mœrore concita, euolat ad Iouem (est enim ales deo illo sacrata) ac locum ad pariendum sibi tutum dari precatur. Iuppiter sibi concedit, ut cum tempus adest, eius in sinu pariat oua. Hoc scabro prouidens, globum è stercore conficit, atq; sursum euolans in Iouis sinum demisit. Iuppiter uolens e sinu globum excutere, oua aquilæ simul excussit. Ex tunc aiunt aquilam nunquam parere, quo tempore scabrones existunt.

Fabula significat, quòd nullus porrò est contemnendus, quoniam nemo est qui iniuriam accipiat, quin cum tempus datur, se ulcisci querat.


DE PHILOMENA ET ACCIPITRE.

Philomena, cum alta quercu sederet, more suo sola canebat eam Accipiter cibum queritans eū intuetur, repente euolat, illāq; rapit. At Philomena cū se interitum iri uidet, Accipitrem precatur. ut se missam faciat, quoniam ad explendū eius uentrem ipsa satis minime sit, sed pro saturitate sua, ad maiores aues ut se uertat, opus profecto fore. Eam Accipiter torue conspiciens, ait, Stultus equidē nimiū essem, si quē manibus teneo cibū, illū dimitto, amplioris spe pastus. ¶ Fabula significat, quòd qui omittunt id qd' manu tenent rerum maiorum spe, consilio inopes ac ratione nimum sunt.

DE VVLPE ET TRAGO.


Vulpes & Tragus sitientes in puteum descendunt. Verum enim post potum, cum egressum

M conspice-

conspiceret Hircus, Vulpes ei comiter ait, bono sis animo, nam quid salutis nostræ opus sit probe animaduerti. Si enim rectus stabis, ac pedibus anterioribus cornibusue muro adhærebis, tuas ego scapulas cornuaq; cōscendens, cum egressa puteum fuero, te manu cōprehendens hinc desuper traham. Huic Caper prompte deseruiuit, Vulpes suo exultans egressu, circa os putei capro illudebat. At dum Caper illam incusat, sibi pacta haud seruasse, ei facete Vulpecula inquit, Si ea Caper sapientia præditus esses, quo pilorum ornatu istæ tua barba referta est, non prius in puteum descendisses, quàm egressus pensulare uidisses.  Fabula significat, quòd homines consilio præditi rerum fines prius inspiciunt, quàm dent operam rebus gerendis.

DE VULPE ET LEONE.


Vulpes quæ nunquam uiderat Leonem, cum illi forte obuiasset, adeò pertimuit, ut mortem penè obiret. Rursum illum cum aspexisset, pertimuit, sed minime ut primum. Eum tertio cum intuetur, prope accedens, fuit ausa coram differere.

 Fabula significat, quòd rerum terribilia usus et consuetudo domestica facit.

DE CATO ET GALLO.


Catus cū Gallum coepisset, atq; causam quæreret qui eum comedere posset, illū criminari coepit, quod esset animal turbulentum, qui noctu clamando

tando haud permetteret quiescere mortales. Gallus se excusabat, quod id ageret ad eorum utilitatem, cum ad opera faciendā illos excitaret, Rursus Catus ait, impius es ac supra modum scelestus, qui agis continuo contra naturam, cum nec à matre, nec à sororibus te abstineas, sed per incontinentiam cum illis te commisceas. Gallus item defendebat, quod domini sui quæstus gratia id quoq; ageret, enimvero ex huiusmodi coitu Gallinæ pariunt oua. Tunc inquit Catus, excusationibus licet abundes, ego tamen ieiunare haud intendo.

 Fabula significat, quod qui prauus existit natura, eum semel delinquere animo proposuit, quamuis causæ desit prætextus, à prauitate tamen nõ desistit.


DE VULPE SINE CAUDA.

Vulpes ut è laqueo euaderet, abscisa cauda cum è pudore uitam sibi mortem putaret, excogitauit aliis dolo inducere Vulpes, ut sub communis commodi specie sibi singulæ caudam abscinderent, & sic suum dedecus leuaret. Itaq; ad unum vulpibus congregatis suadet, ut caudam sibi abscindant, differens, caudam non modo dedecori Vulpibus esse, sed oneri graui atq; inepto. E Vulpibus una ei facete respondit, Heus soror, si res ista tibi soli conducit, tum itidem alijs consulere haud est æquum.

 Hæc Fabula ad eos spectat, qui sub charitatis specie, suum commodum consulendo prospiciunt.


DE PISCATORE & Smaride pisciculo.

Piscator qd' Mari rete tetendit, eo Smarida coepit pisciculū, qui parua adhuc etate piscatorem orabat, ut dum grandis esset, atq; maiorem quæstum ex ea assequi posset, eā uita donaret. Huic Piscator leptide respondit. Ego quidem mente carerem, si quod minimum mihi est lucrū, id dimitterem amplioris spe quæstus.

 Fabula significat, quod certa pro incertis, quamuis in eis magna insit spes, stultum est dimittere.

DE VVLPE ET RVBO.

Vulpes cum sepem quandam ascenderet, ut periculum uitaret quod sibi imminere uidebat, Rubum manibus comprehendit, atq; uolam sentibus profudit, & cū grauiter saucia foret, gemens inquit ad Rubum, ut me iuuares cum ad te confugerim, tu deterior me perdidisti. Cui Rubus, errasti Vulpes, ait, quæ per dolo me capere putasti, quo cætera capere cōsueuisti.

 Fabula significat, quod stultum est implorare auxilium ab illis, quibus à natura datum est obesse potius quam alijs prodesse.

DE VVLPE ET CROCODILO.

Vulpes et Crocodilus de nobilitate cōtendebant, cum Crocodilus multa pro se adduceret, ac supra modum se iactaret de splendore progenitorum suorum, Vulpes ei subridens ait, Heus amice, & si hoc tu quidem non dixeris, ex tuo corio clare aparet, quod

quod multis iam annis tuorum splendore fuisti denudatus, ¶ Fabula significat, quòd homines mendaces res ipsa potissimum refellit.


¶ DE VULPE ET VENATORIBVS.

Vulpes uenatores effugiens, ac per auia currèdo iam defessa, hominem casu reperit lignarium, què rogat ut se quoquo loco abscondat. Ille tectorium sibi ostendit. Vulpes illud ingrediens in angulo quodam se abscondit. Adfunt uenatores, lignariū, si Vulpem uiderit rogant. Lignarius uerbis quidem uidisse negat, manu uero ubi Vulpes latebat locum ostendit. Verū enim uenatores re haud percepta, statim abeunt. Vulpes ut illos abisse prospicit, tectorio egrediens, tacite recedit, Lignarius Vulpem criminatur, quod cum saluam fecerit, nihil sibi gratiarum agat. Tunc Vulpes se conuertens illi facete ait, heus amice, si manum, opera ac mores uerbo similes habuisses, meritas tibi psoluerem gratias.

¶ Fabula significat, quòd homo nequam, & si bona pollicetur, mala tamen & improba præstat.

DE GALLIS ET PERDICE.

Gallos quàmplures cum quis domi haberet, quam emerat perdicem, illis compascere permisit. Sed cū Galli illam infestarent, rostrisq; percuterent, Perdix ea iniuria uehementer pdoluit, putans quia aduenæ nec eo genere esset, eas sibi inferri iniurias. Gallos deinde cum adinuicem certantes conspiceret, Perdix


amota animi perturbatione ait, de cætero equidem haud tristabor, posteaquam inter eos odiosa certamina cerno.  Fabula significat, quòd homines sapientia præditi moderato animo ferunt iniurias ab his uel maxime sibi illatas, qui nec sibi nec suis parcere sciunt.

DE VVLPE ET LARVA.

Vulpes Citharædi domum ingressa, dum quæ domi parata sunt, sagaciter explorat, Laruæ caput reperit arte industriosa compositum, quod manibus capiens ait, ô quale sine cerebro caput.

Hæc Fabula significat, quòd non omnes corpori decori eandem animo habent pulchritudinem.

DE HOMINE ET LIGNEO DEO.

Homo quidam deum ligneum domi habens, eum orauit, ut boni quippiam sibi tribueret, sed quanto magis orabat, eò res domi angustiior erat, deum ille concitus ira deum cruribus capit, & caput parietì percutit illi, exciso igitur capite, multum auri exiit, quod homo colligens ait, peruersus nimium es, atq; perfidus, qui dum in honore te habui, nihil equidem profuisti, percussus uero ac uerberatus, boni plurimum contulisti.  Fabula significat, quòd homo nequam, si quando prodest, id efficit uì coactus.

V DE CANE AD COENAM VOCATO,
Ir quidam cū coenam opiparam parasset, amicū quendam dorā uocauit. Eius quoq; Canis canem

nem alterius ad coenam inuitauit. Is domum ingressus cum tantum dapium uidet apparatus, letus ipse ait, Hodie porró ita me explebo, quod die crastino comedere non indigebo. Hisq; dictis motu caudæ applaudit. Coquus uero eam conspiciens, tacitus per caudam capit, atq; illum sepius rotans per fenestram proijcit Ille attonitus, homo assurgens, dum clamando aufugit, cæteræ caues sibi occurrunt, atq; rogitant quam oppipare coenauerit. At ille languens ait, Ita potu ac dapibus me expleui, quod cum exiuerim, uiam non uidi.

Fabula significat, quòd quibus rebus quis doliturus est, rebus illis letari non debet.

DE AQUILA ET HOMINE.

Aquilam homo quidam cum coepisset, pennis alarum sibi euulsis, inter Gallinas morari dimisit, Eam deinde quidam mercatus, pennis alas denuo munit, tum Aquila uolans Leporem capit, fertq; illum benefactori suo. Quam rem conspiciens Vulpes, homini ait, noli hanc Aquilam sicuti prius hospitio habere, ne ceu Leporem te æque uenetur. Tum homo Aquilæ item pennas euulsit.

Fabula significat, quòd beneficientes sunt quidem remunerandi, improbi uero omni studio uitandi.

¶ DE VIRO AGRICOLA.

Homo quidam Agricultor existens, cum finem uita sibi adesse cognosceret, cuperetque filios

M 4 in agro

in agrorum cultu fieri peritos, eos uocauit, atq; inquit. Filij, ego è uita discedo, bona mea in Vineae consista sunt omnia. Illi post patris obitum putantes in Vineae thesaurum quendam reperire, assumptis ligonibus, matris ac biuentibus, Vineam funditus effodiunt, nullumq; thesaurum inueniunt. Verum enim Vineae cum probe effossa foret, longe post plures solito fructus produxit, atq; illos diuites fecit. ¶ Fabula significat, quòd labor assiduus thesaurum parit.

DE CARBONARIO ET LOTORE.

Carbonarius Lotorem quendam rogauit, ut quòd pretio conduxerat domum, secum pariter cohabitaret. At Lotor rei alias expertus, ait, id conducibile haud mihi esset. Nam quae albificarem, ea omnia carbonum fauillis ipse maculares.

Fabula significat, quòd res natura dissimiles stare simul commode non possunt.

DE VULPE ESURIENTE.

Vulpes ingente fame concita, cum quodam in tectorio carnis frustum ac panem reposita prospiceret, tectorium ipsum intrauit, atq; tantum comedit, quod ad ingentem tumorem uentrem distendit, & cum ex nimia uentris tumefactione inde egredi nequiret, tumens gemebat. Eius gemitum Vulpes alia transiens illac, cum audiret, illuc accedit rogatq; quid nam gemit, deinde causam gemitus edocta, lepide ait: Istic manendum

pendum est usq; dum eo tenuis efficiaris, quanta cras
cum intraſti, Nam eo pacto facile egredieris.

Fabula ſignificat, quòd nihil eſt tam durum
quod tempus non diſſoluat.

DE PISCATORE QVODAM.

Piſcator quidam piſcandi inexpertus, tibijs ac reti
aſſumptis iuxta Maris littus accedit, atq; ſaxo
quodam ſuperexiſtens, in primis tubicinare cœ-
pit, putans cantu ſe piſces facile eſſe capturum. Verum
cantu cum nullum conſequeretur effectum, depositis ti-
bijs rete in Mare demittit, ac piſces cœpit complures.

Sed cum ex reti piſces extraheret, atq; eos ſaltantes per-
ſpiceret, non inſulſe ait, ò improba animalia, dum ad ti-
biam cecini, ſaltare noluiſtis, nunc quia canere ceſſo, ſal-
tus datis aſiduos. Fabula ſignificat, quòd omnia pro-
be fiunt, quæ fiunt tempore ſuo.


DE PISCATORIBVS QVIBVS DAM.

Piſcatores piſcatum proſecti, diuq; piſcando defeſ-
ſi, fame præterea ac mœrore quòd nihil cœpiſ-
ſent conſecti, cum abire decernunt, ecce piſcis
quidam alium fugiens ſe inſequentem, in nauiculam ſal-
tat, illum piſcatores ſupra modum læti comprehendunt,
ac in urbem reuerſi grandi præcio ueniant.


Fabula ſignificat, quòd frequentius fortuna id ex-
hibet, quod ars efficere non poteſt.

DE VIRO INOPE ET INFIRMO.

M 5 Homo

Homo quidam pauper cum egrotaret, dijs uouit, quod si eo morbo liberaretur, Boues centum immolaret, quod dij experiri uolentes, sanitatem illi facile reddunt. Liber igitur à morbo, cū Boues (quia pauper) non haberet, ossa bouum centum collegit, eaq; super altare deponens, lepide inquit, Ecce quod uoui uotum uobis nunc persoluo. At dij illum ulcisci uolentes in somnis sibi assistunt, atq; inquit, Ad maris littus pergito, ibi enim in loco semoto, auri talenta centum reperies. Ille expergefactus, somnij memor, dum pergit ad littus, incidit in latrones, captus itaq; eos rogabat, ut semissum facerent, quoniam mille talenta auri persolueret eis.  Fabula significat, quòd homo mendax deos & homines pariter contemnit.


DE VULPE ET PARDO.

Vulpes cū Pardo de pulchritudine contendebat, cū uarias corporis notas Pardus sibi duceret de cori, Vulpes ei comiter ait, ego quidem longe formosior sum iudicanda, quæ non corpus sed animum uarijs notis habeo notatum.  Fabula significat, quòd decor mentis est potior omni corporis ornatu.

DE PISCATORIBVS QUIBUSDAM.


Piscatores qdam è mare rete trahebant, quod cum graue esse sentirent, letitia gestiūt, putantes multos pisces se habere irretitos, sed ut rete in terrā traxerunt, pisces quidem paucos, saxum uero ingens re-
ti inesse.

si misse cum perspiciunt, longe tristantur, Quidam ex illis natu iam grandis non inurbane socijs inquit, Animis estote quietis, quippe letitiæ soror est mœstitia, oportet enim casus prospicere futuros, illosq; ut leuius quis ferat persuadere sibi esse euenturos.

 Fabula significat, quòd qui reminiscitur fortis humanæ, in aduersis minime frangitur.

DE RANIS REGEM PETENTIBVS.

Rane mœrentes quòd sine rege forent, Ioui supplicatum oratores mittunt, ut regem sibi dedat. Iuppiter earum simplicitatem cognoscens, lignum in stagni medium dimisit, quod dum in stagnū cecidit, eius sonus supra modum terruit Ranas, quæ cum lignum esse nouerunt, rursum Ioui supplicatum mittunt, ut regem uiuum haud mortuum sibi dedat. Iuppiter stultis earum precibus motus, hydrum illis dedit in regem. Is in diem cum Ranas deuoraret, tertio Iouem ranæ præcantur, ut regem seuum atq; immanem ab eis amoueret. Tunc Iuppiter inquit, quem tot precibus regem exorastis, eum uobis perpetuum habetote.

 Fabula significat, quòd sæpe ea precamur, quæ impetrasse postea nos pœnitet.

DE CATA IN FOEMINAM mutata,

Cata quædã speciosi cuiusdã adolescentis amore capta, qui uenerem orauit, ut eam in hominẽ mutaret. Venus illius miserta, in formam hominis mutauit.

mutauit eam, quæ cum longe speciosa esset, amator domum subito adduxit. Sed cum in cubiculo simul sederent, Venus experiri cupiens, si mutata facie mutasset & mores, in medium constituit murem, quem cum illa prospexit, oblita formæ & amoris sui, murem ut caperet persecuta est. Quæ super re Venus indignata denuo eam in priorem catæ formam mutauit.

Fabula significat, quod homo nequam licet personam mutet, mores tamen retinet eosdem.

¶ DE SENE MORTEM VOCANTE.


Senex quidam lignorum fascem super humeros ex nemore portans, cum longa uia defessus esset, fascem humi deposito mortem uocauit, ecce mors aduenit, causam quamobrem se uocauit, interrogauit.

Tunc Senex, ut hunc lignorum fascem super humeros mihi imponeres ait. ¶ Fabula significat, quod quisquis uitæ cupidior est, licet mille subiiciatur periculis, mortem tamen semper deuitat.

DE MULIERE ET MEDICO.


Mulier anus cum ophthalmiam pateretur, Medicum ad se curandum accersit, certum pretium sibi dare promittens, si eo morbo curaretur, si uero non liberaretur, nihil ei debere pacta est.

Medicus uero, quoties illam ibat curatum, toties quippiam è domo clam exportabat. Mulier igitur ophthalmia curata, cum nihil suarum rerum domi esse prospiceret,

ret, Medico mercedem pactam petenti, soluere denegat.
 Quamobrem uocata in iudicium, pactum quidem non
 denegat, sed se curatam Ophthalmia esse, id uero per-
 negat aiens, cum caeca eram domum multa suppellectile
 refertam uidebam, nunc cum uideo, ut Medicus ait, nihil
 rerum domi esse prospicio.  Fabula significat, quod
 homines auaritiæ dediti, sibi et sæpius contradicunt.

DE AGRICOLA ET CANIBVS.


Agricola quidam magnitudine Hyemis in subur-
 banis se collocauit, sed cum alimonia sibi defi-
 ceret, Capris et ouibus primum uesci cœpit.
 Cum uero in diem magis seuiret Hyems, Bobus quoq;
 non pepercit, quod facinus cum animaduertunt Canes,
 inuicem uerba faciunt. Quid hic stamus, inquit, cur
 mortem nobis incumbentem non fugimus? Putamus ne
 eum nostræ parcere uitæ, qui alimoniæ gratia Boues iu-
 gulauit?

 Fabula significat, quod eos fugere debemus,
 qui in charissimos crudeliter se ferunt.

DE AGRICOLA ET FILIIS.


Agricola quidam quàmplures habuit filios cõti-
 nua seditiõ discordes, ac eius admonitiones per-
 petuo negligentes. Cũ forte una domi omnes se-
 derent, iussit pater uirgarum fascem coram deportari,
 atq; natos cœpit hortari, ut integrum fascem disrumpe-
 rent. Cum igitur fascem cum totis uiribus frangere non
 possent,

possent, genitor praecepit ut soluto fasce singulatim frangerent uirgas, cum quisq; facile hoc perficeret, tunc facto silentio pater ait eis, si quando animis idem sentietis nati mihi charissimi, nec ab inimicis superari poteritis. Sed si inter nos seditiones seruabitis, qui uolet, is facile uos perdet.

 Fabula significat, quod fortior est unio, quam seditio quae est imbecillis.

DE MULIERE ET GALLINA.

Vidua quaedam Mulier Gallinam habebat, quae die quolibet pariebat ouum, putauit mulier more ingenij humani, quod sitis habendi semper sollicitat, Gallinam illam die bis parituram, si plus speltæ traderet ei solito. At Gallina pluri alimonia pinguior facta, id unum desijt parere ouum. Sic mulier ex quo maius lucrū quæritat, id cæca augendi cupiditate amisit.

 Fabula significat, quod plurima cupiditate rerum, præsens quandoq; deperditur questus.

DE HOMINE A CANE MORSO.

Homo quidam cū cum Canis momordisset, summo cū studio sciscitabatur, a quo sanari posset, quidam sibi obuiā factus atq; de medico rogatus ait si uis amice fieri sanus, nō est tibi opus Medico. Nam si canis qui te momordit, a uulnere lingua sanguinem terget, ista cura nihil potius reperiri potest. Alter arridens uenustissime inquit, si huiusmodi uxor remedio in diem magis

magis ac magis à canibus mordebor. ¶ Fabula significat, quòd ab hominibus nequam incommoda pro commo-
dis, & mala pro beneficijs retribui solent.

DE DVOBVS AMICIS ET VRSA.

A Mici duo dum rus uiarunt, Vrsa eis obuiam oc-
currit, qua prospecta alter eorum territus, ut
se saluaret, continuo arborem ascendit, alter
eum Vrsæ uiribus posse obsistere dubitaret, uti mortuus
humi iacuit resupinus, retinens flatum atq; anhelitum,
cum ne Ore nec naso respiraret, Vrsa eum exanimatum
existimans abiit, Dicunt enim à cadauere Vrsas omnino
se abstinere, Alter deinde ex arbore descendens, quid in
aurem sibi dixerit Vrsa, socium rogauit. Ille urbano
sermone respondit, admonitus sum ab Vrsa, ut cum hu-
iusmodi amicis non proficiscar amplius.

¶ Fabula significat, quòd eorum amicitia colenda
non est, qui cum est opus, amicis subsidia denegant.

DE Adolescentibus duobus & Coquo.

A Dolescentuli duo æquis sumptibus carnes coe-
merunt, & curatum Coquo tradiderunt. Obiter
Coquus dū alijs uacat negotijs, alter iuuenum
carnes eas clanculū accepit, ac socio tradidit. Coquo de-
inde carnes queritanti, qui acceperat, se haud habere u-
rat. Qui uero habebat, se non accepisse iurabat. Coquus
percepto iuuenum dolo ait, Et si fallor equidem à uo-
bis, per quem uero iuratis, res ista non latebit Deum.

Fabula

¶ Fabula significat, nullum scelus posse latere Deum.
DE DVOBVS INIMICIS.

Dvo quidā gladiatorio aīo inter se inimicitias habentes una in Naui nauigabant, & cū alter eodem in loco stare cū altero non pateretur, unus in puppi, alter in prora consedit. Orta autem tempestate, cum nauis periclitaretur, qui in prora sedebat, rogat Nauis gubernatorem, quæ pars nauis submergi prius deberet, & cum gubernator pupim dixisset, ait ille, Mors mihi modo molesta minime est, si inimicum meum prius mori prospicio. ¶ Fabula significat, quòd inimicus, ut inimicum perdat, seipsum perdere sæpius eligit.


DE CALAMO ET OLIVA.

Quæ nā esset fortior, durior et magis resistens canna & Oliua inuicem contendebant, oliua calamo humilitatem obijciebat, eò quod uentis facile cederet. Huic dicto unum arundo haud reddidit uerbum. Paulo post turbine uehementi aspirans uentus radicitus euulsit oliuam, totis uiribus sibi obsistentem. At canna flatibus se inclinans, salutem facile est affecuta

¶ Fabula significat, quòd potentioribus sine controuersia mos est in tempore gerendus


DE VITVLA ET BOVE.

Vitula cū bouem arantem prospiceret, illum præ se quæ nihil agebat contempsit. Sed cum immolationis affuit dies, Bos quidem missus, Vitule uero

uero ut immolaretur retenta est. Quam rem bos cū conspicatur, surridens ait, heus Vitula, ideo non laborabas, ut immolareris.  Fabula significat, quod otiosis & nihil agentibus pericula quoq; imminet.


¶ DE PVERO ET FORTVNA.

C Vm puer quidā iuxta puteū dormiret, fortūa illuc accedens illum excitauit inquit, surge & hinc ocyus abi, quippe in puteum si caderes, non tuam inscitiam, sed me fortunam omnes accusarent.

 Fabula significat, quod frequenter pericula culpa nostra incurrimus, deinde abs re fortunam accusamus.

DE MVRIBVS ET CATO.

D Omo quapi. quod per plures forent Mures, Catus presentiens, illuc accessit, atq; nunc unum nunc alium capiens, complures interimendo comedit, Verum Mures cum se in diem consumi perciperent, ad unum cocti inquit secum, de cetero inferius non erit descendendum, si uolumus perditum iri omnes, sed hic superius manendum, quo Catus ascendere non potest. At Catus consilio Murium percepto, simulans se mortuum esse, posterioribus pedibus se ad palum suspendit, qui fixus parieti erat, ē Muribus quispian deorsum acute prospiciens, ut Catum esse cognouit, haud infacete ait. Heus amice, & si te follem esse certo scirem, deorsum minime descenderem.


 Fabula significat, quod uir prudens semel si fallitur

N fictis

fictis & simulatis hominibus non amplius fídit.

DE SIMIA ET VVLPE.

A Pud brutorum animalium Conciliam Simia ita apposite saltauit, quod omnium ferè consensu Rex statim fuit creatus. At Vulpe, inuidens ei, ubi uiderat carnes laqueo in fouea sitas, illuc Simiam ut duxit, inquit ad eam, Hic thesaurus absconditus est, qui ex lege spectat ad reges, quare cum tuus ex lege sit, tute ipse capias illum. Simia Vulpis suasu illuc temere accedens, ut se captam laqueo sensit, Vulpem acriter accusat, quæ dolo se deceperat. Ei Vulpes haud illepide ait, heus stulta, quæ cum fortuna te extulisset, dominari cæteris iam te putabas dignam.


 Fabula significat, quod qui temere quippiam aggredditur, temere in aduersa incidit, ac uulgo ridiculus fit

DE CERVO ET LEONE.

C Eruus uehementi siti cum uexaretur, ad fontem proficisciur, dumq; potat, suam in aqua prospiciens umbram, ualde letatus est magnitudine cornuum ac ramositate, deinde pedes & crura prospiciens nimium tristatus est. Hæc dū animo uertit, ecce Leo apparet, ac Ceruū psequitur. At Ceruus fugam arripiens, leonem per campos longe anteibat. Dicunt enim ceruorum uires consistere in pedibus, at Leonis in animo stare robur. Quousq; igitur Leo per campos secutus est Ceruum, eum assequi non potuit. Casu uero contigit, Ceruum


uum

num nemus intrare, ubi cornibus ad ramos implicitis, cum fugere non posset, á Leone captus, cum se moriturum uideret, Heu me miserum, inquit, qui cornibus gauisus, ipsis cornibus perco.

 Fabula significat, quód que putamus nobis profutura, ea nobis sepius obsunt.


¶ DE AGRICOLA & PELARGO.

Agricola laqueos in agro tetendit, ut Grues & Anseres ueneraretur, qui sata sua continue depascebant. At simul cum illis uenatus est, pelargum, qui pede tentus, rogat Agricolam, ut eum soluat, missumq; faciat, cum sit Grus, nec specie Anser, sed Pelargus auium pijsimus, qui parenibus semper deseruit, nec illos in senectá deserat unquam, Ei Agricola surridens ait. *Quæ dicis haud me fugiant, nam qui sis, probe teneo, sed his simul captus cum sis, his quoq; simul est moriendum.*

 Fabula significat, quód qui cum improbis quopiani deprehenditur crimine, pari poena plectitur cum illis.


DE AGNO ET LVPO.

Agnus in domo bene clausa existens, cū Lupum ad se uenientem perspicit, illū conuicijs & maledictis persequitur. At Lupus inquit ei, nō tu, sed locus inaccessibilis mihi conuicia dicit.

 Fabula significat, quód locus & tempus faciunt timidos persepe audaces.


DE IOVE ET CORVO.

Iuppiter uolatilibus regem creare uolens, diem concilij auibus indixit, ut qui speciosior esset, rex sibi constitueretur. Quam rem praesentiens Coruus, ac suae deformitatis conscius, pennis aliorum hinc inde collectis se decorauit, ac speciosissimum omnium se reddidit. Adest dies praefinitus, ueniunt ad concilium aues. Iuppiter Coruum ob pulchritudinem cum regem auibus creare uellet, id aues indigne ferentes, quaeque suas à Coruo extrahunt pennas. At Coruus alienis pennis cum esset exutus, Coruus ut erat, demum remansit.

 Fabula significat, quod qui rebus pendet alienis, illis amissis, quisnam ipse sit, cuique liquido patet.

DE TVBICINE QVODAM.

Tvbicen quidam tubae sonitu pugnatum ciebat exercitum. Ab hostibus deinde per insidias captus miranda uoce clamabat. Ne abs re ac frustra occidere me uelit, ego quidem non pugno, nec praeter tubam quippiam aliud possideo. Qui eum uinctum ducebant, huiusmodi uerba contra reddiderunt. Hanc ob rem morte dignior es iudicandus, quod cum hostibus manus conferre deuitans, alios sonitu ad pugnam hortaris.

 Fabula significat, quod grauiori poena sunt iudicandi, qui cum ipsi iniuriam non agant, alios a iniuriam agendam impellunt.

DE FABRO ET CANE.


Faber

Faber quidam Catulum habebat, qui dum ipse ferrum cuderet, continue dormiebat. Cum uero manducabat, Canis statim surgebat, & quæ sub mensa erant deiecta ceu ossa & alia huiusmodi, sine mora corrodebat, quam rem animaduertens Faber ait ad Canem, heus miser quid faciam nescio, qui dum ferrum cudo, continue dormis & segnitia teneris. Rursum cum dentes moueo statim surgis, & cauda mihi applaudis.

Fabula significat, qd' secordes et somnolenti, qui ex aliorum uiuunt laboribus, graui censura sunt coercendi.

DE MVLA QVADAM.


Mula quædã nimio ordeo pinguis effecta, nimia pinguedine lasciuiebat, secum inquiens. Pater mihi Equus fuit, qui cursu celerrimus erat, & ego ei per omnia sum similis, Parum post contigit, quòd oportuit Mulam quantum potuit currere, sed cum cursu cessauit, heu me miseram, inquit, quæ Equi filiam me esse putabam. At nunc memini Asinum mihi patrem fuisse.

 Fabula significat, quòd stulti in prosperis seipos dediscunt, sed in aduersis suos persepe recognoscunt errores.

DE THYNO ET DELPHINO.


Thynus cū eum Delphinus persequeretur, magno elatus impetu ac stridore, à uehementi fluctu in insulam defertur, eundemq; in scopulum à fluctu eodem delphinus dum se putat capere Thynū, ipse quoq;

N 3 deser-

defertur, thynus conuersus, cum delphinum expirantem animam perspicit, secum ipse ait, mors mihi molesta admodum non est, ex quo mortis autorem mori simul mecum perspicio.  Fabula significat, quod quiuus aduersa leuius fert, cum aduersitarum autores eadem aduersitate secum opprimi perspicit.


DE MEDICO QVODAM.

Medicus quidam cum quem curaret egrotum cum mori contingeret, efferentibus funus aiebat, Vir iste si se uino abstinuisset, & clysterijs usus fuisset, cum mori non contigisset. Ex his qui aderant quispiam Medico haud infacete ait, Heus medicine, ista consilia cum quibant, dicenda fuerunt, non nunc, cum nihil ualeant prodesse.

 Fabula significat, quod ubi haud prodest consilium, id eo tempore dare, est sane micum deludere.

DE AVCVPE.


Avceps aucupatum calamis uiscoq; tetendit, & cum Turdum canere arboris desuper ramum aspexit, ut cum caperet, calamos erexit. At inambulandum pede altero Viperam calcavit, morsusq; ab ea cum iamtam ob uenenum se deficere persensit, Heu me miserum, ingemuit, qui dum alium capere festino, alter ad mortem me est aucupatus.

 Fabula significat, quod quae contra alios facere nitimur, ea persepe ab alio ipsi patimur.

De Castore


DE CASTORE.

Castor est animal quadrupes, qui in paludibus se nutrit, eius testes uarijs medelis uiles esse dicuntur. Itaq; cū quispiā eū sequitur, suæ psecutionis causam nō ignorans, ac pedum uelocitati fidens, quantū potest fugit, usquequo ad locū, ne uideatur, saluus deneniatur, atq; ibi testes excidens, in uenatores cū sibi appropinquat, proijcit. Et isto pacto à uenatoribus se eripit.

 Fabula significat, quòd sapiens, ut à periculis se eripiat, nihil intentatum deserit.

DE PVERO OUES PASCENTE.

Puer quidā cum oues eminentiori in loco depasceret, sæpius clamabat, heus ò à lupis mihi succurrite. Qui circū aderāt cultores agrorum, cultū omitterēs, ac illi occurrētes, atq; nihil esse cōperientes ad opera sua redeūt. Cū pluries puer id ioci causa fecisset, ecce cū lupus pro certo adesset, puer ut sibi succurratur serio clamat. Agricola id uerum non esse putantes cum minime occurrerent, Lupus oues facile perdidit.

 Fabula significat, quòd qui cognoscitur mentiri, ei ueritas postea non creditur.

DE CORVO ET LVPO.

Coruu cū carniū frustum rapuisset, arborem quandā supersedit, uulpes eū suspiciens, atq; carnes sibi cupiēs, illum arte aggreditur. Stans igitur sub arbore, Coruum laudare occipit diens, O quam

magna auis est hæc, quàm speciosa, quàm uenatrix, quàm formosa, hanc decuit auium Regem. Nam omnia regia super alias sibi sunt aues, si modo uocem haberet. His laudibus Coruus inflatus, & dici mutus haud ualens pati ulterius, dum magna uoce crocizat, carnes humi decidunt. Illas cum Vulpes rapuisset, conuersa inquit ad Coruum. Heus Corue, omnia decora tenes, modo mente haud careres.

☞ Fabula significat, quòd qui adulatoribus nimium credunt, hi, quæ non putant, in aduersa sæpius incidunt.

DE CANE ET LUPO.

Canis cū ante aulam dormiret, Lupus superueniens, cū statim coepit, & cum ipsum occidere uellet, canis ne eum occideret rogauit. Inquiens, heremine mi Lupe, nūc me occidere noli, nā ut uides, tenuis sum gracilis et macilentus, Sed herus meus nuptias in proximo facturus est, ubi si parum me expectas, ego opiparum manducans, atq; pinguior factus ero tibi utilior. Lupus his uerbis fidem habens, Canem dimisit. Paucos post dies Lupus accedens, cum Canem domi dormientem reperit, stans ante aulam Canem rogat, ut sibi promissa præstet. Ei Canis haud rustice, inquit, Heus Lupe, si ante aulam de cætero me repereris, haud amplius nuptias expectes.

☞ Fabula significat, quòd sapiens cum periculum uitat, ab illo postea continue cauet.

DE CORVO AEGROTANTE.

CORUUS

C Oruus cū ægrotaret, matrem rogauit, ut sua pro sanitate deos precaretur iquiens, mater noli plorare, sed deos potius precare, ut sanitatē mihi restituant. Ei mater scire rñdit, quē deorū tibi fore propitiū putas? Cū nullus sit, è cuius aris sacra non rapueris.

☞ Fabula significat, quòd qui in prosperitate quemuis offendit, in aduersis amicum sibi reperit neminem.

¶ DE CANE CARNES PORTANTE.

C Anis ore ferens carnes, ac flumen transiens, cum sub aqua umbram prospexit, putauit alium esse Canem, qui plus carniū deferret. Itaq; quas ipse ferebat, eas carnes sub aquas ire demisit, & ut umbram caperet, semouit, sed carnes & umbram, quæ sane nihil erant, simul perdidit.

☞ Fabula significat, quòd cupiditate plus semper habendi, quæ tenemus, ea sæpe numero perdimus.

DE LEONE ET RANA.

L Eo cū Ranam magniloquacem audiret, putans aliquod magnū animal esse, se retrouertit, parūq; stans, Ranam è stagno exeuntem uidet, quam indignabundus statim pedibus calcauit, aiens, nullū amplius ut te respiciat animal clamore mouebis. ☞ Fabula significat, qd' apud uerbosos, præter linguā nihil reperitur.

¶ DE LEONE SENE.

L Eo cū senuisset, nec uictum sibi querere posset, uiam machinatus est, qui alimēta haud sibi de-

N 5 sint.

sint. Ingressus igitur speluncam, grauius se egrotare iacens simulabat. Animalia illum uere egrotare putantia, uisitandi gratia ad eum accedebant, quae Leo capiens singulatim manducabat. Cum multa animalia iam occidisset, Vulpes Leonis cognita arte, aditum speluncae accedens, Leonem quo ualeat pacto exterius stans rogat. Ei Leo blande respondens ait: Vulpes filia, cur non inro ingrederis ad me? Ei Vulpes non illepide ait, quoniam haec mi animalium ingredientium per plura equidem uestigia cerno, sed egredientium uestigia nulla.


Fabula significat, quod homo prudens quia pericula eminentia prouidet, illa facile deuitat.

DE LEONE ET TAURO.

Leo ingentem Taurum per insidias sequens, cum prope accessit, eum uocauit ad coenam, inquit, amice ouem occidi, hodie mecum, si placet, coenabis. Taurus Leoni morem gerens, ut discubuerunt cum multis lebetes, necnon magnos & plures obeliscos paratos conspiceret, & Ouem ibi nullam adesse, e uestigio abiit. Quem Leo abeuntem perspicies, cur abiret rogauit. Ei Taurus haud inurbane respondit, Non de nihilo equidem abeo, cum instrumenta non ad Ouem, sed ad Taurum coquendum uideam esse parata.


Fabula significat, quod homines prudentes minime latent improborum artes.

¶ De Leone, Asino & Vulpe.

LEO, Asinus & Vulpes cōflata inter se societate, uenatum exeūt, cum multam prædā cœpissent, Leo Asino mandat, ut prædā diuidat, Asinus eam in tres partes æquales esset partitus, optionem capiendi socijs dedit, quam partitionem Leo indigne ferens ac dentibus frendens, a diuisione deposuit eum, mandauitq; Vulpi, ut prædā ipsa partiretur. At Vulpes illas tres partes in unū colligens, ac prædā nihil sibi seorsum reliquens, Leoni oīa tradidit, Tunc Leo Vulpi ait, quis te partiri edocuit? Inquit ex tpe Vulpes, Asini periculum id me facere instruxit.  Fabula significat, quod aliorum pericula homines faciunt cautiore.

¶ DE Leone cuiusdam Rustici filiam amante.

LEO cuiusdam rustici filiam amabat, illam cū habere cuperet, patrem uirginis rogauit, ut sibi nubere ipsam assentiret. Ei rusticus ait, nullo pacto se assensurum, quod filia bestiae nubat. Cum illum Leo torue aspiceret, ac dentibus frenderet, Rusticus mutato consilio ait, se cupere ei filiam nubere, modo dentes & ungulas prius cædat euellatq; quoniam uirgo illis rebus longe terretur. Leo id postquā præ nimio amore fecit, rusticum audiens, filiam sibi dari postulat. At Rusticus Leonem cum ungulis & dentibus perspicit inertem, arrepto fuste ipsum frequens pulsando persequitur.

 Fabula significat, quod qui inimicis se committit, de facili perit.

De Leona

DE LEENA ET VVLPPE.

L Eena cum à Vulpe saepius exprobraretur, quod quolibet partu unum duntaxat pareret Catulum, ait, Vnum sane, at Pol Leonem.

Fabula significat, quod pulchritudo haud inopia rerum, sed in uirtute consistit.

DE LVPO ET GRVE.

L Vpus in gutture osse retento, cum longe cruciaretur, Grui pretium obtulit, si illud è gutture extraheret. Grus rostro cum os è gutture extraxit, pretium sibi promissum exoptulat. Ei Lupus surridens, simulq; acuens dentes ait, saiis pretij tibi esse debet, quod ex Lupi ore caput sine laesione eduxeris.

Fabula significat, qd' apud improbos gratitudo non parua habetur, si p obsequio quis detrimentū nō recipit

DE LVPO ET AGNO.

L Vpus cum agnum inuenisset errantem, cum non cœpit fortissima manu, sed causam quaesivit, qua iure uel iniuria eū comederet, igitur agno uerba huiusmodi fecit. Tu mihi abunde iam diu intulisti iniurias. Agnus gemendo ait, quo modo id fieri potuit, cū nuperrime uenerim ad lucem. Lupus denuo ait, Agrū mihi pascendo deuastasti. Agnus, inquit ei, cū dentibus etiam careā, id facere nequiui. Lupus rursum ait, Ex meo quoq; fonte bibisti. Ei inquit Agnus, quo pacto id fieri potuit, cū aquam ex atate nondum biberim, sed lac matris

cibus

ibus et potus adhuc mihi fit. Lupus demum ira concitatus
ait, licet tua soluere nequeam argumenta, cenare tamen
pipare intendo, agnumque coepit ac illum manducauit.

Fabula significat, quod apud improbos ratio
& ueritas locum haud habent.

¶ DE duobus Gallis intra se certantibus.


Duo Galli intra se ruri certabant. Qui Gallina-
rum prior dux erat, cum ab altero superatus
esset, prae uerecundia se abscondit, alter uero
uictoria elatus domus tectum statim superuolans, uehe-
menti alarum plausu cantuque significat se riualem suum
pugnando superasse, & de aduersario ferre trophaeum,
dum haec & huiusmodi iactabundus uoce crocizat, ecce
Aquila cibi indiga, ex alto deuolans, Gallum unguibus
rapit, ac pullis suis in alimoniã contulit. Quam rem qui
uictus fuerat Gallus prospiciens ceu ex hoste trium-
phans, in publicum uenit, ac solus gallinis libere potitur.

Fabula significat, quod qui prosperis nimium fi-
dit, in aduersa sepius praecipit incidit.

DE VATE QVODAM.


Foro urbis medio quidã uates, cuius sortem ape-
riebat futuram, quam obrem magna hominũ fre-
quentia stipatus, dum uni & alteri suam aperit
sortem, ei nunciatur, res suas furtim domo esse ablatas.
Quo audito domum curriculo dum abiit, quidam ei ob-
uiam factus ridicule ait, Cur alios quid esset futurum
monebas

monebas, qui tuæ fortis nescius fuisti ?

 Fabula significat, quòd homines nequam corrigunt alios, & sua crimina scire se negligunt.

DE FORMICA ET COLUMBA.

Formica sitiens in fontem descendit, ubi dum bibere uult in aquam cecidit. Columba quædam arborem fonti eminentem supersedens, cum Formicam aquis obrui conspiceret, ramulum ex arbore rostro continuo frangit, ac sine mora deiecit in fontem, ad quem Formica se applicans, ex aquis in tutum se recepit. Orbiter auceps quidam aduenit, & ut Columbam uenetur, calamos erigit. Formica id percipiens, pedem alterum momordit Aucupi, eo dolore Auceps concitus, calamos demittit, quorum strepitu Columba territa, ex arbore aufugiens uitæ periculum euasit.

 Fabula significat, cum bruta in bñficos grata sint, eo magis esse debent, qui participes sunt rationis.

DE VITULO ET

CERVA.

Vitulus Ceruæ aliquando ait, cum magnitudine sit maior canibus, & pedum celeritate cursu uelocior, & ad pugnam longe cornibus munitior, cuius rei gratia mater tantopere canes reformidas ? Ei Cerua inquit, surridens, Quoniam fili, licet quæ dicis, omnia possideam, Canum latratum ferre non possum, sed præ timore fugam statim arripio.

Fabula

Fabula significat, quòd qui natura timidi sunt, apud eos, ut audeant, nulla ualere hortatio.

¶ DE APE ET IOVE.

Apes quæ ceræ mater existit, quondam accedens ut dijs sacra faceret, Ioui donum obtulit mellis. Qua oblatione Iuppiter letus, iussit sibi concedi quicquid ipsa precaretur. Apes igitur rogans, ait, Illustrissime deus deorum, ancille tuæ concedere uelis, ut quicumq; ad alueare pro rapiendo melle accesserit, is simul ac pupugero eum, continuo moriatur.

Qua rogatione Iuppiter diu ambiguus, quoniam genus mortalium longe amabat, demum api ait, Satis sit tibi, quod quicumq; alueare pro rapiendo melle accesserit, sicut cum pupugero, et in punctura stimulum dimiseris, continuo ipsa moriaris, tibiq; uita sit ipse stimulus.

☞ Fabula significat, quòd inimicis quandocumq; mala precamur, quæ in nos sepius uertuntur.


¶ DE MVSCA.

Musca, quæ in ollam carniùm deciderat, cum se in brodio suffocari sensit, secum ipsa ait. Ecce tantum bibi, tantum comedi, tantum melai, quod iure satura mori possum.

☞ Fabula significat, quòd prudentis est id potentis animo ferre, quod uitari minime potest.


DE ADOLESCENTE QVODAM
dam & Hyrundine.

Adolefcens luxuriosus, cum bona Patris con-
sumpſiſſet, ſolaq; ueſtis remanſiſſet, t, uifa ante
tempus Hyrundine, eſtatem iam ad eſſe exiſti-
mans, ipſam quoq; uendidit ueſtem. Sed Hyeme denuo
orta, cum immenſo cruciaretur frigore uifa ruruſum Hy-
rundine, quæ & ipſa frigore obibat, ait, O peſſima a-
uis, quæ me & te pariter perdididi.

 Fabula ſignificat, quòd quæ ſuo tempore
non ſiunt, ea diu ſtare nequeunt.

DE AEGROTO ET MEDICO.


Æger à Medico rogatus quo pacto ſe habuiſſet,
plusquam eſſet opus, ſcq; ſudafſe reſpondit. Id
bonum fuiſſe, Medicus ait. Secũdo rogatus ab
eodem, quò ſe haberet, iquit egrotus, uehementi frigore
fuiſſe comprehenſum. Id ad ſalutem fore, Medicus quoq;
ait. Tertio ab eodem rogatus quo pacto ſe habuiſſet, in-
quit egrotus, cum difficultate digerere potuiſſe. Ruruſus
Medicus ait, id ad ſalutem optimũ fuiſſe. Deinde ex do-
meſticis cũ quidam egrotum interrogaret, quomodo ual-
leret. Illi eger ait. Signa ad ſalutem, ut Medicus ait, per
plura & optima ſunt, illis tamen diſpereò ſignis.

 Fabula ſignificat, quòd qui ad uoluptatem lo-
quuntur, illis aures præſtare quis non debet.

DE LIGNATORE QVODAM.

Lignator

Lignator quidam dū iuxta flumen deo Mercurio dicatū ligna caderet, Securis casu cecidit in flumen. Multo igitur mœrore comprehensus, iuxta fluminis ripam gemens confedebat. Mercurius misericordia motus Lignario apparuit, suiq; fletus causam rogauit, quā simul ac didicit, Securim auream deferens, utrū, quam perdiderat, illa esset rogauit, ac eam pauper suam esse negauit. Secundo Mercurius alteram detulit argenteam, quam cum pauper ille suam quoq; esse denegaret. Postremo Mercurius ligneam sustulit illam suam esse cū pauper assentiret, Mercurius cognoscens illum esse hominem uerum iustumq;, omnes sibi dono dedit. Accedens igitur ad socios Lignarius, quod sibi acciderat aperit. Vnus ex socijs id experiri uolens, cum ad flumen accessisset, Securim in aquam deiecit, deinde stens in ripa confedit, cuius Mercurius fletus causam doctus, Securim auream afferens, si quā perdiderat, illa esset, rogauit, quā cum suā esse assereret, Mercurius cognita eius impudentia ac mendacio nec auream, nec suam quoq; tradidit.

 Fabula significat, quod quanto Deus propicius est probis, eo improbis existit infestior.

DE ASINO ET IOVE.

Asinus olitori cuidam seruens, cum multum commederet, et parum laboraret, Iouem exorauit, ut alium dominum sibi mutaret. Itaq; Iupiter mandat ut figulo ueneat, Apud quē Asinus cum laboraret, in

ret, in deportando lutum, lateres, tegulas, et huiusmodi.
Secundo Iouem precatur, ut alio deseruiat domino.

Iuppiter iterum mandat, ut coriario uenundet. Cui
Asinus multo cum labore, & pauco cibo seruans, beu-
me miserum cum gemitu ait, qui dominos omittens me-
liores, ad deteriores perueni, apud quem, ut uideo, co-
rium meum etiam post mortem cruciabitur.

☞ Fabula significat, quòd priores dominos tunc serui
desiderant, cum deteriores experiuntur.


DE LEPORIBVS ET RANIS.

Lepores in unum simul conuenerunt, ubi cum de
miseria ipsorum innata dolerent gementes,
quod uita eis, quàm ceteris animalibus data es-
set miserior, quoniam homines, Aquilæ, & Canes ad
mortem eos usq; persequerentur: decernunt, melius sibi
fore semel mori, quàm in uita tam misera diutius per-
manere. Hoc certo consilio, ut se in stagnum præcipi-
tent, dum ocyus tendunt, Ranæ quæ super stagni Ripa
astabant, ut strepitum audiunt, in stagnum desiliunt, seq;
aquis submergunt. Quam rem qui Lepus præibat cum
conspicatur, reliquis ait, state, nam nobis sententiâ mu-
tanda est. Quippe ut liquido uidetis animalia, quàm nos
magis timida reperiuntur.

☞ Fabula significat, quòd cum miser miseriam
aspicit, suam æquius miseriorem fert.

DE ASINO ET EQVO.

Asinus




19
Iusta et iura sine latina parva
1111


Polonio
Mase
Masoie


Polonus
Kolus
com po re
Dixit Jesus
scipulis suis


Jesus dixit
scipulis suis

Iudei in die
Jesus dixit









Konserwacja dokonana w r. 1938
przez Piotra Karowakiego
Intreligatora Biblioteki Miejskiej

D. 1301



2730
1920
Ber.